



ЯКЯФИСТЫ

ЧИТАЕМЫЕ
В БОЛЕЗНИ
И СКОРБИ

Сборник Акафисты читаемые в болезни и скорби

Текст предоставлен правообладателем

http://www.litres.ru/pages/biblio_book/?art=33319534

Акафисты, читаемые в болезни и скорби: Московское Подворье Свято-Троицкой Сергиевой Лавры; Москва; 2001

ISBN 5-7789-0119-4

Аннотация

«Если приходит скорбь – надо больше молиться», – наставлял известный аскет и подвижник, святитель Игнатий (Брянчанинов). Ведь молитва – это самое верное средство к врачеванию всех болезней как душевных, так и телесных. Поэтому у православных христиан с древнейших времен принято обращаться с молитвой не только к Богу – Творцу и Устроителю всей нашей жизни, но и к Божией Матери и святым угодникам Божиим. Святым целителям мы молимся потому, что многие из них за свое твердое исповедание веры Христовой еще в земной жизни сподобились у Господа дара врачевания страждущих, а по своем отшествии в небесные обители стяжали и особую благодать у Бога быть заступниками и ходатаями пред Ним об оставлении всех наших согрешений, вольных или невольных, и избавлении от всех скорбей и болезней. Акафисты, читаемые в болезни и скорби

Матери Божией мы молимся потому, что Она ближе всех к Богу и вместе с тем близка также и к нам. Ради Ее материнской любви и Ее молитв Господь дарует нам прощение, утешает и укрепляет нас в вере, о чем свидетельствуют явленные нам, страждущим, иконы Божией Матери, от которых происходят чудеса и исцеления. Только молиться надо с верою, помня слова Господа: Просите, и дано будет вам (Мф. 7, 7). А если молясь и не получаем тотчас просимого, то само пребывание в молитве для человека есть благо и счастье, ибо, постоянно беседуя с Божией Матерью и святыми угодниками Божиими, мы приобретаем себе заступников и молитвенников на небесах.

Содержание

От издателей	7
Акафист Пресвятей Владычице нашей Богородице в честь иконы Ея, именуемой «Всех скорбящих Радость»	9
Акафист Пресвятей Владычице нашей Богородице в честь иконы Ея, именуемой «Казанской»	28
Акафист святителю Алексію, митрополиту Московскому	46
Акафист Пресвятей Владычице нашей Богородице в честь иконы Ея, именуемой «Всецаріца»	64
Акафист святителю Нектарию, митрополиту Пентапольскому, Эгінскому чудотворцу	80
Акафист Пресвятей Владычице нашей Богородице в честь иконы Ея, именуемой «Фео́доровская»	98
Акафист Пресвятей Владычице нашей Богородице в честь иконы Ея, именуемой «Скоропослу́шница»	119
Акафист святому великомученику и целителю Пантелеімону	139
Акафист святой великомученице Варваре	157

Акафист святому священномученику Анти́пе, епископу Перга́мскому	178
Акафист святому мученику Вонифатию	193
Акафист преподобному и богоносному отцу нашему Иоáнну, пустынножителю Ры́льскому, чудотворцу	211
Акафист преподобному отцу нашему Никите столпнику, Переславскому чудотворцу	231

Афисты читаемые в болезни и скорби



По благословению Святейшего Патриарха Московского и
всея Руси Алексия II

ИЗДАТЕЛЬСТВО
МОСКОВСКОГО ПОДВОРЬЯ
СВЯТО-ТРОИЦКОЙ СЕРГИЕВОЙ ЛАВРЫ



От издателей



«Если приходит скорбь – надо больше молиться», –ставлял известный аскет и подвижник, святитель Игнатий (Брянчанинов). Ведь молитва – это самое верное средство к врачеванию всех болезней как душевных, так и телесных. Поэтому у православных христиан с древнейших времен принято обращаться с молитвой не только к Богу – Творцу и Устроителю всей нашей жизни, но и к Божией Матери и святым угодникам Божиим.

Святым целителям мы молимся потому, что многие из них за свое твердое исповедание веры Христовой еще в земной жизни сподобились у Господа дара врачевания страждущих, а по своем отшествии в небесные обители стяжали и особую благодать у Бога быть заступниками и ходатаями пред Ним об оставлении всех наших согрешений, вольных или невольных, и избавлении от всех скорбей и болезней.

Акафисты, читаемые в болезни и скорби Матери Божией мы молимся потому, что Она ближе всех к Богу и вместе с

тем близка также и к нам. Ради Ее материнской любви и Ее молитв Господь дарует нам прощение, утешает и укрепляет нас в вере, о чем свидетельствуют явленные нам, страждущим, иконы Божией Матери, от которых происходят чудеса и исцеления.

Только молиться надо с верою, помня слова Господа: Просите, и дано будет вам (Мф. 7, 7). А если молясь и не получаем тотчас просимого, то само пребывание в молитве для человека есть благо и счастье, ибо, постоянно беседуя с Божией Матерью и святыми угодниками Божиими, мы приобретаем себе заступников и молитвенников на небесах.



**Акафист Пресвятей Владычице
нашей Богородице в честь
иконы Ея, именуемой
«Всех скорбящих Радость»
Во всякой скорби и болезни**



Конда́к 1

Взбра́нней Воево́де победи́тельная, я́ко изба́вльшеся от вечныя смерти благодатию от Тебе ро́ждшагося Христа́ Бога нашего и Твоим ма́терним пред Ним ходáтайством, благодáрственная воспису́ем Ти, раба́ Твои: я́ко иму́щая державу непобедимую, от всяких нас бед и скорбных обстоя́ний свободи́, зову́щих: ра́дуйся, Благодáтная Богоро́дице Де́во, всех скорбя́щих Ра́досте.

Икос 1

Ангел предста́тель по́слан бысть с небесе́ рещи́ Богородице: радуйся, возвеща́я Божественным воплоще́нием Христо́вым хотя́щую родитися от Нея́ Радость всему́ миру, в ско́рби погиба́юще. Темже и мы, грехми́ обременё́ннии, надежду спасения в Тебе улучивше, умильно зываем Ти:

Радуйся, Божие ко грешным благоволе́ние; радуйся, кающихся пред Го́сподом Богом крепкое заступле́ние.

Радуйся, падшаго Адама воззвание; радуйся, слез Евиных избавле́ние.

Радуйся, греховную отъёмлющая скверну; радуйся, ба́не, омывающая совесть.

Радуйся, ро́ждшая Изба́вителя, беззакония наша ту́не очищающего; радуйся, всечудное всех к Богу примирение.

Радуйся, мо́сте, воистину преводя́й нас от смерти к живо́ту; радуйся, мир от потопа греховнаго спа́сшая.

Радуйся, ле́стнице небесная, ё́уже Госпо́дь к нам сни́де; радуйся, вина́ всех обоже́ния.

Ра́дуйся, Благода́тная Богоро́дице Де́во, всех скорбя́щих Ра́досте.

Кондак 2

Видяще токи чудес, изливаемые от святыя Твоея иконы, благая Богородительнице, яко Ты еси молящихся благая помощница, обидимых заступница, ненадеющихся надежда, печальных утешение, алчущих кормительница, нагих одеяние, девственных целомудрие, страннх наставница, труждающихся помощь, слепых прозрение, глухих благослышание, больных исцеление, благодарственне вопием о Тебе Богу: Аллилуиа.

Икос 2

Разум недоразумённый находящих на ны лютых скорбей разумети ища, к Тебе прибегаем, о Мати и Дево, утешения трéбуя. Ты же, яко благая, научи ны разумети в них благого Сына Твоего милосёрдное промышление во спасение душ наших и очищение многих согрешений, да взываем Ти радостно:

Радуйся, обуреваемых тихое пристанище; радуйся, сумнящихся известное утверждение.

Радуйся, едина Мати милосердия; радуйся, скорая помощнице сущим в бедáх и напáстех.

Радуйся, скорбьми грехи наша очищающая; радуйся, пе-

чалию наша не́мощи душевныя врачующая.

Радуйся, суетныя радости мира сего презирати нас научающая; радуйся, от мира к премірным ум наш возводящая.

Радуйся, от любве земныя к небесней Божией любви нас привлекающая; радуйся, в самых страданиях наших утешение и благодатную жизнь нам подающая.

Радуйся, обетование благ вечных; радуйся, ходатаице вечныя радости.

Радуйся, Благодатная Богородице Дево, всех скорбящих Радосте.

Кондак 3

Силою свыше укрепи́ мя, благая Владычице, недугующа телом и душею, и посещения Твоего сподоби и промышления, мрак уныния и скорби, одежа́щий мя, отгоняя, да спасаемый Тобою, непрестанно вопию Богу: Аллилу́иа.

Икос 3

Имуще́ богатство милосердия неизрече́нное, всем скорбящим ру́ку помощи простираеши, недуги врачующи, страсти исцеляющи. Не прэзри и мене́, благая Владычице, на одре́ не́мощи моея́ низлежа́ща и вопиюща Ти:

Радуйся, милости сокровище многоценное; радуйся, от-

чаянных еди́на надеждо.

Радуйся, тела моего врачевание; радуйся, души моея спасение.

Радуйся, твердая крѣпосте немощных; радуйся, изнемогающих заступнице и укрепление.

Радуйся, гнев Божий Твоим молением скоро утоляющая; радуйся, страсти наша силою молитв Твоих укрощающая.

Радуйся, слепых зрение, глухих слышание; радуйся, хромым хождение, немых глаго́лание.

Радуйся, болящих благонадежное посещение; радуйся, яко Тобою по мере веры подаются благодатная исцеления всем немощству́ющим.

Радуйся, Благодатная Богородице Дево, всех скорбящих Радосте.

Кондак 4

Буря многих бед и напастей обдержит мя, и волнения не ктому́ терплю: Ты же, яко милостивая Мати Спаса моего и Бога, воздвигни рúце к Сыну Твоему молящи Его, да при́зрит на лютую скорбь сёрдца моего и воздвигнет мя из пучины отчаяния, вопиющаго Ему: Аллилу́иа.

Икос 4

Слы́шаши, Пресвятая Дево и Мати, Симеона праведнаго прорече́ние: Тебе же Само́й ду́шу про́йдет ору́жие, слагала еси́ в се́рдце Твоем вся глаголы сия́, понимаючи, я́ко радость ма́терняго се́рдца о ча́дех мно́гих печалей в мире сем бывает прича́сна. Темже, я́ко искуше́нней по всяческим и спострада́ти ма́терней ско́рби могу́щей, взываем Ти:

Радуйся, радость миру Христа Спасителя ро́бдшая; радуйся, мир от скорбе́й избавляющая.

Радуйся, хуления и клеветы́ на Сына Твоего терпевшая; радуйся, страданием Его спострадавшая.

Радуйся, скорбных ма́терей утешение; радуйся, чад их благодатное охранение.

Радуйся, в беда́х скорое нам заступление; радуйся, заблуждших исправление.

Радуйся, младенцев питание; радуйся, юных наставление.

Радуйся, Мати сиротству́ющих; радуйся, вдов заступление.

Радуйся, Благодатная Богородице Дево, всех скорбящих Радосте.

Кондак 5

Боготѣбную Кровь Сына Твоего, на Кресте за спасение наше изливаемую, зрящи, яко Раба Господня, смиренно воли Отца, Иже на небесѣх, повинующаяся, нам образ злострадания и терпения явила еси, да и мы, в пещи искушений и бед сущии, вопием смиренно Богу: Аллилуиа.

Икос 5

Видя Тя, Сын Твой и Бог, при Крестѣ стоящую с возлюбленным учеником и сердцем Ему сраспинающуюся, глаголаше: Жено, се, сын Твой, и ученику: се, Мати твоя, всыновляя Тебе вся верующия в Него. Мы же, яко общницы скорби и страданий Сына Твоего, имееще в Тебе благую Матерь, на Тя все упование в скорби возлагающе, вопием Ти:

Радуйся, Мати рода христианскаго; радуйся, усыновившая нас при Крестѣ Сына Твоего.

Радуйся, Бога с человеки соединившая; радуйся, верных Господевы сочетававшая.

Радуйся, Агнице, рождающая Агнца, вземшаго грехи мира; радуйся, чаше, черплющая нам радость от Источника безсмертия.

Радуйся, споручнице спасения грешных; радуйся, взыска-

ние погибших.

Радуйся, неча́янная грѣшных ра́досте; радуйся, па́дших воста́ние.

Радуйся, целительнице всех не́мощей; радуйся, утоление всякия печали.

Радуйся, Благодатная Богородице Дево, всех скорбящих Радосте.

Кондак 6

Пропове́дуют милости Твоя, Богомати, вси концы́ вселѣ́ныя, и́бо честнымъ покрѣ́вомъ Твоимъ покрываеши весь род христианский, о немже непрестанно мо́лишися Христу Спасителю нашему и избавляеши от всех бед благонравныя и богобоя́щияся рабы́, верно вопиющія Богу: Аллилу́иа.

Икос 6

Возсия́ благодать светозарная от пречу́дных иконы Твоея́, Богомати, пред не́юже со слезами припа́дающе, мо́лим Ти ся: отже́ни о́блак нашедших на ны искушений, да вопием Ти радостно:

Радуйся, приносящая к Сыну Твоему и Богу моления верных; радуйся, и Сама́ у Престола Сына Твоего непрестанно молящаяся о нас.

Радуйся, предстательнице к Богу, мир от бед спасающая;
радуйся, заступнице рѣда христіанскаго, от Бога нам даро-
ванная.

Радуйся, древо благосенноліственное, имже покрывают-
ся мнози; радуйся, древо светлоплодовѣтое, имже питаются
вернии.

Радуйся, покрѣве миру, ширѣй облака; радуйся, землѣ
обетованія, из неяже течет мед и млекѣ.

Радуйся, светлый облаче, верныя непрестанно освещаю-
щий; радуйся, столпе огненный, наставляяй избранныя к
небесному наследию.

Радуйся, нѣво, растящая обилие щедрот; радуйся, пода-
тельница всякия благодати.

Радуйся, Благодатная Богородице Дево, всех скорбящих
Радосте.

Кондак 7

Хотящи явити токи чудес от Своея иконы, Всех скорбя-
щих Радости, повелела еси, Владычице, болящей Евфимии
молебная пения пред тою совершати, и получивши исцеле-
ние всем проповѣдати милости, ради тоя иконы явленныя, да
не сокрыт будет источник благодатных изцелений всем тре-
бующим. Тѣмже и мы не тайм Твоих благодѣяний, но благо-
дѣрственне прославляюще Бога, вопием Ему: Аллилуія

Икос 7

Новая купель Силоáмская пáче óных древняя явйся, Пре-
чистая Владычице, храм Твой, в нёмже покланяемся чудо-
творней иконе Твоей: íбо не единою в лето и тóкмо пёрвее
входящим здравие тéла подаеши, но всегда всякий недúг и
всякую язву душевную и телесную врачúеши с верою и лю-
бовию к Тебе прибегающих. Сего ради вопием Ти:

Радуйся, купéль, в нейже вся скóрби наша погружаются;
радуйся, ча́ше, ёюже радость и спасение восприемлем.

Радуйся, ка́меню, напоивший жаждущия жизни; радуйся,
дрéво, улаждающее слáныя вóды житейскаго мóря.

Радуйся, животворныя воды неистощимый источниче; ра-
дуйся, ба́не, омывающая греховную скверну.

Радуйся, скорбéй наших улаждéние; радуйся, печалей
наших утоление.

Радуйся, болезней наших врачевание; радуйся, бед избав-
ление.

Радуйся, дéмонов попрание; радуйся, врагóв посрамле-
ние.

Радуйся, Благодатная Богородице Дево, всех скорбящих
Радосте.

Кондак 8

Странники и пришельцы вси есмь на земли сей, по глаголу апостолу: беды от врагов, беды от сродник, беды от лжебратии терпяще в лишениях многих и скорбех. Ты же, Владычице, яко благая Одигитрие, настави нас к тихому пристанищу, и моли Сына Твоего прощению прегрешений нам прежде конца дароватися, да непрестанно вопием Богу: Аллилуиа.

Икос 5

Все житие наше на земли болезненно и печали исполнено от клеветы, досаждения, укорения и иных многовидных бед и напастей: немощствует бо тело, изнемогает и дух наш. К Тебе убо прибегаем, Богомати, пред пречистою иконою Твоею припадающе, исполни радости и веселия скорбная сердца наша, да вопием Ти:

Радуйся, путеводительнице, к небесному отечеству нас руководящая; радуйся, Царице неба и земли, врата райская нам отверзающая.

Радуйся, милостивая, нас милующая; радуйся, домостроительнице, житие наше добре устрояющая.

Радуйся, руно орошенное, еже Гедеон предвиде; радуйся,

блаженное чрево, невместимаго всеми Бога вместившее.

Радуйся, купино́ неопали́мая; радуйся, неруши́мая стено́.

Радуйся, живоносный источниче; радуйся, цвете неувяда-
емый.

Радуйся, умягче́ние злых серде́ц; радуйся умиле́ние бла-
гих.

Радуйся, Благодатная Богородице Дево, всех скорбящих
Радосте.

Кондак 9

Всякая житейская в мире сем сладость печали бывает
прича́стна: слава не стои́т, богатство мимоте́чет, ле́пота и
здравие увядают, дру́зи и и́скреннии смертью отъе́млются.
Услади́ убо наша ско́рби, благи́х вино́вная, Твою́ нетленную
даючи радость нам вопиющим Богу: Аллилу́иа.

Икос 9

Ветия́ многовещáнная недоуме́ют, кийми словесы́ скор-
бя́щия утешáти, но Сама, Владычице, возглаго́ли сердца́м
нашим утешéние, благодати Твоея́ лучами о́блак ско́рби
на́шея и мрак уныния разгоня́ющи, да зываем Ти:

Радуйся, обрадовавшая надéянием на Тя всех христиан;
радуйся, радости и умирéние миру.

Радуйся, подательнице Божественныя благодати; радуйся, надеждо благ вечных.

Радуйся, кораблю хотящих спастися; радуйся, пристанище житейских плаваний.

Радуйся, верная хранительнице уповающих на Тя по Бóзе, радуйся, одеждо нагих дерзновения.

Радуйся, хранительнице всех и утверждение; радуйся, всех верных ограждение и священное прибежище.

Радуйся, помощи верно молящихся Тебе; радуйся, светлое благодати познание.

Радуйся, Благодатная Богородице Дево, всех скорбящих Радосте.

Кондак 10

Спаси́ хотя́й род челове́ческий от вечно́й му́ки и непреста́юща́я ско́рби, Чело́веколюбец Госпо́дь в присноде́вственную утробу Твою́ всели́ся и Тебе, Ма́терь Свою́, дарова́ погиба́ющим в помощь, покров и защище́ние, да бу́деши печальным утеше́ние, скорбя́щим ра́дование, отчая́нным наде́жда, вечно́й муки Своим ходата́йством избавля́ющая и к небесному весели́ю приводя́щая всех, верно вопи́ющих Сыну Твоему́ и Богу́ нашему́: Аллилу́иа.

Икос 10

Стенá еси дéвам, Богородице Дево, и всем к Твоему покрóву прибегающим. Темже мо́лим Тя: заступí, покрýй и соблюди всех сýрых и безпóмощных от искушений, озлоблений и бед, Тебе с любовью взывающих:

Радуйся, стóлпе дéвства; радуйся, чистоты и целомудрия сосóуде избрáнный.

Радуйся, во́инствующим на плоть целомúдрием изрядное венчáние; радуйся, во íночестве благоскорбýщим подательнице вечнаго радования.

Радуйся, пламень страстéй изменяющая; радуйся, мрак искушений прогоняющая.

Радуйся, наставнице целомудрия; радуйся, чистоты ограждение.

Радуйся, исправление челове́ков; радуйся, Еюже от паде́ния воста́хом.

Радуйся, твердое веры утверждение; радуйся, приятное молитвы кади́ло.

Радуйся, Благодатная Богородице Дево, всех скорбющих Радосте.

Кондак 11

Пение всеумилённое приносим Ти, раби Твои, Богородице, яко всесильней заступнице рода нашего: утоли болезни многовоздыхающия души моя, укроти гнев Божий, праведно на ны движимый грех ради наших, избави нас от всякия лютыя скорби и болезни, вопиющих о Тебе Богу: Аллилуиа.

Икос 11

Светопріёмная свеща, углем благодати Божия возжжённая, явися нам пречестная икона Твоя, Владычице, на освящение наше и утешение. Мы же, любовию чтущее ю и с верою припадающе к ней, вопием Ти:

Радуйся, сильным Твоим заступлением от всех бед нас избавляющая; радуйся, от труса и потопа нас защищающая.

Радуйся, от глада душевнаго и телеснаго нас снабдевающая; радуйся, огонь рососою молитв Твоих угашающая.

Радуйся, от смертнаго губительства нас спасающая; радуйся, в бранех крепкая помощнице.

Радуйся, от нашествия иноплемённых нас ограждающая; радуйся, от междоусобных брани охраняющая.

Радуйся, плавающих легкое по водам прехождение; радуйся, путешествующих добрая водительнице.

Радуйся, пленных свободение; радуйся, от надлежащаго праведнаго прещёния Божия скорое избавление.

Радуйся, Благодатная Богородице Дево, всех скорбящих Радосте.

Кондак 12

Благодати залог восхотевши дати роду нашему, цельбоносную икону Твою явила еси нам, Богомати, от неяже токи чудес с верою приходящим источаются, недужи врачуются и скорби утоляются. Сего ради радостно о Тебе вопием Богу: Аллилуиа.

Икос 12

Поюще Твоя милости и чудеса, Богородительнице, хвалим Тя вси, яко твердую предстательницу нашу, и со умилением покланяемся Тебе, молящейся о нас, и просим: воздвигни руки к Сыну Твоему, да всегда в сей жизни и по смерти нашей милосердие Его неотступно будет от нас, взывающих Ти:

Радуйся, непостыдное наше упование в животё и по преставлении нашем; радуйся, уповающим на Тя мирен конец жития сего подающая.

Радуйся, в день судный наша надеждо и защищение; ра-

дуйся, Судий праведнаго умоление.

Радуйся, геенны вечныя избавление; радуйся, надеждо вечнаго спасения.

Радуйся, ключу Царствия Христова; радуйся, двере райская.

Радуйся, мосте, к небесем приводяй; радуйся, всех кающихся грешников прибежище и благая заступнице.

Радуйся, Ангелов радости; радуйся, всех праведных славо и утешение.

Радуйся, Благодатная Богородице Дево, всех скорбящих Радосте.

Кондак 13

О Всепетая Богообрадованная Мати, рождающая на радость небу и земли Царя Христа, Бога нашего! Услыши глас скорбящих раб Твоих, и приими сие малое моление наше, избави нас от всяких бед, скорбей и напастей; недуги наша исцели, напрасныя клеветы потреби, всяку злобу и вражду отжени от нас, и будущия изми муки о Тебе вопиющих: Аллилуиа.

Этот кондак читается трижды, затем 1-й икос «Ангел представитель...» и 1-й кондак «Взбранней Воеводе...»

Молитва

О Пресвятая Владычице и Богородице, высшая Херувим и честнейшая Серафим, Богоизбранная Отроковице, всех скорбящих Радосте! Подаждь утешение и нам, в скорби сущим: разве бо Тебе иного прибежища и помощи не имамы. Ты едина еси радости наша ходатаица, и яко Матерь Божия и Мати милосердия, предстоя у Престола Пресвятыя Троицы, можешь нам помощи: никтоже бо притекаяй к Тебе посрамлен отходит. Услыши убо и нас ныне в день скорби пред Твоею иконою припадающих и со слезами Тебе молящихся: отжени от наслежащая на нас скорби и печали в сей временной жизни, не лишены же ны сотвори Твоим всеильным ходатайством и вечныя нескончаемыя радости в Царствии Сына Твоего и Бога нашего. Аминь.

Икона «Всех скорбящих Радость» находится в Преображенском храме на Ордынке в Москве. История этой иконы такова: в 1688 году сестра Патриарха Московского и всея Руси Иоакима Евфимия, долго страдавшая неизлечимой болезнью, однажды услышала голос, призывавший ее пойти помолиться перед образом Божией Матери «Всех скорбящих Радость» на Ордынку и заказать совершение молебна с водосвятием. Евфимия выполнила указание свыше и исцелилась.



Акафист Пресвятей Владычице нашей Богородице в честь иконы Ея, именуемой «Казанской» От глазных болезней и слепоты



Конда́к 1

Избра́нней от всех родо́в Заступнице рода христианскаго,
покровом Своея́ благости покрывающей страну нашу правосла-
вную, благодарственная пения приносим Ти, Богородице,
о явлении чу́дныя Твоея́ иконы. Ты же, я́ко всемилостивая,
всех притекающих к Тебе помощнице, заступай нас во всех
ско́рбех и ну́ждах, беда́х и напа́стех, да зовем Ти: радуйся,
Заступнице усердная рода христианскаго.

Икос 1

Ангел предстатель послан бысть рещи Богородице: радуйся, егда Бог Слово воплощашеся во утробе Ея; и мы, грешнии, прославляюще явление чудныя Ея иконы и Божественнаго Младенца Спаса Христа, со умилением вопием Благодарней:

Радуйся, Богоизбранная Отроковице; радуйся, Мати Божия.

Радуйся, Царице небесé и земли; радуйся, светлое Цérкве Небесныя и земныя украшение.

Радуйся, Ангелы чтимая; радуйся, певáемая от Серафим.
Радуйся, светлое пророческое сбытíе; радуйся, апóстолов похвалó.

Радуйся, мученическое исповéдание; радуйся, преподобных вéнче.

Радуйся, праведных веселие; радуйся, грешных упование.
Радуйся, Заступнице усердная рода христианскаго.

Кондак 2

Видящи, Всенепорочная, с высоты небеснаго жилища Своего, идéже с Сыном Твоим в славе пребывáеши, скорбь рабов Твоих в новопросвещéнном граде, яко гневнаго ради

Божия посещения вера Христова поругаема бывает агарянским зловерием, благоволила еси явити икону Свою, чудесы ю прославляющи, да утверждаеми знаменьями Твоея благодати, христолюбивии людие верно вопиют Богу: Аллилуиа.

Икос 2

Разумение трикратнаго явления Богоматере мудрая отроковица ищущи, течё ко властём, повёдающи им дивное явление и грозное прещёние; мы же, дивящеся свыше данному отроковице вразумлению, благоговейно вопиём к Преполословённой:

Радуйся, устнами чистыми хвалу Бóгови совершающая; радуйся, тайны благодати Божия верным открывающая.

Радуйся, верных известная похвало; радуйся, молние, неверных устрашающая.

Радуйся, славою чудес Твоих верных разум озаряющая; радуйся, агарянского зловерия обличение.

Радуйся, гордыни их низложёние; радуйся, веры христианския утверждение.

Радуйся, почитания святых икон освящение; радуйся, скорбь нашу в радость претворяющая.

Радуйся, несумненною надеждою нас увеселяющая; радуйся, Заступнице усердная рода христианскаго.

Кондак 3

Сила Вы́шняго благодатию Богоматере умудри́ и укрепи́ отрокови́цу к исканию многоценнаго Божия да́ра, и та с верою дерза́ющи о Господе, приступи́ к труду и, скрытое в земли обрѣ́тши сокровище святых иконы Богоматерни, радостно возопи́ к Богу: Аллилу́иа.

Икос 3

Име́ющи благоутро́бное промышление о новопросвещенных лю́бдех града Казани, от пречестны́я Твоея́ иконы то́ки чудес источила еси, Владычице, слепым телѣ́сными очима́ зрение подава́ющи, омраченных же душевно светом богопознания и благочестия озаря́ющи, девствующим под осенѣ́нием Твоея́ иконы пристанище небурное да́рующи. Сего ради зове́м Ти:

Радуйся, явлением иконы Твоея́ тьму лю́тых обстоя́ний отгоня́ющая; радуйся, лучами чудес Твоих всех просвеща́ющая.

Радуйся, слепых прозрѣ́ние; радуйся, омраче́нных смыслом просвещѣ́ние.

Радуйся, славо Православия; радуйся, тихое пристанище и́щущих спасения.

Радуйся, Мати целомудрия; радуйся, покрове и ограждение дѣвства.

Радуйся, Еюже ликовствует все множество верных; радуйся, Еяже ради рыдает дѣмонское полчище.

Радуйся, всех христиан возжелѣнная помощнице; радуйся, всех скорбящих радости.

Радуйся, Заступнице усердная рода христианского.

Кондак 4

Бурю смятений и крамолы врагами воздвигнутую в стране нашей утолити тѣхъся блаженный Ермогѣн, списатель чудес Твоея, Богомати, иконы, слезно пред нею молящися и, видев, яко воѣнству православному в щит и победное знаменіе Твоя икона дарова́ся, верою укрепляемый до конца живота своего, вопияше Богу: Аллилу́иа.

Икос 4

Слышавше православнии воѣни откровенную преподобнымъ Сергіемъ святителю Арсенію тайну, яко предстательствомъ Богоматере судъ об отечествѣ нашемъ преложенъ на мѣлость, икону Богоматерню, яко знамя победное, приимше, исхитѣша мать градовъ русскихъ из рукъ супостатъ и возопиша заступнице христианъ:

Радуйся, Мати Бога Вышняго; радуйся, яко за всех молиши Сына Твоего, Христа Бога нашего.

Радуйся, яко всем твориши спастися, в державный Твой покров прибегающим; радуйся, заступнице всех сущих в скорбех и болезнях.

Радуйся, всем молящимся с сокрушенным сердцем пред пречистым Твоим образом полезная дарующая; радуйся, избавление зол всем, невозвратно надежду имущим на Тя.

Радуйся, тихое и доброе пристанище; радуйся, скорая помощнице.

Радуйся, готовый и теплый покрове спасения; радуйся, источающая неоскудная милости.

Радуйся, предваряющая на помощь; радуйся, избавляющая от всех бед.

Радуйся, Заступнице усердная рода христианскаго.

Кондак 5

Боготечная звезда явися Твоя, Богомати, икона, всю страну Российскую обтекающая, лучами чудес Твоих осиявающая всех блуждающих по морю страстного жития, мрак печалей и мглу всяких недуг и скорбей прогоняющая и наставляющая на путь спасения с верою к Тебе притекающих и вопиющих к Богу: Аллилуиа.

Икос 5

Видев царь Петр, яко от святых иконы Богоматери благодатию Божиею содеваются многая чудеса, приемлет ю в путеводительницу воинству своему и в день брани на своею щит и покров, и победив до конца врага помощью Богоматери, тем камень совершенный во основание новаго царствующаго града положи, икону же Твою чудную, яко освящение, яко щит и ограждение, в сердце града постави. Сего ради вопием Пречистей:

Радуйся, жилище и доме Христа Бога нашего; радуйся, вместилище неизреченныя Его славы.

Радуйся, граде одушевленный, присно царствующий; радуйся, палато приукрашенная.

Радуйся, радости градов и весей; радуйся, непобедимое христиан в бедах хранилище и предградие.

Радуйся, Церкви Православныя похвало; радуйся, Русской земли утверждение.

Радуйся, христоролюбиваго воинства помощнице; радуйся, врагов одоление.

Радуйся, от бед избавление; радуйся, матерними Твоими щедротами всех посещающая.

Радуйся, Заступнице усердная рода христианскаго.

Кондак 6

Предстояще пред пречистым Твоим образом архиереев сословие и вси людие, монаси и мирстїи, проповедуют, Госпоже Богородительнице, великія Твоя милости, яко грады ограждаеши, обители покрываеши, вѣси защищаеши, и ведуще Тя войстину помощницу сильну и непобѣдиму, со слезами приносят Ти молитвы, да прострѣши к Сыну Твоему Богоносныя руки за люди Твоя, во ѣже избавити нас от всех бед и напастей, да благодарне вопием Богу: Аллилуиа.

Икос 6

Возсиявши просвещение истинное и отгнавши дрѣвле леть агарянскую в новопросвещенней стране Казанской, ныне во всех градах российских свѣтиши светом чудес и милостей: притекающим бо с верою ко Твоей иконе цельбоносней скорбей избавление, недугов исцеление и радости всякия исполнение приемлют, вопиюще Тебе усердно:

Радуйся, неистощимый источниче святыни; радуйся, многотекущая реко Божественныя благодати.

Радуйся, грешных с Богом примирение; радуйся, грехов наших очищение.

Радуйся, благочестия наставнице; радуйся, в добрых де-

лѣх утверждение и помощь.

Радуйся, добрыя обеты приемлющая; радуйся, благим намерением способствующая.

Радуйся, злыя начинания разрушающая; радуйся, вражия козни расторгающая.

Радуйся, скорая человеком помощнице; радуйся, милость сугубо нам подающая.

Радуйся, Заступнице усердная рода христианскаго.

Кондак 7

Хотящу народу православному исповѣдати милости Преподобнословѣнная Царицы неба и земли и по силе благодарственная принести о избавлении его от нашествия иноплемѣнных, дивному храму, созданному в честь пречудныя иконы, победная в дар принесѣ, да вси пámятующе милость Богоматере, спасшия град сей и страну, выну воспевают Богу благодарными усты: Аллилуиа.

Икос 7

Стольному граду России святая икона Твоя, Богомáти, войистину явися благая Одигітрія якоже древле Цареграду: к Тебе бо прибегают людие, помощи Твоея на начало пути и дел своих просяще и благодарственная приносяще моле-

ния пред пречистою иконою Твоею за избавление от скорбей и напастей, Тебе помощницу и заступницу крепкую ведают. Темже благодарственно вопием Ти:

Радуйся, Российския страны покрове; радуйся, Православия в ней ограждение и утверждение.

Радуйся, несокрушимый щите воинов наших; радуйся, бронё их неуязвимая.

Радуйся, козни врагов обличающая; радуйся, яко паучину их растерзающая.

Радуйся, нечестия обличение; радуйся, крамолы разрушение.

Радуйся, юных от заблуждений исправление; радуйся, старцев утешение.

Радуйся, душевредных учений низложение; радуйся, душеполезных знаний дарование.

Радуйся, Заступнице усердная рода христианскаго.

Кондак 8

Странно и сумнительно неверующим слышати, како от иконы Твоея токи благодати истекают, воня животная благоухает; мы же, верующе слову, речённому Тобою, Владычице, к первописанней иконе: «С тобою Моя благодать и сила», уповаем, яко и с сею иконою благодать Твоя выну: тем же благоговейно предстояще лобызаем ю, покланяемся ей, яко Тебе Самей сущей, честь бо иконы на первообразное восхо-

дит, и Твоя благодать сею иконою зна́мения и чуда соде-
ва́ет всем с верою притекающим к Тебе и вопиющим Богу:
Аллилу́иа.

Икос 5

Вся бывши горé, к небесным взята и земных не оставля-
еши, Богомати, священным Твоим предстательством, има-
ши бо ма́тернее дерзновение ко Христу Богу нашему. Темже
утверди́ в мире глубóче православных жити́е и вся полезная
всегда да́руй рабо́м Твоим, да велича́юще воспева́ем Ти:

Радуйся, Невместимаго вместилище; радуйся, осенённая
силою Вы́шняго.

Радуйся, прозябшая Клас Небесный; радуйся, мир весь
душепа́губнаго глада изба́вльшая.

Радуйся, выну ходата́йствующая за род наш; радуйся, яко
много может молитва Твоя пред Сыном Твоим и Богом.

Радуйся, всех нас при Крестé Сына Твоего усыновившая;
радуйся, всегда ма́тернюю любовь к нам являющая.

Радуйся, ходата́ице вечных благ; радуйся, и во вре́менной
жизни полезная нам подающая.

Радуйся, известное прибежище наше во
всех скорбных обстоя́ниях; радуйся, несомненное утеше-
ние в печалех.

Радуйся, Заступнице усердная рода христианскаго.

Кондак 9

Всякаго естества ангельскаго превы́шшая явилася еси́,
Пресвятая Дево: Бога бо зачала́ еси́ плóтию, Невмести́мага
всеми вместила еси́ во утробе Твоей, на руках носила еси́
Носящаго весь мир длáнию: темже, яко честнѣйшую Херу-
вим и сла́внейшую без сравнѣния Серафим велича́юще Тя,
вопием о Тебе Богу: Аллилу́иа.

Икос 9

Ветія многовещáнныя, яко ры́бы безгласныя, видим о Те-
бе, Богородице: недоумѣет бо всяк язык благохвалѣти Тя по
достоя́нню, изумевáет ум пѣти Тя, Богородице; обáче благая
сúщи, приими́ и от нас архангельскій глас, Тебе вопиющих:

Радуйся, Благодатная; радуйся, яко Господь с Тобою.

Радуйся, благословенная в жена́х; радуйся, обрѣ́тшая бла-
годать у Бога.

Радуйся, родившая Спасителя миру; радуйся, Мати Сына
Божия.

Радуйся, Родѣ́тельнице вечнаго Царя; радуйся, изра́стив-
шая нам плод животá.

Радуйся, освященная Духом Святым; радуйся, осенѣ́нная
силою Всевышняго.

Радуйся, вѣрная раба Господня; радуйся, яко Тя блажат вси роди.

Радуйся, Заступнице усердная рода христианскаго.

Кондак 10

Спасти хотящи многия от находящих зол, скорбей и болезней, чудную икону Твою, Богомати, даровала еси, еже ради слепии прозирают, хромии ходят, разслабленнии встают, беснующиися исцеляются, земли плодоносие подается, людие от смертоносныя язвы избавляются, грады и домы от огня спасаются: темже прославляюще Бога, дающаго нам таковыя милости, вопием Ему усердно: Аллилуиа.

Икос 10

Стена еси, Богородице, стране Российстей, градом ограждение и слава, православному воинству на враги укрепление. Темже, благодаряще Тя, вопием:

Радуйся, прославляющих Тя прославляющая; радуйся, нечтущих Тя посрамляющая.

Радуйся, врагов устрашение; радуйся, от нашествия иноплемённых избавление.

Радуйся, воинов крепосте; радуйся, в дни брани забрало и ограждение.

Радуйся, в дни мира живонóсный саде, увеселяющий сердца верных; радуйся, оружие, егоже трепещут дѣмони.

Радуйся, спасительный елѣй, умащающий грехóвныя раны кающихся; радуйся, теплое наше упование.

Радуйся, несумнѣнная наша надеждо; радуйся, тихое и доброе пристанище.

Радуйся, Заступнице усердная рода христианскаго.

Кондак 11

Пение хвалебное и благодарственное приносят Тебе, Владычице, припадающе ко иконе Твоей и любезно лобызающе ю, дев ли́цы, под державным покровом Твоим тихое и мирное иноческое житіе провождающи, и возложивше на Тя все упование, радостно вопиют Богу: Аллилуиа.

Икос 11

Яко светоприёмную свещу́, зрим Твою честную икону, Пресвятая Владычице: та бо невещественный огонь благодати Твоея восприѣмши, и в подобіих ея нóвы возжигает светильники, причастны тояжде силы благодатныя, и озаряет чудесы́, наставляющи на путь спасения всех вопиющих Ти сице:

Радуйся, Невесто Неневѣстная; радуйся, Богоизбранная

Отроковице, Мати Дево.

Радуйся, добрая наставнице непорóчнаго дéвства; радуйся, хранительнице ревну́ющих о чистоте.

Радуйся, жен похвалó; радуйся, дев величание.

Радуйся, вдов заступление; радуйся, сирóт призр́ение.

Радуйся, нищих питательнице; радуйся, нагíх одея́ние.

Радуйся, печальных утеш́ение; радуйся, скорбящих веселие.

Радуйся, Заступнице усердная рода христианскаго.

Кондак 12

Благодать дáти восхотéвши почитающим Тя с любовию, Богородительнице, присущую Ти силу благодáтную оставила еси во святых Твоих иконах, ибо Божественная благодать, спребывáющи тем иконам, знáмения и чудеса вíну содева́ет и душевных и телесных недúг исцеление всем с верою приходящим подает Твоими Богомáтерними непрестанными к Богу молитвами о вопиющих Ему: Аллилуиа.

Икос 12

Поюще Твоя́ чудеса бывшая в древняя и настоящая времена́, хва́лим Тя, я́ко живоносный источник благодáти, я́ко неистощимую реку́ чудес, я́ко бездну милости и щедрот, и

все упование по Бозе возлагающе на Тя и в сей и в будущей жизни, прославляюще Тя, вопием:

Радуйся, христиан непостыдное упование; радуйся, верных спасительное прибежище.

Радуйся, ненадёжных надеяние; радуйся, отчаянных спасение.

Радуйся, ба́не, омывающая совесть; радуйся, росó, оживляющая ду́ши.

Радуйся, болезней врачевство скорое и безмездное; радуйся, от всех бед быстрое избавление.

Радуйся, утешительнице во всякой скорби; радуйся, из глубины погибели спасающая.

Радуйся, отрадо в день смерти; радуйся, единая надежда и по смерти.

Радуйся, Заступнице усердная рода христианского.

Кондак 13

О Всепетая Мати, рождшая всех святых Святейшее Слово! Приими ныне малое сие моление и, величия ради бла́гости Твоея и бездны щедро́т Твоих, не помяни множества грехов наших, но испóлни во бла́гих проше́ния наша, подава́ющи телу здра́вие, ду́шй спасение, избавляющи от всякия ну́жды и печали и Царствия Небеснаго наследники сотворя́ющи всех верно вопиющих Богу: Аллилуиа.

Этот кондак читается трижды, затем 1-й икос «Ангел представитель...» и 1-й кондак «Избранней от всех...»

Молитва

О Пресвятая Госпоже Владычице Богородице! Со страхом, верою и любовью припадающе пред честною иконою Твоею, молим Тя: не отврати лица Твоего от прибегающих к Тебе, умоли, милосердая Мати, Сына Твоего и Бога нашего Господа Иисуса Христа, да сохранит мирну страну нашу, Церковь Свою Святую, да незыблему соблюдет ю от неверия, ересей и раскола. Не имамы бо инья помощи, не имамы инья надежды, разве Тебе, Пречистая Дево: Ты бо еси всесильная христиан помощница и заступница. Избави всех с верою Тебе молящихся от падений греховных, от навета злых человек, от всяких искушений, скорбей, бед и от напрасныя смерти: даруй нам дух сокрушения, смирение сердца, чистоту помышлений, исправление греховныя жизни и оставление прегрешений, да вси благодарне воспевающе величия Твоя, сподобимся Небеснаго Царствия и тамо со всеми святыми прославим пречестное и великолепое имя Отца и Сына и Святаго Духа. Аминь.

Явление Казанской иконы Божией Матери, не раз избавлявшей Отчизну от смут и нестроений, произошло в 1579 году, когда в Казани Богородица явилась во сне одной девице

по имени Матрона и повелела идти и взять Ее икону из земли. Икона была чудесно обретена завернутой в кусок сукна, сквозь который сияла чудным светом, как будто новая. Когда во время крестного хода икону несли в храм, происходило множество исцелений, особенно от слепоты.

И сейчас перед Казанской иконой Божией Матери молятся все недугующие глазными болезнями и слепотой.



Акафист святителю Алексію, митрополиту Московскому От глазных болезней и слепоты



Конда́к 1

Избра́нный архиерею и слуго́ Великаго Архиереа Иисуса, преблаженне Алексіе! Яко сподобы́лсися многих твоих благодеяний, не имуще же что́ воздати, похвальная воспису́ем ти и от души взываем, пропове́дающе чудеса твоя: испроси нам от Царя Небеснаго безбе́дно преи́ти прочее жития сего и достигну́ти Го́рняго Иерусалима, да тамо узрѣ́вше тя в блаженней радости, воззовем к тебе: радуйся, Алексіе, великий чудотво́рче и скорый помо́щниче.

Икос 1

Ангеле, от земли прозябый! Великаго Совета Ангел, провидев доброту души твоея, прежде век избра тебе, еже благовестити плененным отпущение и слепым прозрение. Отнюдуже мы, грешнии, светом дел твоих получивше прозрение и грехов отпущение, зываем:

Радуйся, корене благаго отрасли блажайшая; радуйся, честных родителей добрейший сыне.

Радуйся, благоуханнаго сада прозябение; радуйся, духовным возрождением Богу Отцу усыновленный.

Радуйся, миропомазанием Святаго Духа запечатленный; радуйся, имя, яко миро излиянное, свыше восприявый.

Радуйся, от пелен Богу посвященный; радуйся, мужественно иго Христово на себе возложивый.

Радуйся, земная и мимотекущая, яко уметы вменивый; радуйся, егоже Человек домовит – Иисус утре наят делателя в виноград Свой.

Радуйся, образ Божий и подобие свято соблюدший; радуйся, красот, душевныя и телесныя очи всех увеселяющая.

Радуйся, Алексие, великий чудотворче и скорый помощниче.

Кондак 2

Видя откровением Духа Святаго, яко не устоят нечестивии на суде праведном, но суть яко прах, егѡже возметааетъ ветр, отъ молодыхъ ногтей, преблаженне Алексіе, на советъ ихъ не шел еси, ниже на пути грешныхъ челоуековъ сталъ еси, но закону Божию усердно поучался и прочимъ внушалъ еси пети: Аллилуиа.

Икос 2

Разумъ свѣше пріемъ, малъ дѣтищъ сущъ, еже не труждаѣтся всѣу въ ловленіи птицъ, потщался еси вся яже на земли красная оставити. Темже мы приглашаемъ тебе:

Радуйся, на ловѣтвѣ челоуековъ призванный; радуйся, к горнимъ, яко на крилахъ, возлетаѣый.

Радуйся, море житейское любомудріемъ испытѣѣый; радуйся, волнение его безопасно прошѣдый.

Радуйся, землѣ благая, сѣмя слова Божія воспріѣѣвшая; радуйся, землѣ, плодъ сторичный произрастѣѣвшая.

Радуйся, пшенице, Хлебъ Небесный устроившая; радуйся, в житницѣ небесней соблюденная.

Радуйся, обрѣтый многоценный бисеръ и его всемъ, елика имѣлъ еси, купѣѣый; радуйся, зѣльнымъ пощѣніемъ, яко благо-

вкусною пищею, от юности питаемый.

Радуйся, всеобщим стоянием и непрестанными молитвами себе в подвиге укрепивый; радуйся, в море слез твоих множества демонов потопивый.

Радуйся, Алексіе, великий чудотворче и скорый помощниче.

Кондак 3

Силою свыше егда облече тя Дух Всесвятый, пастыря Церкви Российстей поставляя, тогда всем людям твоим вдыхал еси хвалу: Аллилуиа.

Икос 3

Подобаше, отче Алексіе, с Небесе песни тебе воспеваемей быти, а не от земли: кто бо от человек возможет по достоинству твоея святыни величия поведати? Но мы, любовию твоею побеждаеми, вопием ти сие:

Радуйся, дóльная и красная мира презревый; радуйся вышних красот желанием воспаленный.

Радуйся, единого Христа от сердца возлюбивый; радуйся Тому единому всею душею прилепивыйся.

Радуйся, правило веры благочестивыя; радуйся, благий делателю винограда Христова.

Радуйся, дарованный талант приумноживый; радуйся, в радость Господа твоего вшедый.

Радуйся, сладостями духовными нас насыщающий; радуйся, благоприятное к Богу кадило.

Радуйся, благоухание молитвы к Престолу Вышняго возносящий; радуйся, любовный к Богу о нас предстателью.

Радуйся, Алексіе, великий чудотворче и скорый помощник.

Кондак 4

Бурю безместных помыслов, от диавола непрестанно воздвизаемую, до конца укротил еси и, радуясь о таковой победе, торжественно Богу воспевал еси: Аллилуиа.

Икос 4

Слыша и видя премногую твою добродетель, пастыря тя Церкви Христовы избирает сословие православное, мы же, о сем веселящиеся, глаголем ти:

Радуйся, достойно восседый на седище апостольством; радуйся, кормило корабля Христова.

Радуйся, мудрый наставниче; радуйся, звезд неперелестная, в руке Христовой содержаемая.

Радуйся, в подвиге учительства неутомимый; радуйся,

безвестных и тайных Премудрости Божия проповедниче.

Радуйся, неліцепріємный Истины побѣрниче; радуйся, безбожных и нечестивых уст обличителю и заградителю.

Радуйся, благовременне и безвременне в учении апостолу поревновавый; радуйся, властью, данную ти свыше, мудре и душеполѣзне человеки вязавый и решивый.

Радуйся, кающихся утѣшителю; радуйся, паствы твоея добрый хранителю.

Радуйся, Алексіе, великий чудотворче и скорый помощниче.

Кондак 5

Боготѣчною Кровію искупившаго род человеческий от законныя клятвы верою зря Владыку и усердне к Нему любовію распаляем, непрестанно возглашал еси: Аллилуиа.

Икос 5

Видев великий князь твое вѣліе духа мужество и любовь к отечеству твоему, умоли́ ты поити́ к безбожному царю Вердеви́ру; ты же ѡбіе шед, благими и кроткими словесы́ зѣльный гнев его на род христіанский утѣлил еси. Сія благодѣянія твоѣя, отче наш Алексіе, мы, сынове россійстии, исповедующе, благодарне вопіем ти:

Радуйся, мужественный Духа воине; радуйся, столпе крепости нашея от лица вражия.

Радуйся, оружие, без рати супостаты побеждающее; радуйся, щите, от напастей ограждающий.

Радуйся, яко кокош, птенцы своя охраняющий; радуйся, жезле, падающих подкрепляющий.

Радуйся, пастырю, волков от стада отгоняющий; радуйся, душу свою за овцы положить не отрекись.

Радуйся, любви Христовой истый хранителю; радуйся, не яже своя, но яже ближняго взыскавый.

Радуйся, скорбящих скорое услышание; радуйся, печальми обуреваемым тихое пристанище.

Радуйся, Алексіе, великий чудотворче и скорый помощниче.

Кондак 6

Проповедницы твоея святѣни нам суть нетлѣнные твоя честныя мѡщи, чрез многа лѣта пред очима нашими лежащія, иже, аще и запечатанным сущим устѡм твоим молчанием, обаче вопиют непрестанно: Аллилуиа.

Икос 6

Возсия слава многих чудес твоих не токмо в преславнем

граде сем, но и в неверных агарянех, отнюдуже нечестивый царь Джанибѣк желаше, да помѡлишися о ослепшей царице его; ты ўбо всю надежду возложив на Врача душ и телес, силою молитв твоих зрение той испросил еси. Мы же, удивляшеся таковому преславному чудесѣ, зываем ти:

Радуйся, угодное чудес Божиих орудие; радуйся, в скудѣльном сосуде сокровище силы Божия явѣвый.

Радуйся, предсказания евангельскаго исполнителю; радуйся, десница чудотворения Иисусова.

Радуйся, язык Христов, словом исцеляяй; радуйся, апостольския силы сохранителю.

Радуйся, слепых просветителю; радуйся, немощных целѣбниче.

Радуйся, тайных провидче; радуйся, бесѡв от человек прогонителю.

Радуйся, силою чудес и невернаго царя Церковь почтити и возвеличити преклонѣвый; радуйся, не телесное токмо, но и душевное зрение подаваяй.

Радуйся, Алексѣе, великий чудотворче и скорый помощниче.

Кондак 7

Хотящу тебе благоугодити Творцу своему, не седмѣй токмо день освящал еси, но всю седмицу жития твоего во святости провождаѣл еси, воспевая Богу: Аллилуиа.

Икос 7

Новую ты показá тварь Зиждитель, всеблаженне Алексіе, зёмна Ангела и небёсна человека. Темже чудяшеса, воспеваети ти:

Радуйся, отче наш, обита́й духом в небеси, а телом на земли опочива́й; радуйся, дивная величия Божия всем поведáй земнородным.

Радуйся, плоть духу покоривый; радуйся, пленивый разум свой в послушание веры.

Радуйся, рыка́ющего адскаго льва уста́ заградíвый; радуйся, огонь похоти плотскíя погасíвый.

Радуйся, сребролюбия идол сокрушивый; радуйся, над всеми ко́знями вра́жиими восторжествова́вый.

Радуйся, отвергíйся себе и волю свою воле Божией покорíвый; радуйся, пита́выйся сокровенным хлебом небесным.

Радуйся, алка́вый и жаждáвый единыя правды; радуйся, Царствие Божие внутрь себе вселíвый.

Радуйся, Алексіе, великий чудотворче и скорый помощниче.

Кондак 8

Странное чудо житіе твое, святителю, является притека-

ющим ко всечестнымъ мощемъ твоимъ, при нихже и малое молье приносящимъ, велия всегда благодать от Бога подается, юже приѣмлюще, друг со другомъ радостно Богу возглашаемъ: Аллилуиа.

Икос 5

Весь умъ свой имѣя въ вышнихъ вперенъ, и нижнихъ, паству твою, не оставилъ еси, еже молитвы о ней возсылая ко Всевышнему Владыце, преподобне Алексіе. Не забуди и ныне насъ, приглашающихъ тебѣ усердно:

Радуйся, горѣ, добродѣтелями выше небесъ вознесенная; радуйся, рекѣ, скверны наша омывающая.

Радуйся, источнице, жажду греховную утоляя; радуйся, камению драгій, всю Россійскую землю украшая.

Радуйся, златѣ, во вся концы блещаніе отъ себе испущающее; радуйся, сребрѣ, седмерицею отъ сквернъ греховныхъ очищенное.

Радуйся, кимвалѣ, всехъ на славословіе Божіе созывая; радуйся, светильниче, сидящихъ во тмѣ озаряя.

Радуйся, древо, отъ жара греховнаго осеняющее; радуйся, благодѣтельная вѣтви лозы Христовы.

Радуйся, Таинственнаго Тѣла здоровый члене; радуйся, чадо славы воскресенія.

Радуйся, Алексіе, великій чудотворче и скорый помощниче.

Кондак 9

Всякое безмѣстныхъ страстей востание благодатию Господнею до конца потребилъ еси въ мѣртвенней плоти твоей, святителю Алексіе! Темже и былъ еси, яко древо насажденное при исходищахъ водъ, плодъ даѣ во время свое и поѣ Богу: Аллилуиа.

Икос 9

Ветія многоречивыя превзошелъ еси духовною силою слова твоего, повѣдая людямъ дивныя величія Божія и питая гладныя души хлебомъ съ небесъ. Мы же, таковая сердцемъ объѣмлюще, благодарне тебе зовемъ:

Радуйся, кедре, въ Церкви Христовѣ, яко въ Ливанѣ, умноженный; радуйся, яко финикъ, въ дому Божиѣмъ процветый.

Радуйся, кипарисе, верныхъ сердца благоволиемъ исполняяй; радуйся, винограде, сладкое благочестія вино намъ источаяй.

Радуйся, кри́не, горная поля украшаяй; радуйся, смоковнице благоплодная.

Радуйся, пшенице, чистымъ хлебомъ гладныя питающая; радуйся, маслино, елей милости изливающая.

Радуйся, цвѣте, от корене Христова процветый; радуйся,

сладкое вино, в точіле Иисусовом изгнетѣнное.

Радуйся, безсмертнымъ питіемъ днесь напоеваемый; радуйся, и намъ трапѣзу небесную уготовляяй.

Радуйся, Алексіе, великій чудотворче и скорый помощниче.

Кондак 10

Спасти хотѣ вверенныя ти люди, закон и Евангеліе по вся дни проповѣдал еси; да, познавше многая своя прегрѣшенія, прибегаютъ с молениемъ непрестанно ко Христу, Спасителю мира, от Негоже приѣмлющихъ прощенье научал еси ихъ пѣти: Аллилуиа.

Икос 10

Стена еси, всеблаженне Алексіе, Гóрняго Иерусалима, от десяти заповѣдей, яко от десяти вѣлиихъ ка́меній, Дúхом Святымъ устроѣнная! Имел бо еси законъ Господень посреде чрева твоего. Темже и глаголемъ ти:

Радуйся, единаго Бога и Егóже послалъ есть Иисуса Христа позна́вый; радуйся, яко не поклонѣлся еси кумиру в́ременнаго благополучія.

Радуйся, яко николи́же приѣл еси имене Господа Бога твоего всúе; радуйся, от юности всякъ часъ житія твоего Богови

посвятивый.

Радуйся, яко всех, иже отцы и матери нарекутся, почтил еси; радуйся, до конца гнев на ближняго в сердце твоём истребивый.

Радуйся, похоти плотскія постом и трудами от себе прогнавый; радуйся, рѹце твои от лихоиманія и хищения всегда удержавый.

Радуйся, уста своя от осуждения и клеветы обуздавый; радуйся, сердце свое от зависти и ненависти очистивый.

Радуйся, удаливыйся от надмѣния фарисейскаго; радуйся, истый образе мытарёва смирения.

Радуйся, Алексіе, великий чудотворче и скорый помощниче.

Кондак 11

Пение ангельское совершашеся, егда святая твоя душа от земныхъ представляшеся къ Небеснымъ, ихже един ликъ по Единомъ взываше: Аллилуиа.

Икос 11

Многосветлыми лучами блистаетъ житіе твое, отче Алексіе! Отнюдуже многимъ ликомъ праведныхъ духовъ сопричаствна ты видяще, вопиемъ ти:

Радуйся, пророче, волю Господню нам открывый; радуйся, апостоле, Евангелие Царствия Божия кающимся благовестивый.

Радуйся, пастырю, о славе Божией ревновавый; радуйся, мучениче, изволением душу свою за паству положивый.

Радуйся, постниче, вземший крест свой на рамо и тесным путем в след за Христом шедый; радуйся, священниче, Безкровную Жертву о людях приносивый.

Радуйся, Херувиме, на немже опочил Господь Славы; радуйся, шестокрилатый Серафиме, вопияй непрестанно Трисвятую песнь Господу Саваофу.

Радуйся, девственниче ангелоподобный; радуйся, многи обители на славословие Божие устроивый.

Радуйся, друга Божия, преподобного Сергия присный друже; радуйся, яко егоже желал еси zde зрети преемником своим, того зриши днесь тамо вкупе с тобою Престолу Божию предстояща.

Радуйся, Алексие, великий чудотворче и скорый помощниче.

Кондак 12

Благодать, яже бысть Иисус Христом, твоими пречистыми усты граду сему всегда бысть проповедана. Отнюдуже вси, Христу поклоняющиеся, пояху: Аллилуиа.

Икос 12

Поюще вѣлія твоя, Алексіе досточудне, исправлѣнія и подвиги, недоумѣем воистину, како наречѣм тя; от всех бо благіх дел, яко град красѣн, себе Творцу устроил еси. Темже взываем ти:

Радуйся, Адамово падение благодатию Христовою в себе исправивый; радуйся, по изгнании из земного раѣ небесный рай улучивый.

Радуйся, Авелю, Кровию Христовою окроплѣнный; радуйся, новый Енох, угодивый Господеви.

Радуйся, Илиѣ, огненною добродетелей колесницею вознесенный; радуйся, Елисее, сугубую благодать воспрियाый.

Радуйся, Ное, от потопа беззаконий благодатию Христовою, яко ковчѣгом древ негниющих, спасшийся; радуйся, Аврааме, не сына, но себе самаго в жертву Богу принесший.

Радуйся, Исаіе, на Престоле высоце и превознесенне лицем к лицу Господа зрящий; радуйся, Израілю, молитвою укрепивыйся с Богом и благословение вечное от Него приѣмый.

Радуйся, Самуїле, царем благословение подавая; радуйся, наследниче Божий и сонаследниче Христов.

Радуйся, Алексіе, великий чудотворче и скорый помощниче.

Кондак 13

О пастырю наш предобрый и светильниче многосветлый, всечестне Алексіе! Приими сие малое тебе хваление наше и испроси нам у Христа Бога утверждение в вере, еже ходити во всех заповедех и оправданиях Господних безпорочно, отечеству же нашему мир и благоденствие, да сподобимся вечно в радости блаженней воспевати Богу: Аллилуиа.

Этот кондак читается трижды, затем 1-й икос «Ангеле, от земли...» и 1-й кондак «Избранный архиерею...»

Молитва

О пречестная и священная главо, и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Алексіе! Предстоя у Престола всех Царя и наслаждаяся Света Единосущныя Троицы и херувимски со Ангелы возглашая песнь Трисвятую, вѣлие и неизследованное дерзновение имея ко Всемилостивому Владыце, молися спасти люди паствы твоея, едиnorodный ти язык, благостояние святых церквей утверди, архиереи благолепием святительства украси, монашествующих к подвигом добраго течения укрепи;

град сей (или: весь сию; аще во обители: святую обитель сию) и вся грады и страны добре сохрани и веру святую непорочну тем соблюсти Господа умоли; мир весь умири, от глада и пагубы избави ны и от нападения иноплемённых сохрани нас; старыя утёши, юныя накажи (научи), безумныя умудри, вдовицы помилуй, сироты заступи, младенцы возрасти, плененныя возврати, немощствующия исцели, везде тепле призывающих тя и с верою притекающих к раце честных и многоцелёбных мощей твоих, усердно припадающих и молящих ти ся от всяких напастей и бед ходатайством твоим свободи, да зовем ти: о, богоизбранный пастырю, звездó всесветлая мысленныя тверди, тайного Сиона неоторимый столпе, мироуховённый цвёте райский, всезлатая уста Сло́ва, Московская похвалó, всея России украшение! Моли о нас Всещедраго и Человеколюбиваго Христа Бога нашего, да в день страшнаго пришествия Его шу́ияго стояния избавит нас и радости святых причастники сотворит со всеми святыми во веки. Аминь.

Великий светильник Земли Русской святитель Алексий, митрополит Московский, жил в XIV веке в нелегкое для всего русского народа время татарского ига. Воспитатель малолетнего князя Димитрия Донского и давний духовный друг преподобного Сергия Радонежского, он еще при жизни своей славился не только мудростью и благочестием, но и даром чудотворения.

Однажды, в 1357 году хан прислал в Москву требование отпустить святителя Алексія в Орду для исцеления его ослепшей жены, ханши Тайдулы, угрожая, в случае отказа, разорить всю Русскую Землю. По прибытии в Орду святитель начал молебное пение и после долгой молитвы окропил освященной водой Тайдулу, и та тотчас прозрела. Хан и все бывшие при исцелении изумились и прославили Бога.

И вот уже на протяжении многих столетий все православные, страдающие слепотою и болезнью глаз, притекают с теплой молитвой к святителю Алексію.



Акафист Пресвятей Владычице нашей Богородице в честь иконы Ея, именуемой «Всецари́ца» От раковых болезней



Конда́к 1

Новоявлённой Твоей иконе предстояще вёрнии умильно, воспеваем Ти, Всецари́це, раби́ Твои; ниспосли́ цельбы́ к Тебе притекающим ныне рабом Твоим, да вси радостно зовем Ти: радуйся, Всецари́це, неду́ги наша благода́тию исцеля́ющая.

Икос 1

Ангел предста́тель с небесе́ сшед, рече́ Всецарице: радуй-

ся! И боговещанным гласом воплощается Тя зря, Господи, возопи к Ней таковая:

Радуйся, главизно нашего спасения; радуйся, исполнения Зиждителя смотра.

Радуйся, яко Тобою Бог воплотися; радуйся, яко Невидимый в Тебе изобразися.

Радуйся, Милость мира внутрь приявшая; радуйся, одение плоти Слову соткавшая.

Радуйся, уму непостижная горняя славо; радуйся, сердца оживившая небесная манно.

Радуйся, звездó, благодати сияние; радуйся, источниче, живыя воды излияние.

Радуйся, Богородице, в женах благословенная; радуйся, рождающая Спаса, Дево нетленная.

Радуйся, Всецарице, неду́ги наша благодатию исцеляющая.

Кондак 2

Безначальное Слово Отроча́ младо Тобою бысть, исцеления пода́я Тя, Дево, чтущим и неизреченное Его Рождество воспевающим: Аллилуиа.

Икос 2

Разум недоразумеваемый разумети Дева ищущи, возопи к служащему: яко Отроковице чистая, како буду Вышняго Мати, изъясни; к Нейже Гавриил рече со страхом, зовый таковая:

Радуйся, Совета Вышняго избраннице; радуйся, гласа молящихся скоропослушнице.

Радуйся, сокровище Христова мира; радуйся, людей Твоих надежду и силу.

Радуйся, раковая язвы дивная губительнице; радуйся, прочих болезней исцелительнице.

Радуйся, единое миру заступление; радуйся, верное в скорбех избавление.

Радуйся, плач и слезы присно утешающая; радуйся, спасения входы всем отверзающая.

Радуйся, скиптре и державо Афон населяющих; радуйся, жезле монахов и мирян.

Радуйся, Всецарице, недуги наша благодатию исцеляющая.

Кондак 3

Сила Вышняго осенивши Тя, Отроковице, плоть прият

неизреченно, показá Тя селó сладкое, хотящим жáти спасение и поющим: Аллилуиа.

Икос 3

Прослáвился дíвно святая икона Твоя, Всецарица именуемая, егда́ цельбоно́сно яви́ся Богоматере изображение; во-пиющим же пред не́ю с верою исцеление подаéши, да умножа́ются песни сицевы́я:

Радуйся, Мати Незаходíмого Света; радуйся, претерпевших до конца побéдо.

Радуйся, в болезнех и скóрбех сущим врачевание; радуйся, сирот и вдовиц нерушимая стенó.

Радуйся, двéри райские отверза́ющая; радуйся, труждающихся и обремененных заступающая.

Радуйся, о спасении верных ходатаице; радуйся, за род человеческий молитвеннице.

Радуйся, лéстнице небесная, возводящая от земли на небеси; радуйся, водó живая, омывающая смертныя грехи.

Радуйся, А́гнице, сердца́ незлóбивых хранящая; радуйся, покрове, чад Церкви осеняющий.

Радуйся, Всецари́це, неду́ги наша благода́тию исцеляющая.

Кондак 4

Живот мірови даруя, Владыка мира вселися во утробу Твою неискусомужно; Мать верных Тя показав, в мире тех воспевати призвѣ: Аллилуиа.

Икос 4

Преславная содѣяшася о Тебе, Граде Божий, исцелѣнием бывающим от святых икон Твоих; цельбоносныя струи врачеваний приѣмлюще, благодарственно, о Всецарице, вопи-ем:

Радуйся, снадобие, боль утѣляющее; радуйся, прохладо, жар недужный остужающая.

Радуйся, прижигающая раковыя язвы, аки пламенем; радуйся, подымающая со одра оставленных врачмѣ.

Радуйся, лик Свой пречистый избранным являющая; радуйся, от греховных уз разрешающая.

Радуйся, яко Тобою избавление от смерти дароваеся; радуйся, яко Тобою безсчетный сонм верных оправдаеся.

Радуйся, высотъ, человеческими помысли неизслѣдованная; радуйся, глубинъ, единым Словом извѣданная.

Радуйся, прорѣчествіе прежде Тебе бывших патриархов; радуйся, наставнице Тебе молившихся иерархов.

Радуйся, Всецаріце, недуги наша благода́тию исцеляю-
щая.

Кондак 5

Пречистый храм Спасов познахом Тя, Отрокови́це; к Тебе
припадаем, Чистая, да нас соделаеши храмы Божества, во-
пиющих Ему: Аллилуиа.

Икос 5

Видеша чїни а́нгельстїи на руку́ Твоею́ Создавшаго ру-
кою́ челове́ки, и яко Владычицу разумева́юще Тя еди́ну, а́ще
и Рабо́ю Себе нарекла́ еси, потща́шася песньми послужити
Ти, Благословенней, сицевы́ми:

Радуйся, Богом поставленная превыше Небесных сил; ра-
дуйся, чудесными исцелёнными исполняющая мир.

Радуйся, хвалу́ и славу от небес слы́шащая; радуйся, бла-
годарение от земли приё́млющая.

Радуйся, яко семя тли в сердца́х потреби́ла еси́; радуйся,
яко ко́зней диавольских я́рем сокрушила еси.

Радуйся, юдо́ль плачевную испо́лнившая радостию; ра-
дуйся, скорби изменяющая в небесную сладость.

Радуйся, благоухание Богу приятное; радуйся, кающихся
грешников весе́лие изрядное.

Радуйся, броне правды от искушений; радуйся, щите ограждения от вражды и нестроений.

Радуйся, Всецарице, недуги наша благодатию исцеляющая.

Кондак 6

Проповедницы богоглаголивии, Спасовы ученицы, предсташа Ти, Дево, чудно, внемгда от земли к небеси восходила еси, да единым сердцем и усты воспоют Божови: Аллилуиа.

Икос 6

Возсия дивная благодать от иконы Твоея, Всецарице, егда юноша, ученьми сатанинскими омраченный, пред нею падё и недвижим бысть; паче чаяния же от уз мрачных свободённый, со страхом и радостию взываше Ти сице:

Радуйся, исправление нечестиваго жития; радуйся, утешение страждущих люте.

Радуйся, бесовских полчищ от Церкви отгнание; радуйся, мгли греховныя разсеяние.

Радуйся, козней невидимых упразднение; радуйся, демонских чар всемошное одоление.

Радуйся, светильниче, прельщённых наставляяй; радуйся, облаче, невинных от зла покрываяй.

Радуйся, хólме, небесною манною питающий; радуйся, доли́но, смиреніем Христовым насыща́ющая.

Радуйся, ка́меню Небеснаго Царствія; радуйся, зеркало Превечнаго Света.

Радуйся, Всецари́це, недúги наша благода́тию исцеля́ющая.

Кондак 7

Хотя́щу дати Себе́ в снeдь верным, благоволил еси от Дe-вы воплотитися, да приéмлюще Пречистое Тeло и Кровь Твою, позна́ют Тя, Бога совершеннаго; темже дивя́щeся неизречéнной премудрости сей зовем: Аллилуиа.

Икос 7

Новое показá та́инство я́влься Зижди́тель, со ученики сверши́вый Тайную Свою Вéчерю; мы же, моляще Всецари-цу удостóбити нас Божественныя Святѳни, воспису́ем Ей си-цевáя:

Радуйся, подáтельнице Небеснаго Хлеба; радуйся, роди́тельнице Вéчнаго Живота.

Радуйся, чаше, Христу приобщáющая; радуйся, душу и тело с Богом сочетáющая.

Радуйся, лжи́це златáя, испóлнь Божественных Та́ин; ра-

дуйся, драгій кивѣте, вместилище Великия Святѣни.

Радуйся, персте, на Святую Евхаристию указуяй; радуйся, трапѣзо, предлагающая нам Пищу Святую.

Радуйся, достойных причаstников одесну́ю поставляющая; радуйся, ревнителей Божественныя литургіи от ада избавляющая.

Радуйся, приводящая смертных к Источнику безсмертія; радуйся, ограждающая чад Своих міром и крѣпостию.

Радуйся, Всецаріце, недуги наша благодатию исцеляющая.

Кондак 8

Страшное Рождество видевше, житейское всякое отложше попечѣние, горѣ имеим сердца; на сіе бо Вышній явился во еже привлещи Тому вопиющія: Аллилуиа.

Икос 5

Неотступно в недрах Отеческих пребывая, Слово неопісанное на земли плоть бысть; Бог Вѣлій сотвори величье Деве и призрѣ на смирение Рабы Своея, слышашія сицевая:

Радуйся, Невместимаго Бога вместившая; радуйся, надмірнаго Творца міру явившая.

Радуйся, яко сокруши́ся смерти держава; радуйся, яко исцелися Ада́мова ра́на.

Радуйся, пластырю, стру́пы душевныя заживляяй; радуйся, елее, я́звы телесныя умаща́яй.

Радуйся, утоле́ние болезней ражда́ющих; радуйся, облегчение мук умирающих.

Радуйся, нанеся́ поражение аду; радуйся, притупивша́я смерти жа́ло.

Радуйся, чая́ние всеобща́го воскресения; радуйся, правосла́вных несумне́нное спасение.

Радуйся, Всеца́рице, неду́ги наша благода́тию исцеля́ющая.

Кондак 9

Всякое естество́ ангельское и человеческое удиви́ся величи́ю непостижимаго Твоего воплоще́ния, Сло́ве; недоумева́юще же о сей ве́лией тайне благочестия, со страхом и трепетом благода́рственно зовем Ти: Аллилуиа.

Икос 9

Многоразли́чными неду́ги одержи́мии, о Всецарице, от святы́я иконы Твоея́ па́че ча́яния исцеления получают, да прии́мше верою благодать, велегла́сно зывают Ти:

Радуйся, здравых чад прїсное сохранение; радуйся, бо-
лящих ко здравію преложѣние.

Радуйся, детѣй недугующих исцеление; радуйся, юных
страдальцев Мати.

Радуйся, возстание на одр болезни поверженных; радуйся,
отрадо страхом смѣртным одержимых.

Радуйся, яко внѣмлеши человеков рыданиям; радуйся,
призревающи на наша стенания.

Радуйся, бѣлей земных небесною радостию растворѣние;
радуйся, люте обуреваемых пачеестественное терпѣние.

Радуйся, яко уготовляеши плачущим радость; радуйся,
яко снабдеваеши кротких крилома молитвы.

Радуйся, Всецарїце, недуги наша благодаітию исцеляю-
щая.

Кондак 10

Спасти хотя Зиждитель истлевшее грехом человеческое
естество, сниде на Тя, яко дождь на руно, и купину Тя соде-
лав неопалимую, Бог сый бысть Человек, да воспеваем Ему:
Аллилуиа.

Икос 10

Стенá еси дѣвам, Отроковице Чистая, и всем о чистотѣ ра-

дѣющимъ; в Тебя бо вселися Богъ, очищая разумныя создания Своя, да избывше всякия скверны, предлагаем Тебѣ сие; радуйся, молчания взыскающихъ собеседнице; радуйся, вѣнче хранящихъ дѣвство.

Радуйся, начало и конецъ духовнаго совершенія; радуйся, хранилище Божественнаго откровенія.

Радуйся, Трѣбческаго Совета тайнице; радуйся, спасенія человековъ винобнице.

Радуйся, вершино, гордымъ умомъ непреступная; радуйся, убежище, смиренными сердцами доступное.

Радуйся, Чистая, небесъ чистѣйшая; радуйся Херувимовъ и Серафимовъ честнѣйшая.

Радуйся, обрадованная, яко прияла еси отъ Архангела радование; радуйся, утѣшенная, яко руки Твои осязаша воскресшаго Христа.

Радуйся, Всецарице, недуги наша благодатию исцеляющая.

Кондак 11

Пение тщашеся разумное Спасу приносити, всегда неключими, Владычице, остаемся рабы Твои; кто бо можетъ достойно воспѣти Бога, Егоже имя яко миро излиянное; сего ради вопиемъ Ему: Аллилуиа.

Икос 11

Свет вѣлий возсіяв во тьме сидящим, посети нас, о Дево, Восток свыше, Сын и Бог Твой; Ты соделав свещёю на свѣщнице, светоносным ча́дом церковным наказуёт приносить Ти сицевая:

Радуйся, зарё умнаго Солнца; радуйся, вместилище Божественнаго Огня.

Радуйся, свете, яко одеяние святых соткала еси; радуйся, свещё, яко тьму бесовскую отгна́ла еси.

Радуйся, ко́сных умов просвещение; радуйся, грешных серде́ц озаре́ние.

Радуйся, десни́це, из мо́ря су́етствий изводящая; радуйся, лучё, путево́дяй к Царствию спаса́ющихся.

Радуйся, мо́лние, нераска́янных поражающая; радуйся, гро́ме, губителей устрашающий.

Радуйся, лука́выя совести просветление; радуйся, умило-стивле́ние Божия суда.

Радуйся, Всецарице, недуги наша благодатию исцеляющая.

Кондак 12

Благодать да́ти восхотѣв, Завета Ветхаго Податель Завет

Новый нам дарова́; мы же благодать при́ймше, не де́лы за-
ко́на, но единою верою спасение улучи́вше, воспису́ем вси:
Аллилуиа.

Икос 12

Пою́ще Твое́ рождество, я́коже дрэ́вле Изра́иль в ким-
ва́лех сенóвнюю ски́нию воспева́ше, та́ко мы ныне Тя,
ски́нию и́стинну, добродéтьми прославляем, да слы́шиши
от всех сицевáя:

Радуйся, пёсне, воспеваемая горé; радуйся пса́лме, слы-
шимый ни́зу.

Радуйся, Единому Богу достойно послужившая; радуйся,
Божественней Троице смирением угодившая.

Радуйся, ве́ки Носящаго носившая в Себе; радуйся, пре-
столе Содержа́щаго вселенную в руцé.

Радуйся, та́йно неизреченная веко́в и времён; радуйся,
упование твердое наро́дов и пле́мён.

Радуйся, сердечное ра́дование иереев благоговéйных; ра-
дуйся, быстрое слы́шание молитв церковных и келéйных.

Радуйся, премудрости до́ме богозданный; радуйся, ми́ло-
сти сосúде, Богом избра́нный.

Радуйся, Всецарице, недуги наша благодатию исцеляю-
щая.

Кондак 13

О Всецарице Мати, рóждшая всех святых Святейшее Слово! Нынешнее наше прия́вши песнопение, от всякия смертныя болезни исцели́ ны и будущаго изба́ви осуждения вопиющих: Аллилуиа.

Этот кондак читается трижды, затем 1-й икос «Ангел предста́тель...» и 1-й кондак «Новоявлénней Твоей...»

Молитва

О Всеблагая досточúдная Богородице, Пантанáсса, Всецарице! Несмь досто́ин да вни́деси под кров мой! Но яко милостиваго

Бога любоблагоутрóбная Мати, рцы слово, да исцелится душа моя и укрепится немощствующее тело мое. Имаши бо державу непобедимую, и не изнемо́жет у Тебе всяк глагол, о Всецарице! Ты за мя упроси́, Ты за мя умоли́. Да прославляю преславное имя Твое всегда, ныне и в безконéчные веки. Аминь.

В Греции, в святой Ватопедской обители на горе Афон, находится чудотворный образ Божией Матери, именуемой «Всецарица» (по греч. – «Пантанáсса»). Эта икона имеет от

Бога особую и исключительную благодать исцеления страшных раковых болезней.

В 1991 году множество иконок с образом «Всецарица» было отправлено в благословение русским детям, страдающим раком. По свидетельству сотрудников онкологического центра, за это время произошло несколько чудес.

Здоровье одного мальчика, бывшего при смерти, неожиданно поправилось. Мальчик попросил разрешения взять икону домой и вскоре получил полное исцеление...



Акафист святителю Нектарию, митрополиту Пентапольскому, Эгінскому чудотворцу От раковых болезней



Конда́к 1

Взбра́нный Некта́рие Пента́поля митрополите и Эгíнский чудотворче, прино́сим ти прошения о болящих срóдниках наших: изря́ден бо явился еси целитель ра́ковыя я́звы и прочих недúгов, всей вселенней благодать да́руя, сего ради еди́ними усты и еди́ным сердцем воспеваем ти при́сно: радуйся, Нектарие, архиере́ю Божий.

Икос 1

Ангела хранителя во Святѣм Крещении обрѣтый, от младых ногтей равноангельнаго житія возжелал еси, отче наш Нектаріе; ныне же со Ангелы зрением Славы Божия наслаждайся, моли всех Ангелов Владыку о поющих ти сицевая:

Радуйся, вѣнчанных родителей плѣде благословенный; радуйся, от чрева матери Богом освященный.

Радуйся, издѣтка навывший послушанию; радуйся, от юности изучивый Писания.

Радуйся, Божиих словес одушевленная книго; радуйся, живая боголюбия скрижаль.

Радуйся, Богом избранный за кротость и смирение; радуйся, дом оставивый духовнаго ради учения.

Радуйся, яко тебе ради буря зельна на мори утишися; радуйся, яко поясом твоим надлѣбленная мачта укрепись.

Радуйся, орля юное, имуще криле умныя молитвы; радуйся, елене, взыскавый источники покаяния.

Радуйся, Нектаріе, архиерѣю Божий.

Кондак 2

Видящи тя на воздусѣ молящася, черница некая страшна бысть, боголюбче; ты же дар молитвы сокрывая,

уста девы клятвою запечатлел еси Господу в сердцах воспев:
Аллилуиа.

Икос 2

Разум Христов молитвою стяжал еси, святы́й Некта́рие, во
е́же разумети, что́ есть воля Божия, благая, угодная и совер-
шенная; научи и нас на всяком месте воздева́ти руки к Богу
без гнева и сомнения, да при́ймеша от нас похвальная:

Радуйся, во юдо́ли плачевне восхождения положи́вый; ра-
дуйся, плоды Духа израсти́вый.

Радуйся, чадо горы Афонския; радуйся, ключу́ молитвы
Иисусовы.

Радуйся, дре́вляго благочестия свети́ло; радуйся, граде
Святы́я Троицы.

Радуйся, благодатию осенённый; радуйся, Херув́име о́г-
ненный.

Радуйся, соль земли обетова́нная; радуйся, слезами се́я-
вый, пожа́вый радостию.

Радуйся, на нёмже процветё святыня Христа; радуйся, яко
Бог благодёйствова́ тя.

Радуйся, Некта́рие, архиере́ю Божий.

Кондак 3

Силою Вы́шняго облечѣнный, отче Некта́рие, силу словес Христовых утвердил еси: во Царствии Моем, – Той рече, – ни женятся, ниже́ посягают, но яко Ангели на небесѣ, вы́ну поют: Аллилиуа.

Икос 3

Имѹщи Пречистая Богородица в услужении все воинство небесное, тебе, угóднице, аки Ангела во плóти, воспевателя чудес Своих постави: мы же, Мари́ин омофо́р над тобою зряще, со страхом и любовью припада́ем ти:

Радуйся, тайный избранниче Богоматере; радуйся, велѣний Ея исполнителю.

Радуйся, духа кротости от Чистыя Голубицы прия́вый; радуйся, в песнях духовных Приснодеву просла́вивый.

Радуйся, уча́й угождати неба и земли Царице; радуйся, молитвами Матере милость у Сына обреты́й.

Радуйся, ме́рило праведности и мудрости пала́то; радуйся, высотó рассуждения и смирения глубино́.

Радуйся, Эгíнский крíне, нектар покаяния точа́щий; радуйся, Эде́мская пчело́, медом богословия нас снабдева́ющая.

Радуйся, мировáрнице, міро изливающая; радуйся, чаше духовного омовéния.

Радуйся, Некта́рие, архиерéю Божий.

Кондак 4

Ра́ковую язву кровоточáщу на груди имéя, иерéй храма твоего, Некта́рие, смятéся, егда ты явлься облобыза́ его, аки во плоти сый; он же исцеление получив, тебе невидиму бывшу, со слезами возопі́ Богови: Аллилуиа.

Икос 4

Слы́шаша мнози о дивнем исцелении, при жизни тобою содеянном, егда во стране Кана́дстей, святе́й Литургии служíme, в Ду́се явился еси, чудотворче Некта́рие, и рассла́бленна некоего мужа воздвигл еси, к Чаше его призывая; той же здрав бысть, véси Эгíнская достиг и, ты во плоти узрев, велегласно взыва́ше:

Радуйся, врачу гостеприимный, Греции похвалó; радуйся, Николая чудотворца славу стяжавый.

Радуйся, кла́дезю благосты́ни; радуйся, милосéрдый самаряни́не.

Радуйся, да́ром чудес обогащённый; радуйся, посеща́яй люди смиренныя.

Радуйся, утешáяй нас чудесы́ неложными; радуйся, яко невозможная другим тебе возмо́жна.

Радуйся, яко скорби наша на радость прелагаеши; радуйся, ты бо от очей наших слéзы отираеши.

Радуйся, одержимых бесы свободителю; радуйся, ра́ковые язвы исцелителю.

Радуйся, Некта́рие, архиерéю Божий.

Кондак 5

Боготéчною звездою покаяния возшел еси, отче, над вселénней, лучи сокрушения о людских беззакониях вы́ну испущáяй; озари́ умы́ наша к зрению грех наших, да уми́лостивим Владыку пением: Аллилуиа.

Икос 5

Виде́ша отрокови́цы чистыя архиерéя своего, в ле́поте души и тела Богу предстоя́ща, и познав в нем великаго молитвенника и чудотворца, согласно возгласи́ша ти, святителю Некта́рие:

Радуйся, Христа при́сное жилище; радуйся, Ду́ха дивное сокровище.

Радуйся, царское свяще́ние Великаго Архиерéя; радуйся, призва́нный к Престолу Вечнаго Царя.

Радуйся, Плоти Христове сотелёснице; радуйся, Кро́ве Святы́я прича́стнице.

Радуйся, глаша́таю покая́ния; радуйся, ходата́ю о нас пред Богом.

Радуйся, некта́ре, Ангелы веселя́й; радуйся, пла́меню, демоны пожига́й.

Радуйся, пучи́но щедрот; радуйся, море чудес пресла́вных.

Радуйся, Некта́рие, архиере́ю Божий.

Кондак 6

Пропове́днице единаго Блага́го, Нектарие блаженный, ты, смири́вшаяся под крепкую руку Божию, Той превознесё; в страстнем мори вла́ющих не забуди чад твоих, но на бре́зе смирения постави́ я, да возвели́чат Бога твоего, воспева́я: Аллилуиа.

Икос 6

Возсия́вшу свету блаженств Христовых, от степёни в степе́нь востекл еси, богомудре Некта́рие: кротостию и миром, воздержанием и любовью душу свою просветил еси, да от нас ныне слы́шиши сицевая́:

Радуйся, носи́вый ризу смирения; радуйся, обиды покры-

ва́вый прощением.

Радуйся, наслажда́йся о множестве мира; радуйся, насла́дуяй землю кротких.

Радуйся, фиале покая́ннаго плача; радуйся, чистоты́ сердечныя зерка́ло.

Радуйся, и́менем Иисусовым насыще́нный; радуйся, вода́ми Писаний напоённый.

Радуйся, милость и суд возвести́вый; радуйся, любовью вражду упраздни́вый.

Радуйся, благочести́вый жити́ем; радуйся, гони́мый правды ради.

Радуйся, Некта́рие, архиере́ю Божий.

Кондак 7

Хотя человек Божий соверше́н быти, Нектарие пра́ведне, путь непорочных избрал еси: на Эгинстем о́строве житейское море, а́ки в ковче́зе, препла́вая, победительная воспева́л еси Го́сподеви: Аллилуиа.

Икос 7

Новаго Завета учитель изря́ден явился еси, слово Божие житием своим пропове́давый: яко несть наша брань проти́ву плóти и крове, но миродержа́телем тьмы века сего. Мы же о

Господе возмогая, вопием ти, державне Нектаріе:

Радуйся, доблій воине Иисуса Христа; радуйся, язво духовом злобы поднебесным.

Радуйся, вся оружия Божия воспріявый; радуйся, препоясавый чресла истиною.

Радуйся, яко нозе твои красны благовестіем міра; радуйся, яко на версе твоём утвержден шлем спасенія.

Радуйся, щите веры, имже вернии ограждаются; радуйся, мечу обоюдоострый, ереси посяцаый.

Радуйся, победителю, от древа жизни вкушаый; радуйся, челове́че Божий, странный смерти вторыя.

Радуйся, свидетелю веры истинныя; радуйся, райская ветвь спасенія.

Радуйся, Нектаріе, архиерею Божий.

Кондак 8

Странное обрѣтеся в тебе совершенство, то́чию совершенным в любви доступное; усоверши́ любовию ду́ши наша, любвеобильне Нектаріе, да в мужа соверше́нна достигше, поем Бо́гови: Аллилуиа.

Икос 5

Весь был еси в нѣжных, смиренным последуя, в вы́шних

с Богом, сіречь с Любовію, пребыва́я; даруй нам, о, небота́инниче Некта́рие, любве́ познание, во еже пе́ти ти сицева́я:

Радуйся, яко пленником соде́ялся еси любве́ Божія; радуйся, яко чад своих любовію плені́л еси.

Радуйся, вы́ю под і́го Спа́сово подклони́вый; радуйся, бре́мена́ ближних носи́вый.

Радуйся, в любве́ укорене́нный; радуйся, в милости утвер́жденный.

Радуйся, широту́ и долготу́ Креста́ разумева́я; радуйся, высоту́ и глубину́ Древа́ постига́я.

Радуйся, разу́мниче любве́, разум превосходя́щая; радуйся, полноты́ Божія вмести́лище.

Радуйся, в уме держа́й елі́ка истинна, пра́ведна и че́стна; радуйся, сердцем любя́й елі́ка пречиста, доброхвальна и прелюбе́зна.

Радуйся, Некта́рие, архиере́ю Божій.

Кондак 9

Всякое естество́ ангельское и человеческое удиви́ся образу, великий Некта́рие, в тебе явле́нному: яко несть во Христе ни иудей, ни!элли́н, ни раб, ни свобо́дь, ни му́жеск пол, ни женский, но но́ва тварь, Искупителю́ твари пою́щая: Аллилу́иа.

Икос 9

Ветія многовещáнный умолкóша, житию твоему, святы́й
отче Некта́рие, дивя́щися, ка́ко свят был еси, грешным ся
именова́вый; духо́вен был еси, из земли пе́рстный взятый; по
смерти вознесе́н был еси, при жизни умом до ада низше́дый;
мы же отве́рзше уста, аки дети вопи́ем:

Радуйся, главо́, веру возвы́сившая; радуйся, уста́, безбо-
жие посрамив́шая.

Радуйся, о́ко, богове́дением просвещенное; радуйся, дес-
ни́це, могуществом Его укрепле́нная.

Радуйся, смиря́яй кичли́выя умы́; радуйся, сокрушая́й
го́рдая сердца́.

Радуйся, яви́вый силу в немощи; радуйся, в слезах на-
ше́дый радость.

Радуйся, уме́рый и живы́й; радуйся, земны́й и небе́сный.

Радуйся, горю́шное семя живота; радуйся, зре́лый клáсе
Воскресе́ния.

Радуйся, Некта́рие, архиере́ю Божий.

Кондак 10

Спасти хотя́ душу свою, яко де́ву, единому Жениху ту об-
ручи́л еси; ныне же вше́д в невестник Христов с ли́ки де́в-

ственных, Нектаріе сла́вне, поёши песнь: Аллилуиа.

Икос 10

Стенá еси всем прибегающим к тебе, достохвальне Нектаріе, имаши бо благодать немощны́я врачевáти и к небесному наследию возводíти: нас убо, чад твоих, уврачу́й и в Царствие Христо́во возведí, да вседушно речем ти сицевáя:

Радуйся, старче благодатный; радуйся, юни́ц путево́ждь преизрядный.

Радуйся, невинный па́стырю невинных овец; радуйся, мудрый собира́телю девственных жемчу́жин.

Радуйся, вселénныя духовный окормíteлю; радуйся, Евхарі́стии пламенный служи́телю.

Радуйся, гла́се смиреннаго Христа; радуйся, глаго́ле зиждíteльнаго Духа.

Радуйся, в терпении искуше́нный; радуйся, скорбьми́ очище́нный.

Радуйся, побóрнице Божия правды; радуйся, насле́днице Христовы славы.

Радуйся, Нектаріе, архиере́ю Божий.

Кондак 11

Пение Богоматери приносил еси, уго́днице Божий, Ма́те-

рию Света Деву именуя, ныне же совершенно просветился еси разумением тайны воплощения, вознося горé глас: Аллилуиа.

Икос 11

Светом божественныя славы просвещáема зрим тя, Нектарие, в чертóзе славы: просвети одея́ние душ наших Трóическим сия́нием, да воспеваем ти непреста́нно:

Радуйся, ка́меню драгíй Царе́вы диади́мы; радуйся, мо́лние носíмага на Серафíмех.

Радуйся, яко светла́ запове́дь, просветившая очи твоя; радуйся, яко возлюбил еси ю па́че зláта и топа́зия.

Радуйся, сребро́ разжже́но, очище́но седмери́цею; радуйся, гу́сли духовныя, Спа́сова цевни́це.

Радуйся, в се́рдцы имя Божие написа́вый; радуйся, любви́ю подвиг веры оправда́вый.

Радуйся, святыню́ Духа носíвый; радуйся, освяти́вый ду́ши, растле́нныя страстьми́.

Радуйся, пра́ведностию, аки виссоном убеле́нный; радуйся, Троицы познанием озаренный.

Радуйся, Некта́рие, архиере́ю Божий.

Кондак 12

Благодать, от Бога ти данную, умножая умножил еси, рабе Божий, благий и верный Нектарие, темже и нас куплю духовную деяти сотвори, да обрѣтше лихву, Христу воспойм: Аллилуиа.

Икос 12

Поюще твоя чудеса, пречудне Нектарие, вѣмы, яко Христос в тя богато вселися, сего ради чудодѣйну десницу Его на нас низведи, глаголющих сѣце:

Радуйся, преѣмниче древних отцев; радуйся, новый угодниче Христов.

Радуйся, великия церкви красото; радуйся, всемирная надеждо.

Радуйся, себе уничижимый, Богом прославленный; радуйся, в последних ходимый, первым поставленный.

Радуйся, дела обители точию знавый, егоже знает вселенная; радуйся, чуждый дольняя славы, небесною мздою почтенный.

Радуйся, иже по кончине недвижим лежай, недужна восстави; радуйся, иже многим явивыйся, плач о кончине устави.

Радуйся, две златницы, монашества и священства, от Бога получивый; радуйся, с лихвою цельбы и чудес злато Христу возвративый.

Радуйся, Нектарие, архиерее Божий.

Кондак 13

О, священная главо, дивный врачу, архиерее Божий Нектарие! Приими ныне малое, обаче теплое моление чад твоих, благодати сущей в тебе верующих. Даруй нам недугов исцеление и от вечныя избави погибели, да Христу Спасу нашему взываем с радостию: Аллилуиа.

Этот кондак читается трижды, затем 1-й икос «Ангела хранителя...» и 1-й кондак «Взбранный Нектарие...»

Молитва

О мироточивая главо, святителю Нектарие, архиерее Божий! Во времена великаго отступления, нечестию мир пленившу, благочестием просиял еси и главу прегордаго денницы, уязвляющего нас, сокрушил еси. Сего ради дарова ти Христос врачевати язвы неисцельны, за беззакония наша нас поразившия. Веруем: возлюби тя Бог праведнаго, да тебе ради нас, грешных, помилует, от клятвы разрешит, от недуг

избáвит, и по всей вселénной страшно и слáвно будет имя Его, Отца и Сына и Святаго Духа, ныне и присно и во веки веков. Аминь.

Молитва иная

О святителю Некта́рие, отче богомудрый! Приими́, блюстителю веры православныя, исповѣдание устѣн людей христоименитых, собранных днесъ в храме благодáтию Божиею, в тебе живу́щую. Вестъ бо достѣже до предел Российских, яко ты, вѣлий во святых угодниче Христов, во всех концѣх вселénныя призывающим имя твое являешися и от ра́ковыя болезни исцелѣние дáруеши.

Слы́шахом об иерее, тебе тезоименитом и храм во имя твое созида́вшем, со скорбьми́ вѣлиими. Ра́ковою убо язвою грудно́ю поражен бе, крѳви на всяк день точáщейся, и страждаше лю́те, дѣла же своего святаго не оставляше.

Внеза́пу ты, святителю многомѣлостиве, с небесѣ сшед, ему во храме предстал еси в вѣдимом образе. Он же, непщу́я тя собрата, едина от смертных быти, прошаше молитв твоих и рече́: «Боля́й есмь вельми́, обáче хошú святы́й олта́рь назда́ти, да понѣ еди́ножды святую Литургию вку́пе с прихо́жаны совершú; по́слежде и умре́ти готов есмь, смерть бо мя не страши́т».

Ты же, отче, безплѳтен сый, слезами лице свое ороша́ше, и объѣм страдальца, лобызаше и глаголя: «Не тужи́, чадо мое,

яко, болезнию испытан, здрав будеши. Вси убо о чудесі сем вѣдати ѣмут». Он же, исцелен быв, абие разумѣ, с кѣм беседоваше, тебе невидиму бывшу.

О, великий угодниче Христов Нектаріе! Храм бный свершенъ есть ныне, и чудеса твои, аки море преизливающееся, умножишася! Мы же познахом, яко молитве праведника должно поспешествуемой быти усердием нашим к службе Божией и решимостью за Христа умираѣти, да здравіи обрящемся. Мблят тя, отче праведный, болящая чада твоя: да совершается с нами воля Божия, благая, угодная и совершенная, не хотящи смерти грешнику, но еже обратитися и живу быти ему.

Ты же, провозвѣстниче воли Божией, исцели ны благодѣтным явлением своим, да велик будет Бог на небесі и на земли во веки веков! Аминь.

Святитель Нектарій Эгінскій (1846–1920) явился в наш непростой век той евангельской свечой, которую Бог поставил светить всему миру. С детства воспитанный в благочестии и добродетели, он еще при жизни своей был почтен от Бога даром прозорливости и чудотворения. Господь удостоил Своего раба высоким саном епископа. Но и будучи митрополитом Пентапольским, святитель Нектарій претерпел многочисленные и несправедливые обвинения и клевету, переноса все это с неизменной кротостью и смирением.

К раке его мощей, находящейся на греческом острове Эги-

на, стекаются паломники со всего мира. Особенно славен святитель Нектарий исцелениями от раковой болезни, многочисленные свидетельства чему собраны в книге, посвященной святому.



Акафист Пресвятей Владычице нашей Богородице в честь иконы Ея, именуемой «Феодоровская» При трудных родах



Конда́к 1

Взбра́нней Воеводе, Пренепоро́чной Деве Богородице, за-
ступни́це нашей и предста́тельству хри́стиан непосты́дному,
явлени́ем чу́дных иконы Своея́ ра́дование подавшей земле
Росси́йстей и вся верны́я чада Църкве просветившей, благо-
дарение усердно приносим Ти, Богородице, и припа́дающе
пречу́дному образу Твоему, уми́льно глаго́лем: спаси́, Госпо-
же́, и поми́луй рабы Твоя, зовущия: радуйся, Мати Божия,
Предста́тельнице и Заступни́це наша усердная.

Икос 1

Архангел Гавриил от Бога по́слан бысть во град Назарет ко Пречистей Деве Марии и, вшед к Ней, рече: Радуйся, Благодатная, Господь с Тобою, благословенна Ты в женах. Архангельскому гласу подражающе, и мы грешнии, радости и благодарения в сердце своем исполнени, пред явлѣнным образом Твоим благохваления наша возносить к Тебе дерзаем, Пресвятая Богородице:

Радуйся, отрасли от корене Давидова благословѣнная; радуйся, обетом родителей в жертву Богу принесѣнная.

Радуйся, святых праведных Иоакима и Анны Дщи Богоданная; радуйся, триех лет во храм Божий введенная и тамо воспитанная.

Радуйся, тамо смирением и чистотою всех удивившая; радуйся, тамо архангельския беседы сподобльшаяся.

Радуйся, Дево, о зачатии Бога Слова благовестие во смирении приимшая; радуйся, избранная Отроковице, к зачатию Бога Слова силою свыше осененная.

Радуйся, тайну воплощения Сына Божия, от веков в Бозе сокровенную, открывшая; радуйся, Агнице, рождшая Агнца Христа, взѣмшаго грехи мира.

Радуйся, Тобою бо избавляемся мук адовых; радуйся, Тобою бо сподобляемся вечныя жизни.

Радуйся, Мати Божия, Предстательнице и Заступнице на-

ша усердная.

Кондак 2

Видя икону Твою, Пресвятая Дево, на древе стоящу, князь благочестивый костромский ужасом многим содрога́шеся недоумѣя, что́ бысть видѣние сие. Хотяще же ему прияти ю и от сего свыше удѣржану ему бывшу, не мо́жаше: увѣдев, яко чѹдно есть иконы тоя явление, воззвѣ к Богу: Аллилуиа.

Икос 2

Разумом желая разумети князь благочестивый пришествие пречуднаго Твоего образа во град Кострому, Богородице, душею, радования преисполненною, себе предаде водительству Божию, и, преклони́ колѣна, со страхом вопия́ше Тебе:

Радуйся, Дево, явля́шая образ Свой чѹдно; радуйся, Благословенная, в явлении образа Своего милосердие нам явля́ющая.

Радуйся, о всех чтущих Сына Твоего промышля́ющая; радуйся, всем просящим у Тебе дары, в меру веры, ко спасению пода́ющая.

Радуйся, путь истины заблуждшим показу́ющая; радуйся, к горнему миру чудесы́ Твоими ум наш возводя́щая.

Радуйся, смущения помышлений сумнительных удаляющая; радуйся, славящих Тя всегда прославляющая.

Радуйся, чистотою Твоею чистоте нас научающая; радуйся, чистотою Твоею нечистоту нашу обличающая.

Радуйся, моления наша приемлющая; радуйся, рыданий и слез не отметающая.

Радуйся, Мати Божия, Предстательнице и Заступнице наша усердная.

Кондак 3

Силу Божию благочестивый князь познав в восхождении образа чюдного Твоего, Богомати, в явлении же видево милосердие Твое ко всем спасение хотящим получи́ти, рече: Аллилуиа.

Икос 3

Имево помысл стяжати даруемое небесное сокровище, лик Твой светлый, Богомати, второ́е простре державный ру́ку к образу нисше́дшему: узре́в же па́ки его восхождение, скоро поиде́ во град и пове́да о бывших ему освяще́нному собору, да, прише́дше и видяще иконы Твоея́ явление, возопи́ют с ним ве́рнии:

Радуйся, Царице небесе́ и земли; радуйся, престо́ле Царя

царствующих.

Радуйся, Пренепорочная Дево; радуйся, Мати Непрístupнаго Свѣта.

Радуйся, честнѣйшая Херувим; радуйся, слáвнейшая без сравнения Серафим.

Радуйся, Небесными силами велича́емая; радуйся, от всех земнородных ублажаемая.

Радуйся, неизреченное веселие Ангелов; радуйся, вѣнче царственный всех пророков и апостолов.

Радуйся, Православия Христовы Церкви ограждѣние; радуйся, всех суемудрых учений и ересей низложение.

Радуйся, Мати Божия, Предстательнице и Заступнице наша усердная.

Кондак 4

Бурю внутрь имея помышлений недоумѣнных, освященный собор со псалмы и песньми духовными áбие притечѣ видети образ Твой, Неискусобрачная. Узрев же его на древе дивно стояща и благолепно красотою сияюща, речѣ: Аллилуиа.

Икос 4

Слы́шаша людие честны́я иконы Твоея, Богоотрокови́це,

пришествие, и ко оной тѣкше поклоняхуся аки Самѣй Тебе
сущей, и со умилением и слезами вопіяху к Тебе:

Радуйся, Дево, Благословенная в женах, во чреве Твоем
Носителя всяческих носившая; радуйся, рождением Сына
Твоего спасение миру всему являющая.

Радуйся, человеки с Богом соединившая; радуйся, превы-
шшая небес, избавляющая нас от клятвы.

Радуйся, нас к вечней жизни руководящая; радуйся, Вла-
дычице мира.

Радуйся, Божие к смертным благоволение; радуйся,
смертных к Богу дерзновение.

Радуйся, благих во благости соблюдающая; радуйся, лу-
кавых на путь благий обращающая.

Радуйся, под сень кровя Твоего прибегающих милующая;
радуйся, уповающим на Тя вся потребная к животу и благо-
честию дарующая.

Радуйся, Мати Божия, Предстательнице и Заступнице на-
ша усердная.

Кондак 5

!Яко боготечную звезду, узрѣша людие икону Твою, Без-
вестная Дево, и яко многосветлый светильник поста́виша
ю во святем соборнем храме, раду́ющесе и вопи́юще Богу:
Аллилуиа.

Икос 5

Видевше жителіе града Городца образ Твой, Владычице, во храме града Костромы стоящий, и на руку Твоею держама Богомладенца Иисуса, скорбию одержима бѣша: зане отшествіе его бысть из града их. Мы же, обрадовани благоволеніем Твоим ко граду нашему, приносим Ти дары, и с любовію лобызающе Твой святыи образ, вопіем Ти:

Радуйся, звездѣ, Солнце правды нам являющая; радуйся, возлюбившая сию страну.

Радуйся, обретеніе Тебе ищущих; радуйся, радостию неизреченною верных сердец исполняющая.

Радуйся, сокровище благодати неистощимое; радуйся, милости, приснотекущий источник.

Радуйся, от тяжких бед спасающая; радуйся, от смертных язв избавляющая.

Радуйся, всего мира ходатаице; радуйся, всех недугов целительнице.

Радуйся, красотѣ несравненная; радуйся, доброто несказанная.

Радуйся, Мати Божия, Предстательнице и Заступнице наша усердная.

Кондак 6

Проповедницы Богоно́снии быша ви́девшии образ Твой,
Богородице. Возвраща́ся бо кийждо во страну свою, возве-
ща́ше о пришествии его и чудесех, от него бываемых, воспе-
вая Богу: Алиллуиа.

Икос 6

Возсиявша благодать от чу́днаго образа Твоего, Чистая,
веру немощствую́щих утверди́, верных же возвесели́ сердца́
любвию. Сего ради ра́дующесе вопи́ем Ти:

Радуйся, Пресвятая Дево, светом небесныя истины нас
озаряющая; радуйся, мглу греховную от нас отгоняющая.

Радуйся, чудесы́ Твоими к боговѣдению нас приводящая;
радуйся, всех кающихся грешник ко благочестию подвизаю-
щая.

Радуйся, всех притекающих к Тебе крепкое заступление;
радуйся, немощствую́щих умом утверждение.

Радуйся, изнемога́ющих в вере возста́вляющая; радуйся,
тихое пристанище в море житейстем буруева́емым.

Радуйся, злыя советы сыно́в погибельных открывающая;
радуйся, вознесе́нную гордыню врагов отечества нашего
смиряющая.

Радуйся, православных царей державо; радуйся, всех христиан похвалѡ.

Радуйся, Мати Божия, Предстательнице и Заступнице наша усердная.

Кондак 7

Хотя прослѣвити Сын Твой, Богородице, святую икону Твою во граде Костроме, повелѣ ю в день успения Твоего святому великомученику Феѡдору Стратилѣту носить по граду сему, да вси, видяще чудо сие, благодарным сердцем возопиѡтъ Ему: Аллилуиа.

Икос 7

Чудо новое яви нам Господь мольбами Твоими, Богородице, егда сгоревшему храму, в немже бе поставлен святыи образ Твой, сохрани его в пепле невредима от огня и тако мнѣвших сгоревша его печаль в радость преложи. Мы же, чудо сие ведяще, воспеваем Ти таковая:

Радуйся, купино неопалимая; радуйся, огненный столпе, сущия во тме наставляяй.

Радуйся, животѣ, Духом позлащенный, невместимаго Бога вмѣстивший; радуйся, кадильнице златая, яко фимиам благоуханный, молитвы Твоя за ны к Богу Сыну присно воз-

носящая.

Радуйся, жёзле Ааронов к явлёнию в мир Сына Твоего прозябший; радуйся, руно́ Гедеоново, благодатию Божиею во спасение наше орошённое.

Радуйся, горó несекóмая, от неяже отсечёся краеугольный камень Христос; радуйся, храме одушевлённый, в немже всели́ся Божество телёсне.

Радуйся, девства охранёние; радуйся, супружества благословёние.

Радуйся, пáче всех Господа возлюбившая; радуйся, паче всех от Него превознесённая.

Радуйся, Мати Божия, Предстательнице и Заступнице наша усердная.

Кондак 8

Странное чудо ви́девши, на воздúсе икону Богоматере стоя́щу, áки руками ангельскими держиму, егда вторóе сгорé храм, в немже стоя́ явлённая сия икона, отвёржемся, людие, мира сего, ум на небеса прелóбже: сего бо ради и дадёся нам чúдная икона Богородицы, да взира́юще на ню гóрняя мудрствуем, а не земная, вопи́юще к Богу: Аллилуиа.

Икос 5

В вышних пребывающи селениих, и нижних не разлучи-
лася еси, Богородице, чудесы Твоими всех просвещающи
приходящих к Тебе с верою: сего ради и слышиши от нас сия:

Радуйся, Мати Христа Бога нашего, на небеси пребываю-
щая; радуйся, на земли нас не оставляющая.

Радуйся, ради величества Твоего на небеси Ангелы окру-
жѣнная; радуйся, ради славы Твоея на земли от человек про-
славляемая.

Радуйся, Тебе бо служат вся Небесныя силы; радуйся, Те-
бе бо по Бозе хваление возносят Херувими и Серафими.

Радуйся, лице Божие выну на небеси созерцающая; радуй-
ся, пред Престолом Сына Твоего матерния рuce Твои за ны
молящися простирающая.

Радуйся, нас сущих на земли от всякаго зла омофóром
Твоим покрывающая; радуйся, верных от всяких душепагуб-
ных дел удаляющая.

Радуйся, рождением Сына Божия двери Царства Христо-
ва нам отверзшая; радуйся, надеждою прияти небесных благ
верных души улаждающая.

Радуйся, Мати Божия, Предстательнице и Заступнице на-
ша усердная.

Кондак 9

Всякое естество ангельское превозносит Тя, Дево, великия ради любве Твоея к роду христианскому: незрима бо и непреступна, яко Мати Бога от земли к небеси возшедшая, пречистым Твоим образом зриму и приступну Себе являеши всем воспевающим Сыну Твоему: Аллилуиа.

Икос 9

Ветія многовещанныя, яко рыбы безгласны, зрим о Тебе, Богородице: недоумеют бо глаголати о славных чудесех, от явленных Твоея иконы бываемых. Мы же онем дивящеся благодарно вопием Ти:

Радуйся, слепых прозрение; радуйся, хромых хождение.

Радуйся, от темных и лукавых духов исцеляющая; радуйся, лучами от Твоего пречистаго образа изшедшими врагов земли наша отгнавшая.

Радуйся, больным видение Твое даровавшая; радуйся, молящимся явленной иконе Твоей исцеление подающая.

Радуйся, разслабленнаго от одра болезни воздвигающая; радуйся, немым разрешающая уста.

Радуйся, от плена вражия возвращающая; радуйся, лютыя плоти страсти утоляющая.

Радуйся, души верных неизречённым милосердием Твоим умиляющая; радуйся, неизглагобанным Твоим человеколюбием унывающих ободряющая.

Радуйся, Мати Божия, Предстательнице и Заступнице наша усердная.

Кондак 10

Соблюсти хотящи в чистоте домостроительство Церкви Православныя, Чистая, и утвердiti скипетр державы Россiйския, чудною иконою Твоею вложила еси в сердце благовернаго государя Михаила Феодоровича прияти венец царский земли Россiйския, да вси видящii видят, яко Вышнii владеет царством, и емуже хощет даёт е, и возопиют Ему: Аллилуиа.

Икос 10

Стена еси необоримая, Богородице Дево, всем к Тебе прибегающим: никтоже бо притекаяй к Тебе тощ отходит. Сего ради, ущедряеми милостию Твоею, во умилении души возглашаем Тебе:

Радуйся, твердая стено́, от враг видимых и невидимых охраняющая; радуйся, крепкая защито упование на Тя возложившим.

Радуйся, познания истины чистое зеркало; радуйся, сохранения веры крепкое забрало.

Радуйся, грады и страны христианския предстательством Твоим от врагов спасающая; радуйся, царем благоверным поборáющая.

Радуйся, мир во градах селящая; радуйся, благонравным благопоспешáющая.

Радуйся, силою молитв Твоих злыя помыслы в ничтоже обращающая; радуйся, силы врагов ближняго сокрушающая.

Радуйся, юности наставление; радуйся, старости поддержание.

Радуйся, Мати Божия, Предстательнице и Заступнице наша усердная.

Кондак 11

Пение всякое побеждается, спрострétися тщащееся множеству многих щедрот Твоих: равночисленные бо песку морскому песни аще приносим Ти, Богородице Дево, ничтоже совершаем достойно, яже даровала еси нам, вопиющим к Богу: Аллилуиа.

Икос 11

Светопріёмную свещу, дрёвле явльшуюся, зрим во святѣй иконе Твоей, Богородице Дево, егда град наш защитила еси от разорения врагов земли нашея лучами, от святыхъ Твоея иконы исходящими. Сего ради с верою припадающе к ней и с любовью лобызающе ю, вопием Ти:

Радуйся, Мати Превечнаго Света Христа, учением Его души просвещающая; радуйся, благодатию Божіею неверующихъ к вере в Бога приводящая.

Радуйся, путешествующимъ спутешествующая; радуйся, нужно плавающихъ кормчая.

Радуйся, от всякия скорби, гнева и нужды спасающая; радуйся, от глада, губительства, труса и огня сохраняющая.

Радуйся, избавляющая от иноплемённыхъ; радуйся, охраняющая от междоусобныхъ брани.

Радуйся, в святѣй иконе Твоей яко солнце в костромскихъ пределахъ возсиявшая; радуйся, zde отрасль царственную возвеличившая.

Радуйся, Тобою бо утверждаются царства; радуйся, Тобою бо венчаются цари.

Радуйся, Мати Божия, Предстательнице и Заступнице наша усердная.

Кондак 12

Благодать приявшая от Бога Сына Твоего, Дево Богородице, и ту дрѣвле излиявшая на всех прибегающих к образу Твоему, не лиши ныне и нас богатыя Твоея милости, даруй нам покаяние о гресѣх, да чистым сердцем и устны́ взываем к возлюбленному Сыну Твоему и Богу нашему: Аллилуиа.

Икос 12

Поюще Твоя милости и чудеса, хвалим Тя вси, Богородице, и яко дрѣвльи Израиль к кивоту Завета притекаем ко образу лица Твоего и из глубины души вопиём: воздвигни рѹце Твоя к Сыну Твоему, да подаст нам вся благая и спасительная с верою и любовью вопиющим Ти:

Радуйся, утешение наше в скорбех; радуйся, утоление печалей наших.

Радуйся, радости наша безконечная; радуйся, свѣтлосте и отрадо сердечная.

Радуйся, надеждо наша крепкая; радуйся, сирым приятелю.

Радуйся, странным прибежище; радуйся, обидимым покровительнице.

Радуйся, оклеветаемых оправдание; радуйся, благих за-

щищёние.

Радуйся, тела моего врачевание; радуйся, души моя спасёние.

Радуйся, Мати Божия, Предстательнице и Заступнице наша усердная.

Кондак 13

О Премилосердая Заступнице наша, великия ради милости Твоея даровавшая отечеству и граду нашему чудотворную икону Твою во освящение, утешение и ограждение наше, нынешнее приёмши славословие, от всякаго злаго обстояния избáви рабы Твоя, даруй нам здравие и спасение, на врагѣ победу и одоление, и всех нас вечных мук свободѣ, устнáми, душéю же и сердцем вопиющих: Аллилуиа.

Этот кондак читается трижды, затем 1-й икос «Архангел Гавриил...» и 1-й кондак «Взбранней Воеводе...»

Молитва первая

О Пресвятая Владычице Богородице и Приснодево Марие, единая надеждо нам грешным! К Тебе прибегаем и Тебе молим, яко велие имаше дерзновение пред рождшимся от Тебе по плóти Господом Богом и Спасителем нашим Иису-

сом Христом. Не прѣзри слез наших, не возгнушайся воздыханій наших, не отрини скорби нашея, не посрами упования нашего на Тя, но матерними молѣнии Твоими умоли Господа Бога, да сподобит нас грешных и недостойных свободитися от грехов и страстей душевных и телесных, умрѣти миру и жити Ему единому во вся дни живота нашего.

О Пресвятая Владычице Богородице! Путешествующим спутешествуй, и ограждай, и охраняй оныя, избави плененных от пленения, свободи страждущих от бед, утѣши сущих в печалех, скорбѣх и напастех, облегчи нищету и всяко злострадѣние телесное и даруй всем вся потребная к животу, благочестию и жизни временней. Спаси, Владычице, вся страны Акафист Богородице в честь иконы Ея «Феодоровская» и грады, и сию страну, и сей град, ѣмже сия чудотворная и святая икона Твоя дадѣся во утешение и ограждение, избави я от глада, губительства, трѹса, потопа, огня, меча, нашествия иноплемѣнных, междоусобных брани, и отврати всякий гнев, на ны праведно движимый. Даруй нам время на покаяние и обращение, избави нас от внезапныя смерти, и во время исхода нашего предстани нам явльшися, Дево Богородице, и избави нас от воздушных мытарств, князей века сего, сподоби на Страшнем Судѣши Христовом стати одесную и соделай нас наследники вечных благ, да славим во веки великолѣпное имя Сына Твоего и Бога нашего со Безначальным Его Отцем и Святым, Благим и Животворящим Его Духом, ныне и присно и во веки веков. Аминь.

Молитва вторая

О Премилосердая Госпоже, Царице Богородице, приими смиренное моление наше и не отрини нас, заступление и прибежище наше, и не возгнушайся нас недостойных, но яко милосердая, не престани молящи, Егоже родила еси, да дарует нам прощение многих согрешений наших, да спасёт нас и́миже вестъ судьбами.

Помилуй нас, Владычице, помилуй нас, несмы бо нам спасения от дел. Темже верно вопием Ти: помилуй рабы Твоя и неплодное сердце наше покажи плодотворно благих дел. Призри на нас, недостойных. Ты бо упование и покров наш, жизнь и свет сердцу нашему, яко Невечерний Свет от чрева Твоего воздвигшая, озари душу нашу, Чистая, и отжени всяку мглу сердца нашего. Даруй нам умиление, покаяние и сокрушение сердечное. Сподоби нас по вся дни живота нашего творити волю Сына Твоего и Бога нашего и во всем благоугождать Ему единому. О Богомати, не престани молящи Рождшагося от Тебе за вся притекающая с верою к сему чудотворному образу Твоему и подавай им скорую помощь и утешение в скорбех и напастех и злостраданиях, избави их от клеветы и злобы человеческия, от враг видимых и невидимых и всякия нужды и Акафист Богородице в честь иконы Ея «Феодоровская» печали. Спаси Отечество наше, град сей и вся грады и страны от всяких бед и нужд, и сотвори

милостива нам быти Бога нашего, отвори́ всякий гнев Его на ны двѣжимый и избави ны от належа́щаго и праведнаго Его прещѣния. О Боголюбивая Владычице, Ангелов украшение, мучеников слава и всех святых радости! С ними моли Господа, да сподобит нас в покаянии скончати живота́ нашего течение. В смерти же час, Пресвятая Дево, избави нас от власти бесовския, и осуждения, и ответа, и страшнаго испытанія, и мытарств горьких, и огня вечнаго, да сподоблѣшся славнаго Царствія Божія, величаем Тя и славим вопло́щшагося от Тебе Христа Бога нашего, Емуже слава со Отцем и Святым Духом, ныне и присно и во веки веков. Аминь.

Фео́доровская икона Божіей Матери, по преданію, написана святым евангелистом Лукой. Празднованіе этой иконе приходится на 14/27 марта, Акафист Богородице в честь иконы Ея «Фео́доровская» когда в 1613 году в Костромском соборе происходило «умоле́ние» Михаила Романова на престол. Юный Михаил отказывался от этого тяжкого ига, и мать не хотела этого.

Наконец, архіепископ Рязанскій Фео́доріт взял в руки Владимирскую, а Авра́мий Па́лицын – Фео́доровскую иконы Божіей Матери и сказали ей: «Если нас не слушается, то ради Богоматери и великих святителей склонитесь на милость и не прогневляйте Господа Бога». Мать Михаила инокиня Марфа упала ниц перед Фео́доровской иконой и произнесла: «Да будет воля Твоя, Владычице! В Твои руки предаю

сына моего: наставь его на путь истинный, на благо себе и отечеству!» И Михаил стал царем.

Перед Феодоровской иконой Божией Матери молятся при трудных родах.



Акафист Пресвятей Владычице нашей Богородице в честь иконы Ея, именуемой «Скоропослушница» Чтобы родить здоровых детей



Конда́к 1

Избра́нней от всех родо́в Божией Матери и Царице, скоропослу́шливо вне́млющей моли́твам смиренны́м, и то́ки целебны́я изли́вающей верны́м от иконы Своея́ святы́я, благодарственное приносим пение: Ты же, всемилостивая заступнице, прекло́нися благоутро́бно к гла́сом нашим хвалебным, и от всяких бед свободи́ ны, зовущия Ти: радуйся, Всеблага́я Скоропослушнице, прошения́ наша во бла́го исполня́ющая.

Икос 1

Ангелов ли́цы благоговѣ́йно Тебе служат, и вся Небесныя силы немолчными гласы Тя ублажают, Богородице Дево, яко рождшую Ангелов Царя Христа Бога, мы же грешнии, подража́ти им дерза́юще, и достойно благохвали́ти Тя недоуме́юще, смиренномудренно вопием Ти си́це:

Радуйся, неприступнаго Божества селение; радуйся, ангельское непрестающее удивление.

Радуйся, трапéзо святая, хлебом жизни нас питающая; радуйся, ма́слино благопло́дная, елеем милости сердца́ наша умаща́ющая.

Радуйся, даров Божия благодати сокровищнице неистощимая; радуйся, чудес реко́ приснотекущая.

Радуйся, обидимых заступнице; радуйся, печальных утѣшительнице. Радуйся, бедствующих помощнице; радуйся, болящих целительнице.

Радуйся, разслабленных укрепительнице; радуйся, плененных свободительнице.

Радуйся, Всеблагая Скоропослушнице, прошения наша во благо исполняющая.

Кондак 2

Видяще милосердие Твое неисчётное, Владычице, и многая чудеса, Тобою явлённая и присноявляемая чрез святых иконы Твоя, имиже, яко звёздами богосветлыми, весь мир христианский украсила еси, величаем Тя, возвеличившую род наш Твоим благоволением, и с любовью покланяемся пречистаго лика Твоего изображению, зовуще Сыну Твоему Христу Богу: Аллилуиа.

Икос 2

Разум небесный открывающи, Богородице, благоволила еси в земном жребии Твоем, Святей горе Афонстей, многими чудесы прославить икону Твою, юже Сама скоропослушницею наименовала еси гласом Божественным от нея изшедшим, да вси вёдуще таковое Твое о ней благоволение, пёсненно Тебе вопиют:

Радуйся, милосердая всех нас о Христе Мати; радуйся, Духа Святаго жилище.

Радуйся, любви Божия к человеку проявление; радуйся, рода человеческого возвышение.

Радуйся, светлая палата Бога Слова; радуйся, Святая святых большая.

Радуйся, рождшая Божественнаго Агнца; радуйся, возрастившая нам Клас Живота.

Радуйся, брашна негіблющаго стáмно всезлатая; радуйся, питательнице Питателя вселенныя.

Радуйся, яко предстательством Твоим спастися уповаем, радуйся, яко молитвами Твоими наследие небесное получитьи ча́ем.

Радуйся, Всеблагая Скоропослушнице, прошения наша во благо исполняющая.

Кондак 3

Силою Божиею действующи, неблагоговейно ходившаго пред святою Твоею иконою Дохиарския обители трапéзаря Нила слепотою и расслаблением тела наказала еси, Богородице Дево, да прочее не дерзает оскорбляти Тя в пречистем Твоем образе, егоже в залог благоволения Твоего всей Афонстей горе даровала еси милостиво, да вси насельницы ея главы преподобными вопи́ют рождшемуся от Тебе Богу Слову: Аллилуиа.

Икос 3

Имея любовь вéлию к людем, искупленным Кровию Сына Твоего и Бога, Владычице всеблагая, покаяние трапезаря

Нила милостиво прияла еси и исцеление ему от слепоты и разслабления даровала еси, да служит непрестанно Тебе и молитвы немолчныя приносит Ти пред многоцелебною Твоею иконою, взывая сїце:

Радуйся, Иоакїма и Анны прозябение святое; радуйся, рождшая Сокрушившаго главу древняго змия.

Радуйся, Преблагословенная в женах; радуйся, рождшая нетленно Спаса душ наших.

Радуйся, девство и рождество чудесно сочетавшая; радуйся, во обою непорочно Себе сохраняшая.

Радуйся, всея вселенныя вѣлие чудо; радуйся, всех родов земных удивление.

Радуйся, согрешающих исправление; радуйся, кающихся в добродетели утверждение.

Радуйся, непамятозлбная наказательнице; радуйся, благосердная вразумительнице.

Радуйся, Всеблагая Скоропослушнице, прошения наша во благо исполняющая.

Кондак 4

Бури житейския избежавшии и в тихое пристанище спасения на гору Афонскую притекшии, обретают zde утешение благодатное и помощь Божественную от святыя иконы Твоея, Богородице, от неяже лучи чудес испущаеши и тѣки милости Твоя изливаеши неоскудно. Темже вси хотящии в пу-

стынех Афона жати спасение, величающе матерния щедроты Твоя, благодарственно воспевают Богу: Аллилуиа.

Икос 4

Слышав глас Божественный от святых иконы Твоея, Владычице, трапéзарь Нил позна Тя Скоропослушницу быти всем, с верою и любовью притекающим к чудотворному Твоему образу, и прияв от него вразумление своему невежеству и прозрение своим слепотствующим очесём, возгласи Тебе благодарственно от души:

Радуйся, временным наказанием невежд умудряющая; радуйся, согрешающих покаяние милостиво приемлющая.

Радуйся, на путь исправления заблуждающихся направляющая; радуйся, раны греховныя благоутробно врачующая.

Радуйся, в нерадении коснеющих любвеобильно обличающая; радуйся, горестию телесных страданий вечных мук избавляющая.

Радуйся, волнение страстей утишающая; радуйся, руку помощи Твоея погибающим простирающая.

Радуйся, безнадежных надеждо; радуйся, скорбящих отрадо.

Радуйся, нагих одеяние; радуйся, сирых призрение.

Радуйся, Всеблагая Скоропослушнице, прошения наша во благо исполняющая.

Кондак 5

Боговещанныя глаголы Твоя увéдевше иноцы обители Дохиарския, Тебе, Божественней Скоропослушнице, храм соорудиша при трапезе, идеже чудотворная икона Твоя пребывает, Пречистая Дево, и вся верныя утешает знаменьями Твоея милости, еяже не лиши и нас, смиренных, по долгу Тя воспевающих и вопиющих чудес Творцу Богу: Аллилуиа.

Икос 5

Видевше то́ки чудес, от святых иконы Твоея Скоропослушницы источаемыя, вси иноцы горы Афонския стекахуся к ней на поклонение. Ты же, Мати Божия, всем, по коегóждо потребе, дары милости Твоея неоскудно подавала еси от чудотворнаго Твоего образа, подвизая благодарно вопити Тебе:

Радуйся, Мати милосердия и щедрот; радуйся, одушевленный Престоле Вседержителя.

Радуйся, Сыну Божию плоть заимода́вшая; радуйся, черто́же безсе́меннаго уневещения.

Радуйся, Безплотнаго воплотившая; радуйся, Бога с человеки соединившая.

Радуйся, преподобных всежелательное зрение; радуйся,

постников Божественное радование.

Радуйся, пустынножителей тихое веселие; радуйся, иноков крепкое упование.

Радуйся, демонския полки побеждающая; радуйся, враги спасения человеческого посрамляющая.

Радуйся, Всеблагая Скоропослушнице, прошения наша во благо исполняющая.

Кондак 6

Проповедует гора Афонская милости и чудеса Твоя, преблагословенная Мати Господа нашего, и светло красуется многими чудотворными Твоими иконами, посреде коих икона Твоя, Скоропослушница Тобою нареченная, яко луна полная, лучами чудес немерцаемо сияет, просвещаючи души наша светом Божия благодати, и подвизая нас хвалебно взывати прославльшему Тя Триединому Богу: Аллилуиа.

Икос 6

Возсияла еси в пречистей иконе Твоей, Марие Богородице, свет спасения всем, блуждающим во тьме грехов и страстей, и сию нарекла еси Скоропослушницею, молящимся пред нею с верою и благоговением от души скорую помощь Твою подаючи вопиющим Ти таковая:

Радуйся, молние, дѹши просвещающая; радуйся, грѣме, соблазняющія устрашаяй.

Радуйся, благоотѣшное прибежище утомленных тревол-
нением житейскаго моря; радуйся, небурное пристанище
обуреваемых волнами страстей.

Радуйся, юных наставнице целомудрия; радуйся, покрове
и ограждение девства.

Радуйся, окаменѣние сердечное умягчающая; радуйся,
хладность душевную благодатно согревающая.

Радуйся, на стезѹ спасения верных наставляющая; радуй-
ся, от путей погибельных претыкающихся удаляющая.

Радуйся, споручнице наша к Сыну Твоему и Богу; радуй-
ся, присно умоляющая Его о помиловании нас грешных.

Радуйся, Всеблагая Скоропослушнице, прошения наша
во благо исполняющая.

Кондак 7

Хотящи всем показати любовь Твою вѣлию к христиан-
скому роду, Богородице преблагая, в жребий Твой земный
гѣру Афонскую избрала еси, и в ней селения иноческая
умножила еси, да вси обуреваемии мирскою суетою воз-
могут обретати zde тихое и удобное пристанище ко спасению
и, Тобою вспомошествоуеми, сподобятся наследия Небеснаго
и пети со святыми Пресвятей Троице: Аллилуиа.

Икос 7

Новое зна́мение милосердия Твоего явила еси, Владычице, в чудесном прославлении святых иконы Твоея Скоропослушницы, не то́кмо ино́ком горы Афонския, но и всем православным христианом, в нихже благоговейно чéствуется сея иконы Твоея изображение, да вси Тебе зовут:

Радуйся, Бога нашего Мати; радуйся, в рождестве и по рождестве Дево.

Радуйся, яко Тя блажа́т вси роди; радуйся, яко сотвори Тебе величие Сильный.

Радуйся, яко призрэ на смирение Твое Господь; радуйся, яко возжелé доброты Твоея Царь царей.

Радуйся, Дщи благословенная Отца Небеснаго; радуйся, Родительнице неискусомужная Сына Предвечнаго.

Радуйся, приятелище непорочное Духа Святаго; радуйся, тайннице Божественных благодати.

Радуйся, горняго мира украшение; радуйся, дольняго мира заступление.

Радуйся, Всеблагая Скоропослушнице, прошения наша во благо исполняющая.

Кондак 8

Странники и пришельцы есмь на земли и, по глаголу апостола, не ймамы зде пребывающаго града, но к кому прибегнем, Владычице, в скорбех странствия нашего, аще не к Тебе, всеблагая? Не отвержи нас, Мати Божия, не рцы нам: «Не вем вас, грехов ради ваших!», но помилуй нас, сирых и безпомощных, и приими нас в вечныя кровы, покровительнице наша, да радостно вопием во славе небесней Царю славы Христу: Аллилуиа.

Икос 5

Всем верным утешительно есть взирати на святую икону Твою, Владычице, на нейже зрим Тя, на руку Твоею держащую Предвечнаго Младенца Господа нашего Иисуса Христа, Емуже поклоняющесе боголепно яко Творцу и Богу нашему, Тебе, истинней Богородице, умиленно глаголем:

Радуйся, обрадованная архангельским благовещением Приснодево; радуйся, Невесто Невестная.

Радуйся, Мати Света умнаго, всех души просвещающаго; радуйся, престоле одушевленный небесе и земли Творца.

Радуйся, кроткая Голубице; радуйся, непорочная Агнице.

Радуйся, чаще, черплющая радость; радуйся, неисчерпае-

мый сосуде воды животныя.

Радуйся, мироположнице благоухания Христова; радуйся, Еюже злосмрадие страстей наших отгоняется.

Радуйся, Еюже познахом Сына Божия; радуйся, Еюже научихомся поклоняться Триединому Богу.

Радуйся, Всеблагая Скоропослушнице, прошения наша во благо исполняющая.

Кондак 9

Вси рѣди блажѣт Тя по долгу, благословенная Маріе Богородице, от востока бо и до запада хвально имя Твое, ѿноков же ли́цы покровительницу Тя свою именуют, наипѣче подвижающіися в жребии Твоем горе Афонстей, юже особым благоволением Твоим осенила еси, многія чудеса в ней содевающи, и милости Твоя богатая насельником ея являющи, да благодарно вопіют о Тебе Богу: Аллилуиа.

Икос 9

Ветѣи суетоу́дреннии недоумевают познати тайну Твоего приснодевства, Богородице, ниже́ могут изъяснѣти силу чудотворную, от икон Твоихъ проистекающую, во исцеление недужныхъ и на всякую пользу душевную и телесную человекомъ. Мы же православно и несумненно Приснодевою Тя ис-

поведующе, верно поклоняемся иконе Твоей святѣй и вопи-
ем Ти сице:

Радуйся, неверных сомнительное слышание; радуйся,
верных известная похвалѣ.

Радуйся, из боку́ чисту Христа нетленно рождающая; радуй-
ся, ключи девства невреди́вшая в рождестве Твоем.

Радуйся, Мати и Дево преблагословенная; радуйся, Бого-
родице препрославленная.

Радуйся, дев величание; радуйся, матерей присное радо-
вание.

Радуйся, едина непорочная и добрая в женах; радуйся,
рождающая обетова́ннаго Сокрушителя главы змия.

Радуйся, падших прародителей осуждения древняго из-
бавляющая; радуйся, Едем заключенный человеком отверз-
шая рождеством Твоим.

Радуйся, Всеблагая Скоропослушнице, прошения наша
во благо исполняющая.

Кондак 10

Спасение устрояющи христоименитым людям, благоволи-
ла еси, Богородице, земный жребий Твой, гору Афонскую, в
население иноком определить, и рекла еси в видѣнии перво-
му пустынножителю Афонскому, преподобному Петру, бы-
ти горе сей в жилище иноком присное, обетова́нии благими
утѣшивши его, яко будеши помощница и покровительница

всем, подвижающимся в ней богоугодно, дарами потребными их снабдевающи и от всяких бед спасающи, да невозбранно поют Богу: Аллилуиа.

Икос 10

Стенá еси заступления, Дево, иноком православным, и всем подвижником девства и чистоты. Темже жребий Твой земный, гóру Афонскую, невхóдну жена́м сотворила еси, да без соблазна греховнаго пребывают в ней иноцы, на Тебе еди́ну по Бозе надежду спасения возлагающе, и Тебе зовуще сйце:

Радуйся, неувядаемый цвёте девства; радуйся, крине сёльный чистоты.

Радуйся, светоносная сёне небесная, ревнителей чистоты осеняющая; радуйся, премудрости Божия свѣтче, рачителей целомудрия умудряющая.

Радуйся, иноком благоподви́жающимся ходатаице спасения; радуйся, пустынножителей горы́ Афонския покрóве и ограждение.

Радуйся, радость благодатную изливающая в сердца́ боголюбивая; радуйся, утешение духовное подающая душáм огорченным. Радуйся, младопитательнице дев и безмáтерних сирот; радуйся, любовью Жениха безсмертнаго девственная ликостояния услаждающая.

Радуйся, в тяжкой борьбе с приражениями страстѣй плот-

ских крепкая помощнице; радуйся, обителей иноческих неусыпная блюстительнице.

Радуйся, Всеблагая Скоропослушнице, прошения наша во благо исполняющая.

Кондак 11

Пение наше смиренное, от полноты любве и усердия Тебе приносимое, не презри, Чистая, и не отвратися от нас, оскверненных многими грехми, но помози нам, Всеблагая, покаянием очиститься от скверны греховныя и преуспети в чистом и богоугодном житии, Тя подвигоположницу и помощницу в сем имуще, да возможем достойно и праведно вопити ко Господу: Аллилуиа.

Икос 11

Светлыми лучами чудес святая икона Твоя немерцаемо сияет, Богородице Дево, и весь мир благодатно озаряет, прогоняючи всякое вражие действо силою Божиею, от нея исходящую; темже радуемся мы, грешнии, имуще таковой залог Твоего к нам благоволения, и Тебе, Скоропослушнице молений наших, благодарственно взываем:

Радуйся, деннице Солнца незаходимаго; радуйся, заре дне не вечерняго.

Радуйся, утро спасения нам возсиявшая; радуйся, рождающая Жениха Безсмертного душ человеческих.

Радуйся, желания наша богоугодная исполняющая; радуйся, в скорбех и обстояниях на помощь к нам благоутробно ускоряющая.

Радуйся, раю мысленный, всякаго утешения духовнаго преисполненный; радуйся, от исполнения Твоего и нам капли утешения источающая.

Радуйся, зной страстей наших прохлаждающая; радуйся, благодатное безстрастие ищущим его усердно подающая.

Радуйся, всех в чистоте целомудрия живущих зело любящая; радуйся, в со́ниих и видѣ́ниих избранники Божия посещающая.

Радуйся, Всеблагая Скоропослушнице, прошения наша во благо исполняющая.

Кондак 12

Благодать Божия, присущая святей иконе Твоей, Скоропослушница Тобою нареченной, Богомати Владычице, влечет к ней всех скорбящих и обремененных, и не тщи отходят они от сего источника Твоих милостей и щедрот: в скорбех отраду, в напастех защиту, в болезнях цельбу неоскудно получая от чудотворнаго образа Твоего, всеблагая, благодарственно вопиют благих подателю Богу: Аллилуиа.

Икос 12

Поюще чудеса Твоя, Владычице, и вѣлию милость Твою к христианскому роду, вѣмы, яко недовольни есмь к достойному прославлению Тебе, честнейшей Херувим и славнейшей без сравнения Серафим, обаче надеющиеся на безприкладное милосердие Твое, всеблагая, смиренномудренно приносим Ти песни таковыя:

Радуйся, пристанище небурное подвижников благочестия; радуйся, безмолвствующих сладкая собеседнице.

Радуйся, в пустынях и горах скитающихся благодатная отрадо; радуйся, тайных среди мира рабов Божиих тайное врачумление.

Радуйся, грешников кающихся с Богом примирение; радуйся, горы Афонския верховная правительнице.

Радуйся, Петра пустыннолюбиваго посещением Твоим zde озарившая; радуйся, Афанасия богомудраго явлением Твоим zde облагодѣтствовавшая.

Радуйся, многия преподобныя Афонския славою небесною прославльшая; радуйся, насельником горы сея особую любовь Твою являющая.

Радуйся, телес наших безмездная целительнице; радуйся, душ наших к Царствию горнему путеводительнице.

Радуйся, Всеблагая Скоропослушнице, прошения наша во благо исполняющая.

Кондак 13

О Всепетая Мати, Скоропослушницею нарекаяся во святей иконе Твоей, Богородице Марие! Приими милостивно сие малое моление наше, еже от усердия нашего принесо́хом Ти с верою и любовию, и умоли приснопоклоняемую Троицу избавити ны ге́енны огненныя, тмы неслетимыя и мучения вечнаго: да предстательством Твоим унаслéдим Царствие Небесное, и сподобимся со святыми petition Богу: Аллилуиа.

Этот кондак читается трижды, затем 1-й икос «Ангелов ли́цы...» и 1-й кондак «Избра́нней от всех родо́в...»

Молитва

Преблагословенная Владычице, Приснодево Богородице, Бога Слова паче всякаго слова на спасение наше рождшая и благодать Его преизобильно паче всех прия́вшая, мо́ре являющаяся Божественных дарований и чудес приснотекущая река, изливающая благодать всем, с верою к Тебе прибегающим! Чудотворному Твоему образу припадающе, молимся Тебе, Всещедрей Матери человеколюбиваго Владыки: удиви на нас пребогатая милости Твоя, и прошения наша, прино-

симая Тебе, Скоропослушнице, ускори исполнити вся, еже на пользу во утешение и спасение коемуждо устрояющи. Посети, Преблагая, рабы Твоя благодатию Твоею, подаждь недугующим цельбу и совершенное здравие, обуреваемым тишину, пленённым свободу и различными образы страждущих утёши; избави, всемилостивая Госпоже, всяк град и страну от глада, язвы, труса, потопа, огня, меча и иныя казни временныя и вечныя, матерним Твоим дерзновением отвращающи гнев Божий: и душевнаго разслабления, обуревания Акафист Богородице в честь иконы Ея «Скоропослушница» страстей и грехопадений свободи рабы Твоя, яко да непреткновенно во всяком благочестии поживше в сем веце, и в будущем вечных благ сподобимся благодатию и человеколюбием Сына Твоего и Бога, Емуже подобает всякая слава, честь и поклонение, со безначальным Его Отцем и Пресвятым Духом, ныне и присно и во веки веков. Аминь.

Икона, именуемая «Скоропослушница», находится на Афоне, в Дохиарском монастыре. Однажды Богородица возвестила одному монаху: «Пусть все православные христиане обращаются ко Мне в нуждах, и Я не оставлю никого, и молитвы всех будут исполняемы Сыном и Богом Моим, ради Моего ходатайства перед Ним».

Отсюда и пошло название – Скоропослушница. По молитве перед этой иконой совершается множество чудес. Особенно же перед ней просят о рождении здоровых детей.



Акафист святому великомученику и целителю Пантелеймону Во всякой болезни



Конда́к 1

Избра́нный страстоте́рпче Христов и врачу́ благодатный, ту́не пода́й недугующим исцеления, пе́сньми восхваляе́м тя, заступника нашего. Ты же, яко име́й дерзновение ко Господу, от всяких бед и болезней свободя́й нас, любвию тебе зовущих: радуйся, великому́чениче и целителю Пантелеймоне.

Икос 1

Ангела земна́го и небеснаго человека ве́мы тя, славный Пантелеймоне: ангельскою бо непорочно́стию и мучениче-

ством украшен, преселися еси от земли на небо, идеже со Ангелы и всеми святыми предстои Престолу Господа Славы, молися о нас, земных, почитающих тя званием сими:

Радуйся, светлосте благочестия; радуйся, преславный светильниче Церкви.

Радуйся, мучеников пречестных украшение; радуйся, верных в непоколебимом терпении утверждение.

Радуйся, юности преизрядная похвало; радуйся, поборниче Христов, в мужестве неодоленный.

Радуйся, произрастший в мире, премирен явивыйся; радуйся, Ангеле во плоти, превосходяй смертных.

Радуйся, небожителю всеблаженный; радуйся, Божественного разума вместилище.

Радуйся, имже вера возвысися; радуйся, имже прелесть низложися.

Радуйся, великомучениче и целителю Пантелеймоне.

Кондак 2

Видя тя Владыка сосуд избран, возлюбил души твоея доброту. Ты бо земную всякую сладость и славу презрев, венцем мученическим возжелел еси украситься, уязвлен Божественною любовию, и вдохновенно поя: Аллилуиа.

Икос 2

Разум богодухновен имѣя, о доблѣй воителю Пантелеймоне, изумил еси царя Максимиана мужеством души твоея и словесы, имже дерзновенно проповѣдал еси Христа. Тѣмже похваляюще дерзновение твое, глаголем ти сѣце:

Радуйся, угрозы Максимиана презрѣвый; радуйся, советом нечестивых не покоривыйся.

Радуйся, насаждение истиннаго Богопочитания; радуйся, искоренение демонскаго служения.

Радуйся, неистовства мучителей изобличителю; радуйся, идольския прѣлести низложителю.

Радуйся, разгнавый нечестивых сборища; радуйся, пренѣннѣйшій тлѣнная на небесная.

Радуйся, собесѣдникъ невещественных Ангелов; радуйся, сликовствователю многострадальных святых.

Радуйся, имже сатана посрамился; радуйся, имже Христос прославился.

Радуйся, великомучениче и целителю Пантелеймоне.

Кондак 3

Силою Вышняго, дарованною тебе, и крепким терпением твоим обезсѣлил еси мучителю дерзость, мужествен-

ный победоносче; огня, зверей и колесá не убоясь и мечём усечен во главú, венец победы приял еси от Христа Бога, взывая Ему: Аллилуиа.

Икос 3

Имúщи обитель твоя вседрагúю главú твою, богомудре страстотерпче, яко превеликое сокровище, радости исполняется о сем и, любовью воспеваючи данную тебе от Бога благодать исцелений, благодарно зовет ти:

Радуйся, Никомидии светильниче всесветлый; радуйся, чтúщей тя обители стра́же неусыпный.

Радуйся, имже охладé безбóжие; радуйся, имже возрастé богопознáние.

Радуйся, светлая страстотёрпцев славо; радуйся, радостное православных слы́шание.

Радуйся, исцелений благодатный источниче; радуйся, дарований великих вместилище.

Радуйся, благовóнное мíро, благоухáющее дúши; радуйся, яко помога́еши призывающим тя.

Радуйся, слепым зрение дарова́вый; радуйся, хромы́м благошество устро́ивый.

Радуйся, великомучениче и целителю Пантелеймоне.

Кондак 4

Бурею помышлений многобожия одержим, нечестивый царь смутися, уведев от завиствовавших тебе врачей, яко всякие неисцельные недуги целиши ты именем Христа. Мы же, с веселием славяще дивнаго в тебе Бога, вопием Ему: Аллилуиа.

Икос 4

Слышавше никомидийстии людие о великом сострадании твоём к страждущим и о безмездном врачевании от всяких болезней, устремишася вси к тебе, с верою во врачующую благодать, в тебе сущую, и приёмлюще скорая исцеления от всяких болезней, прославляху Бога и тебе величаху, всемилостиваго целителя своего, зовуще ти:

Радуйся, помазанный миром благодати; радуйся, храме Бога освящённый.

Радуйся, великая благочестивых славо; радуйся, твердая озлобляемых стено.

Радуйся, мудрых превосходяй разумом; радуйся, верных осиявая мысли.

Радуйся, Божественных даров приятище и многообразных нам милостей Господних источниче; радуйся, скорый

помощниче страждущим.

Радуйся, обуреваемых пристанище; радуйся, заблуждших наставниче.

Радуйся, болящих ту́не врачуй; радуйся, обильно исцеления источаяй.

Радуйся, великомучениче и целителю Пантелеймоне.

Кондак 5

Чудо преславное сотвори тобою Господь, егда чрез служителя Своего Ермолая призв́а тя в чудный Свой свет. Ехидною бо вѣлиею угрызѣнно умѣршее отроч́а по молитве твоей ко Христу а́бие оживѣ и вост́а здраво. Познав убо Жизнодавца всех истиннаго Бога, с твердою верою воззвал еси Ему: Аллилуиа.

Икос 5

Узрѣ свет слепый, ему́же с призыванием и́мене Христова прикоснулся еси ты, сла́вне. Ермола́ем бо пресвитером просвещѣн, отринув отеческое многобожие, восприя́л еси ма́тернее благочестие, и́мже и отца просветил еси. Сего ради тебе, славному угоднику Божию и чу́дному врачу́, взываем:

Радуйся, к Богу вѣлие рачѣние имѣяй; радуйся, присногоря́щий огню́ Божественныя любви́.

Радуйся, дѣятельный послушателю священных поучений Ермолая; радуйся, последовавый советам матери твоея Еввулы.

Радуйся, яко вся раздал еси, да Христа приобретаеши; радуйся, любовь к миру любовью Божией победивый.

Радуйся, яко вместо сладких мира за Христа лютая страдания приял еси; радуйся, яко общник сотворился еси Страстем Христовым.

Радуйся, восторжествовавый над всеми стастми; радуйся, украсивыйся благодатным безстрастием.

Радуйся, исполняяй радости притекающия к тебе; радуйся, туе исцеляяй всех благодатию Христовою.

Радуйся, великомучениче и целителю Пантелеймоне.

Кондак 6

Проповедник истины явися просвещенный тобою телесне и душевне слепец: подобно бо евангельскому слепцу, дерзновенно пред всеми исповеда света истиннаго Христа, просвещающа всякаго человека, нечестиваго же царя и боги языческия укорив, чрез мѣчное усечѣние възиде к Немерцающему Свету на небеси пети Богу: Аллилуиа.

Икос 6

С светлым лицём представ судилищу царёву, дерзновенно
взывал еси, преблаженне, во услышание всех: «Всецелёбная
сила моя и слава Христос есть истинный Бог, Владыка всех,
мёртвыя воскрешаяй и всяк недуг отгоняяй». За таковое ис-
повѣдание ублажающе тя, глаголем:

Радуйся, уста громогласная Божества Христова; радуйся,
языче медоточивый, вещаяй Его домостроительство.

Радуйся, ветие превысшаго Богословия; радуйся, сеятелю
мудрый благочестия.

Радуйся, сладкозвучная веры свирель; радуйся, славный
проповедниче Православия.

Радуйся, прежде смерти явивый дивная; радуйся, по
смерти совершаяй чудная.

Радуйся, зрителю славы Христовой; радуйся, послушате-
лю молящихся тебе.

Радуйся, подателю милости тоя требующим; радуйся, хо-
датаю благ почитающим память твою.

Радуйся, великомучениче и целителю Пантелеймоне.

Кондак 7

Миро излийся на душу твою, богомудрый целѣбниче, от

Утѣшителя Духа; темже по смерти честныя мощи твоя, благоуханием своим страстей злосмрадие отгоняя, исцеление подают вопиющим верою Богу: Аллилуиа.

Икос 7

Егда узрѣша идольстии чтители многолетна расслабленна, молитвою твоею, святе, воздвигнута и ходяща, мнози увероваша во Христа; жрецы же бесовстии, завистию снѣдаѣми, подвигоша царя на ярость. Тебе убо нещадно, за Христа стружему и опалѣему бывшу, со умилением зовем:

Радуйся, наслаждения земная презрѣвый; радуйся, благовещественных превысший.

Радуйся, яко вся красная мира сего нивотже вменил еси; радуйся, яко славу скоротекущую с себе отрясл еси.

Радуйся, неуловим пребывый ловлений Велиара; радуйся, победивый мучителей коварства.

Радуйся, не пощадивый за Христа жизни своея; радуйся, явивыйся врагом враждебных плоти.

Радуйся, многобожия широту утеснивый; радуйся, Божественною силою идола поправый.

Радуйся, острейшая стрелѣ, язвящая враги; радуйся, предстателю заступаый верующия.

Радуйся, великомучениче и целителю Пантелеймоне.

Кондак 8

Страннолѣпно являшеся тебе Господь, ободряя и соблю-
дая в мучениях за имя Его: во образе бо пресвитера Ер-
молая, клокóбущее олово, в нѣже ввѣржен был еси, охладї,
и в мóри отрешїв вѣлий камень от выи твоея, изведѣ
невреждѣнна на землю. Ты же паки представ пред царя, тор-
жѣственне пел еси Христу Богу: Аллилуиа.

Икос 5

Весь ўмне на небеси водворяяся, и нїзу на землї сущих
не оставляеши, сопребывая с нами всечестною главою тво-
єю, великий стратотѣрпче Христов, приѣмля от Господа и
подая просвещение и освящение вопиющим тебе таковая:

Радуйся, премудрости Божественныя исполненный; ра-
дуйся, промысления Божия о нас тайнниче.

Радуйся, богомудренных умóв услаждение; радуйся, бо-
голюбивых душ увеселение.

Радуйся, пресветлый Христов бїсере; радуйся, освящен-
ный душею и телом.

Радуйся, во двóрех перворождѣнных на небесї вселивый-
ся; радуйся, в присноблаженных обитаяй чертóзех.

Радуйся, свѣта Трóическаго зрителю; радуйся, в молитвах

к Богу теплый о нас предстателю.

Радуйся, просвещение душам подавая;
радуйся, скорбящим утешение ниспосылая.

Радуйся, великомучениче и целителю Пантелеймоне.

Кондак 9

Всякое естество удивися, Пантелеймоне, сиянию в тебе благодати и богатству добродетелей: ангелоподобней чистоте твоей, великому мужеству в лютых страданиях, крепкой любви ко Христу и многому состраданию к людем, в нихже твориши преславная, во еже пети: Аллилуиа.

Икос 9

Ветия многовещанныя не возмогут по достоянию восхвалити борения твоя, славный добропобедниче, како непобедимою силою Божиею юный леты победи древняго исконнаго врага и посрами идольскую прелесть. Мы же удивления исполненнии зовем ти:

Радуйся, радостное зрелище Ангелов; радуйся, благогове́йное удивление челове́ков.

Радуйся, кровь за Христа излиявый и в смерти млеко́ источи́вый; радуйся, тело за Него мученической смерти преда́вый.

Радуйся, исповедничества правило; радуйся, доблѣй вои-
не Царя царей.

Радуйся, тьмы державца победивый; радуйся победою
твоею небесных и земных обвеселивый.

Радуйся, горняго мира обитателю блаженный; радуйся,
дольняго мира мудрый странниче.

Радуйся, древо, украшенное плодами благодатных даро-
ваний; радуйся, носяй добропобѣдныя вѣтви.

Радуйся, великомучениче и целителю Пантелеймоне.

Кондак 10

Состраданія исполнен, яко истинный подражатель пода-
теля милости Господа, честный страдальче, Пантелеймоном
(си есть, всемилостивым) от Него преименован еси, на вся
притекающия к тебе милость изливая, юже и нам неоскудно
источай, о тебе вопиющим Богу: Аллилуиа.

Икос 10

Стѣну ты твердо обрѣт мучитель, никѣими же мѣками по-
бѣдиму, покусѣся сокрушити крепость твою зубы зверей и
остриями мучилищнаго колеса, обаче и в сем ничтоже успе:
сила бо Христова лѣтость зверей укротѣ, а страшное кѣло,
на немже обращаетъ бе тело твое, абие сокрушися. Тебе ѹбо

непобедимому страстотёрпцу зовем:

Радуйся, честное Христово избрание; радуйся, непорочное Бóгови благоухание.

Радуйся, твердый адаманте Церкви; радуйся, непоколебимый столпе, досязаяй до небесé.

Радуйся, зvéри видимыя укрощаяй; радуйся, драконов невидимых сокрушаяй.

Радуйся, обагренный твоею за Христа кровию, срастова́нною млекóм; радуйся, неувядаемая приéмый венцы́.

Радуйся, радость причинивый Ангелом и человеком; радуйся, прославленный Богом на небеси́ и на земли́.

Радуйся, небожителю, ликовству́яй с мученики; радуйся, насыща́йся лицезрением Христа пресладким.

Радуйся, великомучениче и целителю Пантелеймоне.

Кондак 11

Песнь исходную приносим твоему за Христа заколѣнию священному, в нёмже вместе с кровию млекó истечé от тебе, великомучениче, и ма́сличина, под неюже усéчен был еси́, исполнися вся целительных плодов. Темже Христу, дивно прославляющему сла́вящие Его, тёпле вопием: Аллилуиа.

Икос 11

Светозáрная лучá был еси, богомудре, во тьме многобожия сидящим, путеводящая к Солнцу Правды Христу Богу, Емуже молися, во свете заповедей Его прísно пребывати и нам, сицевáя радостная тебе приносящим:

Радуйся, пресветлая звездó, на мысленней твѣрди блистающая; радуйся, лучé, христоименитым людям светящая.

Радуйся, та́инственно облиставаемый от Солнца Христа; радуйся, умне землю обтекай. Радуйся, селение красное Пресвята́го Ду́ха; радуйся, сосуде пречестный, изливаяй исцеления.

Радуйся, чистоты сокровище; радуйся, милости тезоимёните.

Радуйся, Царствия Небеснаго наслѣднице; радуйся, вечныя славы соприча́стнице.

Радуйся, предста́телю бедствующим в мо́ри житейстем; радуйся, безсрѣбрениче, помога́й призывающим тя с верою.

Радуйся, великомучениче и целителю Пантелеймоне.

Кондак 12

Благодати обилие прия́л еси, треблаженне, по обилию

любвѣ твоея ко Христу Богу, Иже и яви́ ты многоцелѣбным источником, безмѣдно врачующим душевныя и телесныя болезни притекающих к тебе с верою и Богу вопиющих: Аллилуиа.

Икос 12

Поюще многострадальныя подвиги твоя за Христа, славный страсотѣрпче, хвалим долготерпение твое, ублажаем мученическую кончину, почитаем и священную Акафист целителю Пантелеймону память твою, заступниче наш и целителю, и в похвалу́ сицевая́ тебе зовем:

Радуйся, благочестия трубѣ благозвучная; радуйся, мечу́, посекаяй нечестие.

Радуйся, строганный на древе за Распростѣршаго рuce Свои на древе крестнем; радуйся, яко опаляем за Него, прѣлести пещь погасил еси.

Радуйся, язвами твоими враги уязвѣвый; радуйся, кровию твоею токи идольския кро́ве изсуши́вый.

Радуйся, в кипящее о́лово ввѣрженный за Христа; радуйся, погруженный за имя Его в водахъ морскихъ.

Радуйся, промышлением Божиим неврежденъ в сих пребы́вый; радуйся, яко чрезъ огонь и во́ду мучений вшел еси в покой небесный.

Радуйся, изливая́я неизсяка́емая струи́ мѣлости вѣрным; радуйся, благосострадательный врачу́, исцеления благодат-

ныя подаваяй.

Радуйся, великомучениче и целителю Пантелеймоне.

Кондак 13

О многострадальный и предивный страстотерпче Христов и целителю наш Пантелеймоне! Милостиво приём сие малое от нас приношение, от многообразных недугов исцели ны и предстательством твоим сохрани от враг видимых и невидимых, и вечнаго мучения избавитися нам Господа умоли, да во Царствии Его вы́ну воспеваем: Аллилуия.

Этот кондак читается трижды, затем 1-й икос «Ангела земнаго...» и 1-й кондак «Избранный страстотерпче...»

Молитва

О великий Христов угодниче и преславный целёбниче, великомучениче Пантелеймоне!

Душею на небеси Престолу Божию предстояй и Триипостасныя Его славы наслажда́йся, телом же и ликом святым на земли в Божественных хра́мах почива́яй и данною ти свыше благодатию различныя Акафист целителю Пантелеймону источа́яй чудеса, при́зри милостивным твоим о́ком на предстоящия люди, честне́й твоей иконе умильно молящияся и

просящия от тебе целебныя помощи и заступления; простри ко Господу Богу нашему теплыя твоя молитвы и испроси душам нашим оставление согрешений. Се бо мы, за беззакония наша не смеюще возвести очеса наша к высоте небесней, ниже вознести глас молебный к Его в Божестве неприступней славе, сердцем сокрушенным и духом смиренным тебе ходатая милостива ко Владыце и молитвенника за ны грешныя призываем, яко ты приял еси благодать от Него недуги отгоняти и страсти исцеляти. Тебе убо просим: не презри нас недостойных молящихся тебе и твоея помощи требующих. Буди нам в печалех утешитель, в недугех лютых страждущим врач, напаствуемым скорый покровитель, очесем недугующим прозрения датель, ссущим и младенцем в болезнях готовейший предстатель и исцелитель: исходатайствуй всем вся, яже ко спасению полезная, яко да твоими ко Господу Богу молитвами получивше благоАкафист целителю Пантелеймону дать и милость, прославим всех благих источника и дароподателя Бога, Единого в Троице Святей славимаго Отца и Сына и Святаго Духа, ныне и присно и во веки веков. Аминь.

Святой великомученик Пантелеймон, безмездный врач, жил в III веке по Рождестве Христовом. Прекрасно обучившись врачебному искусству и просветившись Святым Крещением, юный врач сделался широко известным: он безвозмездно исцелял все болезни призыванием имени Иисуса Хри-

ста и даже отверз очи слепому. За твердое исповедание веры в Иисуса Христа он был жестоко уми́чен.

И по сей день неисчислимы свидетельства истории об исцелении святым Пантелеймоном болящих самыми лютыми болезнями.



**Акафист святой
великомученице Варваре
Чтобы не умереть
внезапной смертью**



Конда́к 1

Взбра́нной Богом от идолослужебнаго рода и призван-
ной во язы́к свят, в люди обновле́ния, невесте Христове, яко
избавля́ющися тобою от различных зол и обстоя́ний, благо-
да́рственная пения и хваления воспису́ем ти, молитвенницы
твоеи, святая и всехвальная великомученице: ты же, иму́щи
дерзновение ко Господу, от всяких нас бед свободи́, да с ра-
достью зов!ем ти: радуйся, Варва́ро, невесто Христова пре-
красная.

Икос 1

Ангелом честнѹю и вселюбезнѹю чистоту непорочно сох-
рѣвши, честная Варваро, Ангелом сожительница быти спо-
добилася еси, с нимиже егда поеши Троическую песнь Богу
на небеси, услыши нас, поющих тебе на земли похвальная
пения сия:

Радуйся, отроковице, Богом Отцем представленная бы-
ти сообразна в страдании образу Сына Его; радуйся, Сыном
Божием, Светом от Света, призванная из тьмы в чудный свет
веры и благодати Его.

Радуйся, яко позвавшему тя Святому Духу, и сама телом и
духом свята еси; радуйся, яко от скверны плоти и духа непо-
рочно себе соблюла еси.

Радуйся, рожденному от Девы Жениху Христу деви ты чи-
стую обручившая; радуйся, земного обручника паче Небес-
наго знати не восхотевшая.

Радуйся, крине дѣвства, посреде терния идольского про-
растший д!оле; радуйся, цвѣте чистоты, в неувядаемой славе
цветущий горѣ.

Радуйся, в небесном вертограде Христова благоухания на-
слаждающаяся; радуйся, краснѣйшаго паче сынов человече-
ских зрением тамо утѣшающаяся.

Радуйся, убелившая ризы твоя в крови Агнчей на земли;
радуйся, в лице девственном последующая Божиему Агнцу

на небеси.

Радуйся, Варва́ро, невесто Христова прекрасная.

Кондак 2

Видящи святая Варвара себе на высоком столпé от отца поставлену, помышляше себе манием Божиим к небеси быти возводиму. Разумная убо восхождения в сердце своем положши, теми от тьмы к Свету и от прелестных идолов ко истинному Богу умне восхождаше, поюще Ему: Аллилуиа.

Икос 2

Разум неуразумённый о едином всея твари Творце разумети дева святая Варвара ищущи, беседоваше со своим си разумом, глаголющи: «От темных кумиров чۇдным светилам небесным како бе создáтися мóчно, рцы ми». К нейже он со Псаломником рече: «Вси бóзи язык бёсове, един же есть Бог и Господь, Иже небеса и вся светила их сотвори». Таковóму твоему, мудрая дево, разуму дивящися, глаголем:

Радуйся, паче старец идолослужительных разумнейшая; радуйся, паче мудрецов мира сего мудрейшая.

Радуйся, яко тебе безвестная и тайная премудрости Своея Бог явил есть; радуйся, яко тебе истиннаго богословия Сам Бог Слово научил есть.

Радуйся, всех звездочётцев умом Христовым превозшедшая; радуйся, явственнее паче оных небесный круг прозрёвшая.

Радуйся, яко в твари, аки в зеркале, Самаго Творца усмотрела еси; радуйся, яко в созданных светилах Несозданный Свет узрела еси.

Радуйся, ныне уже кроме зеркала свет лица Божия на небеси зрящая; радуйся, тем светом неизреченно веселящаяся.

Радуйся, умная звездó, еяже озарением лице Божие, яко солнце, светло нам является; радуйся, мысленная луно́, ёюже ночь заблуждения яко день просвещается.

Радуйся, Варва́ро, невесто Христова прекрасная.

Кондак 3

Сила Вышняго даде тогда святей Варваре, якоже древле пророку Иезеки́лю, лице́ адамантово, сильно пред всеми идолослужителями, во еже не убо́ятися ей от зверскаго лица их, ни ужасатися лютаго прещения. Тёмже со дерзновением мужемудренная дева взыва́ше: «Тр!оицу чту, Еди́но Божество́, и Той верою покланя́ющися, велегла́сно пою: Аллилу-и!».

Икос 3

Имущи святая Варвара свыше данную себе мудрость, востече к делателем бани отеческия, и онем проявляя тайну Святыя Троицы, повеле три окна в бане устроити. «Аще, — рече, — идолослужителие уста имут и не глаголют славы истиннаго Бога, то каменные в сей бане стены тремя окнами, !аки тремя устнами, да свидетельствуют, яко Един есть Бог, в Троице Святей от всея твари славимый и покланяемый». За таковое убо мудрование, святая Варваро, прими похвалу сию:

Радуйся, в треоко́нной бане купель Святаго Крещения, во имя Троицы Пресвятыя, изобразившая; радуйся, в купели воды и Духа, к сим же и крове твоея мученическаго, тебе измывшая.

Радуйся, яко тремя окнами тьму многобожия, Троице Святей противнаго, прогнала еси; радуйся, яко окнами тремя свет Трои́ческий ясно узрела еси.

Радуйся, яко теми тремя окнами призре на тя Солнце Правды, тридневное возсиявшее от гроба; радуйся, яко теми тебе возсия день Трои́ческаго спасения.

Радуйся, сердце твое Единому в Троице Богу всегда отв!ерсто имевшая; радуйся, чувства твоя пред бранию трех врагов: плоти, мира и диавола, крепко заключившая.

Радуйся, яко в души твоей три мысленныя окна: веры, на-

дежды и любви, устроила еси; радуйся, яко теми тремя окнами при Троическом Божестве тремя днями воздвиженную Тела Христова Церковь усмотрела еси.

Радуйся, яко тебе небеса от трех иерархий ангельских отверз!ошася; радуйся, яко тебе горния обители Троическия радостно прияша.

Радуйся, Варваро, невесто Христова прекрасная.

Кондак 4

Буря ярости вѣлия отца твоего, дышущаго прещением и убийством, возшумѣ на храм души твоея, святая Варваро, но того не возможе поколебати: основан бо бе на твердом веры Христовы камени, на немже ты, мудрая дево, неподвижимо стоящи, укрепляющему тя Иисусу Христу песнь воспевала еси: Аллилуиа.

Икос 4

Услышав от тебе, мудрая дщери, отец твой Диоскор неслышанная о Святей Троице словеса, яко аспид глухий затка уши своя и по подобию змиину с жалом ядоносным устремися со острием меча на твое убийство: но ты, невесто Христова Варваро, подражаючи Жениха твоего Иисуса, бежавшаго от меча Иродова, бегала еси от меча Диоскоро-

ва, желаючи сердце его от зверския ярости в любовь отеческую обратити. Мы же разумное твое бегство звании почитаем сими:

Радуйся, блаженная, изгнанная из дому земнаго правды ради; радуйся, богатая в Бога, лишённая отеческих богатств Христа ради.

Радуйся, яко твоего обнищания есть Царствие Небесное; радуйся, яко тебе уготовася вечных благ сокровище.

Радуйся, словесная агнице, от злаго волка мучителя к доброму Пастырю Христу прибегшая; радуйся, во двор праведных овец Его, одесную стоящих, вшедшая.

Радуйся, незлобивая голубице, от земнаго врага в покров Небеснаго Орла прелетевшая; радуйся, в крове крилу Его добрый себе покров обретшая.

Радуйся, Небеснаго Отца дщи честная, яко от земнаго родителя с безчестием на смерть гонима была еси; радуйся, яко от бессмертнаго Господа Славы в жизнь вечную со славою прията еси.

Радуйся, тояжде и нам жизни присножелающая ходатаице; радуйся, прилежная о нас к Богу молитвеннице.

Радуйся, Варваро, невесто Христова прекрасная.

Кондак 5

Боготечной звезде была еси подобна, святая великомученице Варваро: бежати бо пред отцем твоим, наставляла еси

того та́инственне на путь, ведущий ко Праведному Солнцу, от Девы возсиявшему, Христу Богу. Оба́че он душевныма ослеплен очима, а́бие и телесныма не узре́ тя пред собою бежащую: ты бо сквозе́ каменную, тебе велением Божиим разступившуюся, го́ру прошедши, скрылася еси от о́чию его в каменной пещере, да от среды́ ка́мения, я́ко птица, да́си глас Богу, воспеваючи: Аллилуиа.

Икос 5

Видевше тя па́стырие, верху́ горы о́вцы пасущии, в камени крýющуюся, дивля́хуся, глаголюще: «Что сия словесная а́гница? Кóего во́лка бегаёт?» И се Диоско́р, паче во́лка лютейший, востече на гору, и тебе та́мо крýющуюся обрёт, и похитив за девическия тво́я власы́, влеча́ше ко своему дому по жестокому пути, на немже ты вернии сретáем приветствии сими:

Радуйся, младому елéну на горах ароматских уподобившаяся; радуйся, го́рняя пáче до́льных, восхождения в сердце твоём полагаючи, возлюбившая.

Радуйся, избыв́шая погибельнаго идолослужения рóва; радуйся, на гору Трóического поклонения востéкшая.

Радуйся, сквозе́ ка́мение прошедшая, от каменносéрдаго бе́гаючи гонения; радуйся, средé ка́мения Камень Христа, утверждающаго тя, обретшая.

Радуйся, в пещеру каменную вшедшая, видети Иисуса во

гробе каменнем бывша положенна; радуйся, уже Того видящая на Престоле Славы сидяща.

Радуйся, яко власы главы твоея за Христа хранящаго, да и влас главы человеческия не погибнет, исторжени суть на земли; радуйся, яко тии от Христа изочтени суть ко увенчанию на небеси.

Радуйся, власы твоя кровию до́ле, яко цветами, обагрившая; радуйся, заплетение власов твоих окрававленных в венец себе златый обратившая.

Радуйся, Варва́ро, невесто Христова прекрасная.

Кондак 6

Проповедником богоносным, апостолом Христовым, поревновавши, дерзновенно пред лицом мучителей проповедала еси Христа истиннаго Бога: и Его ради лютыя раны, власяными рубы и острым чре́пием болезненно потира́емая, мужественно претерпела еси, святая Варваро. Темже в темницу всаждена, в ней а́ки в черто́зе о Христе Иисусе ликовала еси, поющи Ему: Аллилуиа.

Икос 6

Возсия́вый в сердце твоём просвещение истиннаго бого-разумия, возсия́ и во очесѣх твоих свет Божественнаго ли-

ца Своего Христос Господь: Той бо, яко возлюбленный твой Жених, в полунощи к тебе, непорочней Своей невесте, в темницу пришед, любезно тя посети, от ран исцели, и светлостию лица Своего неизреченно душу твою возвесели, нас же верных научи пети тебе сицевая:

Радуйся, за страдавшего биение Христа нещадно биенная; радуйся, биения терпением невидимаго врага убившая.

Радуйся, язвы Господа твоего на теле твоём носившая; радуйся, от всех язв Тёмжде Господем на теле твоём исцелённая.

Радуйся, яко Сам Господь, Свет мира, тебе в темнице бывшей Себе явил есть; радуйся, яко Сам души и тела Врач тебе больную посетил есть.

Радуйся, чрез земную темницу в небесный чертог светлошедшая; радуйся, от кровей твоих брачную тебе одежду исткавшая.

Радуйся, яко тобою от многих ран грешнии исцеляются; радуйся, яко тобою от всех болезней с верою тя призывающихи издравляются.

Радуйся, уз греховных скорая решительнице; радуйся, язв многозлых добрая целбнице.

Радуйся, Варваро, невесто Христова прекрасная.

Кондак 7

Хотящу безумному мучителю желание свое улучшить и еще

покушающемуся ласкательными словесы тебе, святая Варваро, от истиннаго Бога отврати́ти ко прелестным и́долом, ты, яко мудрая дева, отвещала еси тому: «Пёрвее твердый адамант в мягкий воск претвори́ши, не́жели мене отврати́ши от Христа Бога моего: Того бо, со Отцем и Святым Духом, Еди́наго истиннаго Бога исповедую, славлю и хвалю, и пою Ему: Аллилуиа».

Икос 7

Новую показá безчеловечия ярость звероо́бразный мучитель, егда тебе, святая великомученице Варва́ро, повеле́ на древе повеси́ти, и ноготьми́ железными тело твое строгати, и свещами горящими твою́ опаля́ти ре́бра, еще же и млатом во главу́ тяжко бити. Сие пачеестественное терпение твое благоговейно воспоминающе, похвалами блажи́м тя сими:

Радуйся, яко пове́шена была еси на древе Христа ради, на Кресте распя́таго; радуйся, яко строгана по ребром Иисуса ради, копи́ем в ре́бра прободённаго.

Радуйся, яко огонь любви́ к Богу в сердце твоём возже́гла еси; радуйся, яко за Того огненными свещами пали́ма была еси.

Радуйся, твердейшая адама́нта в терпении невредимом; радуйся, крепчайшая каменнаго столпа́ в мужестве непоколебимом.

Радуйся, яко млатом, бившим тя по главе, венец царствия

тебе искова́ся; радуйся, яко темже млатомъ глава врага твоего сокруши́ся.

Радуйся, яко со Христомъ, Его ради, на земли страдала еси; радуйся, яко с Ним и о Нем на небесѣхъ прославляеши́ся.

Радуйся, всехъ враговъ нашихъ крепкая побѣдительница; радуйся, во всехъ бедахъ нашихъ скорая помощница.

Радуйся, Варва́ро, невесто Христова прекрасная.

Кондак 8

Странное и страшное святыя Варвары страда́ние ви́дящи, благоверная в женахъ Иули́анія удивися зело́, ка́ко мла́да отрокови́ца в ю́ностнемъ телесѣ таковы́я мужественно за Христа терпитъ му́ки; та́же, слезнаго исполнившись умиления, благодарственнo и та возопѣ Христу Богу: Аллилуиа.

Икос 5

Весь Сладчайшій Иисусе сладость, весь желаніе тебе бысть, святая Варваро, сла́дце бо Его ради горькія претерпѣла еси муки, глаголющи: «Чашу страданий, ю́же даде ми возлюбленный мой Женихъ, не ѣмамъ ли пи́ти?» Темже и сама показала́ся еси чаша, сладость чудесныхъ исцелений излива́ющая всемъ вопиющимъ к тебе сицевая:

Радуйся, отвергшая во адское го́ре идольскую горестъ; ра-

дуйся, возлюбившая небесную Иисову сладость.

Радуйся, мысленная стáмно, манну бра́шна творения воли Божия в себе иму́щая; радуйся, верных во благих желание исполняющая.

Радуйся, рекó, исполненная благодати Божия вода́ми; радуйся, источниче, кипящий чудес излиянии.

Радуйся, яко пчела, от зловоннаго идольских жертв дыма отлетевшая; радуйся, во благоухáнную мира Христова воню́ слáдце притекшая.

Радуйся, яко твоими по всем тéле язвами была еси подобна со́ту; радуйся, яко крове твоея капли сладчайшия паче меда быша Пресладкому Иисусу.

Радуйся, яко всем верным воспоминание твое пресладко; радуйся, яко всей Церкви Христовой имя твое пречестно.

Радуйся, Варва́ро, невесто Христова прекрасная.

Кондак 9

Все естество ангельское вéлию возрадовася радостию, узревши мужественную крепость твою, святая и непобедимая мученице Варваро: видевшe бо Ангельстии чиновe вéтхаго врага, прегордаго князя тьмы, со всем его бесовским и диавольским полчищем от тебе, ед́иная младая девы посрамленнаго, побежденнаго же и под нозе твои поверженнаго, велиим гласом возопи́ша Богу: Аллилуиа.

Икос 9

Ветии многовещаннии риторскими своими языки не воз-
могут изрещи величества твоих болезненных страданий, о
Варваро: кто бо скажет болезнь твою, колика бе, егда сосца
твоя урезана быша? Кто изречет студ лица девического, егда
обнажена по всему граду от беззаконных мучителей водима
была еси? Сицевую болезнь и безчестие твое мы точно вос-
помянувше, содрогаемся и со умилением глаголем сице:

Радуйся, добрая лёторасле сада Иисусова; радуйся, истин-
ная лоз винограда Христова.

Радуйся, два сосца твоя отрезанная, аки два грёзна в честь
Господеви твоему принесшая; радуйся, кровь твою, аки вино
умиления, от тех источившая.

Радуйся, яко Христа ради обнаженного и ты риз своих со-
влечена была еси; радуйся, яко Его ради, во Иерусалиме ру-
гательне водимаго, и ты по граду на поругание водима была
еси.

Радуйся, от Ангела светлую одеждою в наготё своей
одеянная; радуйся, тою от студных очес невидимо покровён-
ная.

Радуйся, чудным ангелом и человеком позор бывшая; ра-
дуйся, и самех мучителей терпением твоим удивившая.

Радуйся, яко Сам Господь свыше призре на твоя страда-
ния; радуйся, Сам Той Подвигополбжник похвали подвиги

твоя.

Радуйся, Варва́ро, невесто Христова прекрасная.

Кондак 10

Спасти́ хотя́ душу твою, о теле неради́ла еси, святая Варваро: егда́ бо на тя ме́чное на смерть осуждение изы́де, ты под меч острый, а́ки под венец красный радостно иду́щи, Богу, в мученическом подвизе тебе укрепля́ющему, воспевала еси песнь: Аллилуиа.

Икос 10

Стены́ каменные́ твердее́ окаменённый сердцем бысть Диоско́р, твой, святая Варваро, не уже́ родитель, но лю́тый мучитель: той бо, яко услы́ша твое ме́чное на смерть осуждение, не то́чию о смерти твоей не поболé, но и сам своим ме́чем на месте осуждения твою́ святу́ю усече́ главу, и та́ко, по предречению́ Господню, окаянный отец предаде́ на смерть свое чадо. В той убо блаженней твоей кончине приими́ от нас пения́ сия́:

Радуйся, за главу́ Церкви — Христа́ под меч главу́ твою́ прекло́няшая; радуйся, за любовь к Небесному человеколю́бивому Отцу́ Безсмертному на смерть от земна́го безчеловечнаго отца́ тленнаго преданная.

Радуйся, течение мученическаго пути скончавшая дóбре; радуйся, веру безсмертному обручнику Христу до смерти сохраншая бóдре.

Радуйся, силою свыше на брань протіву сил преисподних препоясанная; радуйся, победоносною славою в вышних от Христа Победителя одетая.

Радуйся, оружием благоволения Божия венчанная на земли; радуйся, цветом нетления украшенная на небеси.

Радуйся, девам доброты и похваление; радуйся, мучеником красотой и радование.

Радуйся, христианом крепкое прибежище; радуйся, верным твердое заступление.

Радуйся, Варваро, невесто Христова прекрасная.

Кондак 11

Пение наше похвальное, аще бо и тьмочисленное, вемы, яко несть довольно по достоянию восхвалити тя, святая и всехвальная мученице Варваро: обаче мы, Божиих тобою нам обильно подаваемых дарований благодарни суще, Богу в тебе Своими благодеянии прославляемому, благодарственными усты поем: Аллилуиа.

Икос 11

Светопріёмную свещу́, на небеснем свѣщнице пред Престо́лом Святы́я Троицы поставленную, зрим у́мныма очі́ма тебе, святая дево Варва́ро: отону́дуже, егда но́щный грехов наших мрак лучами молитв твоих просвѣщаеши и нас на светлую спасения стезю́ наставляеши, по долгу достойна еси от нас званием быти почитаема сим:

Радуйся, светоумная луче́, во светлость немерцающую прилученная; радуйся, мысленная деннице, день невечерний озаряти возшедшая.

Радуйся, благовонная смирно, Церковь Христову благоухающая; радуйся, золотая кадильнице, фими́ам молитвы о нас к Богу приносящая.

Радуйся, мирополо́жнице исцелений неоскудная; радуйся, сокровище Божиих даров неизживи́тельное.

Радуйся, чаше, от обилия дому Божия черплющая радость; радуйся, сосу́де, от исполнения Христова приемлющий всех благ небесных сладость.

Радуйся, адаманте, перстень безсмертнаго со Христом обручения красивый; радуйся, вѣнче доброты, в ру́це Господней держимый.

Радуйся, яко на тя Царь славы, Господь сил, славу и веле́ние возложил есть; радуйся, яко тебе Царь царствующих и Господь господствующих Царство Свое и господствие да-

роуáл есть.

Радуйся, Варва́ро, невесто Христова прекрасная.

Кондак 12

Благодать от Бога данá ти есть, хранить и соблюдать от внезапныя болезни и наглыя смерти всякаго человека, ве-рою, любовьиу и благоговéнием честна́я твоя страдания вос-поминающаго и почита́ющаго; то́я благодати не лиши и нас, добрая дево Варваро, да и мы, здрави сущи телом и духом, в нынешней и будущей жизни о тебе поем Богу: Аллилуиа.

Икос 12

Поём твоя крѣпкия подвиги, почитаем страдания, хвалим долготерпение, ублажаем святую твою кончину; славим твое в немощнем теле оказавшееся непобедимое мужество, ѿм-же на земли и на Небеси прославилася еси, святая и добро-побѣдная великомученице Варваро, и в честь твоих победо-носных подвигов и страданий похвальная восписѹем ти сия:

Радуйся, от ангельских чинѡв в сожительство их любезно пріятая; радуйся, от девственных ликов в чертог небесный радостно введенная.

Радуйся, от мученических полков под венец славы про-вождаемая во гласе радования; радуйся, от всех жителей

небесных приемшая о Господе целование.

Радуйся, яко мзда твоя мно́га есть на небесех; радуйся, яко радость твоя вечна есть во светлости святых.

Радуйся, от враг видимых и невидимых крепкая нам заступнице; радуйся, радости нам, благодати же и славы вечныя ходатаице.

Радуйся, душевных и телесных неду́гов наших целительнице; радуйся, спасительных благ земных и небесных пода-
тельнице.

Радуйся, яко тобою от нечаянныя и вечныя смерти сохра-
не́ни быти уповаем; радуйся, яко тобою вечную жизнь улу-
чи́ти благонадежно ча́ем.

Радуйся, Варва́ро, невесто Христова прекрасная.

Кондак 13

О многострадальная и всехвальная святая великомучени-
це Варва́ро! Нынешнее наше моление прие́мши, от всяких
болезней душевных и телесных и враг видимых и невидимых
нас избави, и от вечнаго мучения твоим богоприятным хода-
тайством сохрани, да с тобою на земли живых во веки поём
Богу: Аллилуиа.

*Этот кондак читается трижды, затем 1-й икос «Анге-
лом честну́ю...» и 1-й кондак «Избра́нной Богом...».*

Молитва

О святая славная и всехвальная великомученице Варва́ро! Собранныи днесь в храме твоём Божественнем люди, ра́це мощей твоих поклоняющися и с любовью целующии, страдания же твоя мученическая, и в них Самого страстополо́жника Христа, давшего тебе не то́чию еже в Него веровати, но и еже по Нем страдати, похвала́ми ублажающе, молим тя, известная желания нашего ходатаице: моли с нами и о нас умоляемого от Своего благоутро́бия Бога, да милостивно услышит нас, просящих Его благосы́ню, и не отставит от нас вся ко спасению и житию нужная прошения, и дарует христианскую кончину животу нашему безболезненну, непостыдну, мирну, Божественных Таин прича́стну, и всем на всяком месте, во всякой скорби и обстоянии требующим Его человеколюбия и помощи, Акафист святой великомученице Варваре великую Свою подаст милость, да благодатию Божиею и твоим теплым предстательством, душою и телом всегда здрави пребыва́юще, славим дивнаго во святых Своих Бога Изра́илева, не удаляющего помощи Своея от нас всегда, ныне и присно и во веки веков. Аминь.

Святая великомученица Варвара родилась в знатной языческой семье. Ее отец желал выдать девушку замуж, но Варвара решила уневе́стить себя единому Жениху – Христу.

Ее отдали на мучения, и сам отец лично отрубил мученице голову, за что и был вскоре поражен Божиим наказанием – убит молнией.

Святая Варвара имеет благодать у Бога сохранять всякого человека от болезни и внезапной смерти без покаяния и причащения.



**Акафист святому
священномученику Анти́пе,
епископу Перга́мскому
От зубной боли**



Конда́к 1

Возбра́нный чудотворче и изря́дный недугов целе́бниче,
по данней ти от Господа благодати, яко имéяй дерзновение к
Подáтелю здравия, от всяких нас бед и недугов свободи, да
зовем ти: радуйся, Анти́по, скорый помощниче в болезнях
наших.

Икос 1

Ангелов и всея твари Содéтель, явивый тя Церкви Святи́й

всесветлаго светильника веры и за веру твердейшаго адаман-
та священномученика, научает нас восхваляти подвиги твоя
и воспевати тя, священномучениче Антипо, сїце:

Радуйся, богомудрый наставниче православныя веры; ра-
дуйся, яко источил еси рѣки учения, верных напаяющія.

Радуйся, яко мутныя воды многобожия потреби́л еси; ра-
дуйся, яко дѣмоном служащія чѣствовать Бога истиннаго
научил еси.

Радуйся, яко из глубины безбожия извлекл еси заблужд-
шія челове́ки и наставил еси их на путь спасения; радуйся,
яко дрема́нием нечестія одержімыя возбудил еси к разуму
истиннаго Боговѣдения.

Радуйся, Анти́по, скорый помощниче в болезнях наших.

Кондак 2

Вѣдя лютое гонение неправедных на благочестивыя хри-
стианы, не убоялся еси прещѣнія их и мучительства, бого-
избра́нне, но дерзновенно пред лицѣм их истиннаго Бога ис-
поведал еси, вразумляя тех обратїтися от суетных ідол ко
Христу Спасителю и вѣну пети Ему: Аллилуиа.

Икос 2

Среди языкъ, сидящих во тьме и сѣни смертней, сохранив

непорочность жития твоего, свя́те Анти́по, Ангелом сожигатель бы́ти сподобился еси и с ними воспевáти Трѳическую песнь Богу на небесѣ, услыши нас, поющих ти на земли похвальная пения сѣя:

Радуйся, житію безплотных поревновáвый; радуйся, чистотою Ангелом уподѳбивыйся.

Радуйся, во плѳти явивыйся аки безплотен; радуйся, в теле поживый духовно, на земли небесно.

Радуйся, небесный челове́че; радуйся, земный Ангеле.

Радуйся, Анти́по, скорый помощниче в болезнях наших.

Кондак 3

Силою благодати Божией, еще сый в телесѣ возсиял еси яко солнце, всех просвещая и разгоняя глубокую ночь безбожия. Сего ради почитая тя, яко сопрестольника апостолов и целеб подателя, воспевает Богу: Аллилуиа.

Икос 3

Имея неусы́пное попечение о спасении душ во тьме идолослужения погибающих, богомудре Анти́по, не преставал еси призывать тех к Богоугодней жизни, подавая собою пример совершеннаго благочестия христіанскаго; сего ради усердно приносим ти похвалы сѣя:

Радуйся, образе жития праведнаго; радуйся, указателю неверным стези, ведущей к небеси.

Радуйся, верным ко спасению путеводителю; радуйся, прилежный вразумителю заблуждших.

Радуйся, во обращении идолопоклонников к вере во Христа явивый самоотвержение всецелое; радуйся, архиерею Божий, добре упасший словесное стадо твое.

Радуйся, Антипо, скорый помощниче в болезнях наших.

Кондак 4

Велия буря ярости Дометиана, дышущаго убийством, восшумѣ на храм души твоея, святе Антипо, но того не возможе поколебати, основан бо бе на твердом веры Христовы камени, на немже ты, богоизбранне, неподвижно пребывая, укрепляющему тя Господу Иисусу воспевал еси: Аллилуиа.

Икос 4

Слышавше от тебе нечестивый игемон и жрецы идольстии словеса премудрости, распыхахуся на тя злобою, паче же егда рекл еси: «Едино то веждь, о игемоне, яко христианин аз есмь, царскому же велению безумному и нечестивому повинутися отнюдь не изволяю». Сие убо воспоминаая, взываем ти сице:

Радуйся, веру во Христа до смерти сохранивый добре; радуйся, силою свыше на брань противу мучителей препоясанный.

Радуйся, победоносною славою от Христа Победителя облечённый; радуйся, апостолов во исповедании Христа подражателю.

Радуйся, Страстём Христовым сопричастниче; радуйся, кровию своею утвердивый правоверие.

Радуйся, Антипо, скорый помощниче в болезнях наших.

Кондак 5

Боготочный источник дивных чудес явился еси, достославне Антипо: приял еси от Господа дар недуги врачевати, да познают неверующие Бога, яве тобою чудодѣйствующа, и воспоют Ему: Аллилуиа.

Икос 5

Видевше людие града Пергама, яко дадѣся ти благодать немощных исцеляти и от всяких телесных и душевных скорбей избавляти, удивѣшася, мы же за многая исцеления тобою на ны изливаемая, ублажаем тя похвалами сими:

Радуйся, болящих исцеление; радуйся, разслабленных укрепление.

Радуйся, недугующих врачу благодатный; радуйся, скорбящим непостыдное прибежище.

Радуйся, яко тобою от многих ран грешнии исцеляются; радуйся, яко тобою от всяких болезней с верою призывающих ты избавляешься.

Радуйся, Антипо, скорый помощниче в болезнях наших.

Кондак 6

Проповедником истины, Христовым апостолом поревновав, не убоялся еси зверонравных мучителей, не ужаснулся еси прещения, но со дерзновением проповедал еси им Христа Бога, Егоже ради в разжён сосуд мёдян ввержен был еси, да прославится тебе ради дивный во святых Господь, Емуже ты и в огнь зывал еси: Аллилуиа.

Икос 6

Имѣя вѣлию ревность о людех Божиих, ты болѣзновал еси о погрязших в бездне идолопоклонства и ради спасения неверных готов был еси, якоже божественный Павел, сам отлучѣн быти от Христа, возлюбленнаго тобою. Сего ради со умилением зываем ти сѣце:

Радуйся, отцу верующих Аврааму в ходатайстве о грешниках подражавый; радуйся, Боговидцу Моисею в пламен-

ней молитве о спасении неверующих поревновáвый.

Радуйся, новый Самуїле, в молитве о беззаконницах глаголавый: «Не буди мне, еже не вопїти о вас с молением ко Господу»; радуйся, подражателю архидиакона Стефана, во время страдания в мѣдном волѣ о мучителях сотворивый сицевую молитву: «Господи! не постави им грехá сего».

Радуйся, яко незлѣбив сый, за убивающих тя молился еси, яко за благотворцев; радуйся, пастырю любвеобильный, положивый душу свою за словесныя овцы твоя.

Радуйся, Антіпо, скорый помощниче в болезнях наших.

Кондак 7

Хотящу беззаконному мучителю лѣстными словесы от-
вратити тя, Антіпо, от истиннаго Бога ко ідолом бездуш-
ным, ты, богомудре, отвещал еси: пришѣд в последнюю ста-
рость и к смерти приближився, не изменю веры моея в Иису-
са Христа, Бога моего, Емуже со Отцем и Святым Духом
присно пою и во веки веков ѿмам пети: Аллилуиа.

Икос 7

Новое чудо показá Господь тобою, егда ты по велению зло-
честіваго мучителя ввѣржен был еси в разжѣн мѣдян конѣб,
в немже яко хлеб сладкий испѣклся еси и в воню благоухания

Святѣй Трѣице принѣслся еси. Благоговѣйне ўбо воспоминаѣ сѣ превѣлие терпение твое, блажѣмъ тѣ похвалами сѣми:

Радуйся, побѣдицѣмъ ввержѣниемъ въ разжѣнный сосудъ гордыню мучителя низложивъ; радуйся, яко огонь любви къ Богу въ сердце твоѣмъ до конца жизни сохранивъ.

Радуйся, яко Христа ради огнемъ кончину приявъ; радуйся, твердѣе камня въ терпении явивъ.

Радуйся, яко укрепляемый Христомъ Богомъ, преславно жизнь на земли скончалъ еси; радуйся, пресветлому мученическому лику сопричтенъ.

Радуйся, Антипо, скорый помощникъ въ болезняхъ нашихъ.

Кондак 8

Странно бѣ видѣти языкомъ, невѣдущимъ Божией силы, како въ слабомъ старческомъ телѣ возмоглъ еси, святителю Антипо, претерпѣти за Христа лютейшія муки: мы же, благодаря о семъ Бога, даровавшаго ти такую крепость, съ любовью взываемъ: Аллилуиа.

Икос 5

Весь преданъ былъ еси Иисусу Пресладкому, святителю Антипо, и сладце Его ради горькія муки въ огни претерпѣлъ еси, глагола бо еси: «Чашу страданий, юже даде ми Господь, не

імам ли піти»; темже и сам показался еси аки чаша, сладость чудесных исцелений изливающая всем, вопиющим к тебе таковая:

Радуйся, всею душею возлюбивый Иисуса Пресладкаго; радуйся, па́стырю, словесным овца́м во Святая Святых путь показáвый.

Радуйся, реко́, орошающая мир вода́ми благодати Божи-ей; радуйся, неисчерпаемый источниче чудесных исцелений.

Радуйся, сосúde, на вся недúги врачевáние неоску́дно из-ливающий; радуйся, яко Господь сил дівная на тебе явил-есть.

Радуйся, Анти́по, скорый помощниче в болезнях наших.

Кондак 9

Всякую стяжа́л еси чудодéйствия силу благодатию дивна-го во святы́х Своих Бога, святителю Анти́по: не то́кмо бо молитвами твоими устрáшил еси бéсы, но и совершенно из града Перга́ма изгнал еси я. Воспомяная сию победу твою над злыми дúхи, благодарне вопием Богу: Аллилуиа.

Икос 9

Ветийство человеческое не довлéет изрещи́, коли́кую при́ял еси, свя́те Анти́по, от Господа власть изгоня́ти от лю-

дей диавола с лукавыми демонами, за́ еже мы восхваляем тя
сѣце:

Радуйся, всяческих козней диавола разрушителю; радуйся,
сатаны посрамителю.

Радуйся, стужаемых от бесов свободителю; радуйся, демонов
отгнателю.

Радуйся, темных адских сил устрашителю; радуйся, от
него́же духи злобы, ꙗкоже дым, исчезают.

Радуйся, Анти́по, скорый помощниче в болезнях наших.

Кондак 10

Спасти хотѣ душу твою, презрѣл еси плоть и не убоялся
еси от убивающих тело, святе Анти́по; егда́ бо услышал еси
осуждение на сожжение в ме́дяном волѣ, ты радостно приял
еси́ оное, воспевая Гóсподеви: Аллилуиа.

Икос 10

Стенá еси ограждающая от всяких зол усердно тя в по-
мощь призывающих, святе Анти́по, не то́кмо бо во Асїи жи-
вущим, но и во всех мѣстех сущим христианом твоею дей-
ственной молитвою подаеши духовная дарования; ихже ра-
ди и мы, отче святы́й, ублажа́ем тя сѣце:

Радуйся, сосуде, источа́й елѣй Божия милосердия; ра-

дуйся, живонóсный истóчнице, струй исцелений изливающий нам.

Радуйся, скорый возста́вителю здоровья в нéмощи лежащих; радуйся, всех лютых болезней, па́че же лю́тыя зубны́я болезни, целі́телю.

Радуйся, безмéздный врачу́ болезни душевныя и телесныя; радуйся, пода́телю врачеваний всем, притекающим к тебе с верою.

Радуйся, Анти́по, скорый помощниче в болезнях наших.

Кондак 11

Пение благоприятное Пресвяте́й Трóице принесл еси, достойный преéмниче апостолов, Анти́по, не то́чию умóм, словом и духом, но живым всего себя в жертву принесéнием. Темже, áще и не довольны есмь к похвалению таковых твоих подвигов, обáче благодарни сущи, поем дивному во святых Богу: Аллилуиа.

Икос 11

Светозарный светильник, от истиннаго Света озаряемый, сущим на землі являешися, равноапóстольный Анти́по, просвещаеши бо сердца́ верных и к разуму божественному вся наставляеши, поучая и нас со умилением взывати:

Радуйся, зарё Божия света; радуйся, деннице Солнца Правды.

Радуйся, сияние евангельскаго учения; радуйся, светило небеснаго блистанія.

Радуйся, просвещаяй дѹши верных; радуйся, озаряяй сердца ищущих правды.

Радуйся, Антипо, скорый помощниче в болезнях наших.

Кондак 12

Благодать, данную ти от Бога вѣдуще, радостно имя твое воспоминаем, святителю Антипо, и с тёплым молением к всечестнѹму образу твоему притекающе, прилежно молим тя: подаждь цельбѹ страждущим лютою зубною болезнью и избави всех нас от всякия нѹжды и печали, да поем Богу: Аллилуиа.

Икос 12

Славную кончину твою поюще, архиерѣю Божий, и теплую молитву твою к Богу о христианах воспоминающе, восхваляем Господа сил, дивная на тебе сотворшаго; ты же услыши нас, умильно вопиющих ти:

Радуйся, тёплый пред Господем о нас молитвенниче; радуйся, присный пред Богом наш заступниче.

Радуйся, добрый наш наставниче; радуйся, о спасении нас грешных сильный ходатаю.

Радуйся, Царя Небеснаго скорый умилолюбивителю; радуйся, благосердый помощниче всех благочестно совершающих память твою.

Радуйся, Антипо, скорый помощниче в болезнях наших.

Кондак 13

О преславный и всехвальный священномучениче Антипо! Приими сие похвальное пение от нас недостойных во умилении тебе приносимое, и богоприятным твоим ходатайством умоли Господа даровати болящим здравие душевное и телесное, избавити всех нас от бед и напастей в жизни сей, по смертнем же успении нашем, в день Страшнаго Суда одесную Праведнаго Судий стати и в Царствии славы Ему воспевати: Аллилуиа.

Этот кондак читается трижды, затем 1-й икос «Ангелов и всяя твари...» и 1-й кондак «Возбранный чудотворче...»

Молитва

О преславный священномучениче Антипо, скорый по-

мо́щниче христианом в болезнех! Верую от всея души и помышления, яко даде́ся тебе от Господа дар болящия исцеля́ти, недугующия врачевати и разслабленныя укрепля́ти. Сего ради к тебе, яко благодатному врачу болезней, аз немощный [немощная] прибегаю и твой досточтимый образ с благоговением лобыза́я, молюся: твоим предстательством у Царя Небеснаго испроси мне болящему [болящей] исцеление от удручающия мя зубны́я болезни, аще бо и недостойн [недостойна] есмь тебе, бла́гостнейшаго отца и пріснаго заступника моего, но ты, быв подражатель человеколюбия Божия, сотвори мя достойна [достойну] твоего заступления чрез мое обращение от злых дел к благому житію, уврачу́й обильно дарова́нною тебе благодатию язвы и стру́пы души и тела моего, даруй ми здравие и спасение и во всем благое поспеш́ение, да та́ко тихое и безмолвное житие пожив во всяком благочестии и чистоте, сподоблюся со всеми святыми сла́вити всесвятое имя Отца и Сына и Свята́го Духа. Аминь.

Священномученик Анти́па был учеником святого апостола Иоанна Богослова и епископом Перга́мской Церкви в Малой Азии. Несмотря на то, что в то время император Диоклетиа́н воздвиг гонение на христиан, святой Анти́па усердно обращал ко Христу язычников. Император велел бросить его в раскаленного медного быка в идольском ка́пище, но тело его не сгорело и было погребено христианами.

Святой Анти́па имеет благодать исцелять от болезней,

особенно же от «удручающих зубных болезней».



Акафист святому мученику Вонифатию От блудной страсти и пьянства



Конда́к 1

Избра́нный во́ине Христо́в, венце́м славы украше́нный, от мученической смерти́ вечны́я смерти́ изба́вившийся, от мра́ка греховна́го отврати́вшийся и к вечному́ свету прише́дый, приими́ моление́ наше, в похвалу́ тебе́ приносимое, и нас избави́ от сетей лукава́го врага́ нашего́, да тебе́ с радости́ю зовем: раду́йся, Вонифа́тие, му́чениче многострада́льный.

Икос 1

Ангелом светлым, огонь мучений твоих рососою благодати

угасившим, огражден был еси, страдальче Христов Вонифатие, да некогда яко грешник нераскаянный погибнеша и пред Господом в одежде мрачней предстанеша, научи и нас облещися в светлыя ризы святости, тебе зовущих:

Радуйся, жизнь за Христа отдавший; радуйся, страданиям Его подражавый.

Радуйся, очи своя к Богу обративый; радуйся, волю свою в добродетелях укрепивый.

Радуйся, рабе Христов верный; радуйся, святой конец жития своего приемый.

Радуйся, к покаянию сердца обращающий; радуйся, ко Христу, пути истинному, приводящий.

Радуйся, Духом Святым просвещенный; радуйся, соблазнами мира сего не прельщенный.

Радуйся, змия лукаваго посрамивый; радуйся, святых лик возвеселивый.

Радуйся, Вонифатие, мучениче многострадальный.

Кондак 2

Видя многоятежие мира сего и печали земныя, и сия вся яко прах вменив, к премирным возвел еси ум твой, страдальче Христов, на высоту богоразумия возшед, Христа Бога пред всеми исповедал еси, и ныне души всех, во гресех погибающих, к милосердному Господу зовещи, да во смирении покаются и во слезах умиленных Ему вопиют: Аллилуиа.

Икос 2

Разум трезвлѣнием укрепил еси и страстей пламень покаянием угасил еси, Вонифатие предивный. От запада на восток из Рима пришел еси сопострадати Господу Иисусу Христу, намерение святое нося, да благодать в тебе преизобилует, и нас ныне в храм Божий привлекл еси, тебе глаголющих:

Радуйся, страсти побороти научаяй; радуйся, отчаянным надежду спасения подаваяй.

Радуйся, суету жизни земныя познавый; радуйся, страдания своя предсказавый.

Радуйся, трезвящихся отрадо и одобрение; радуйся, немощных волею укрепление.

Радуйся, яко тобою от пианства отвращаемся; радуйся, яко тобою к Богу обращаемся.

Радуйся, исцелений источниче неисчерпаемый; радуйся, чудес сокровище неоскудеваемое.

Радуйся, научаяй нас присно возносити ум наш к Богу; радуйся, обретый истинную от грехов свободу.

Радуйся, Вонифатие, мучениче многострадальный.

Кондак 3

Сила милосердия Божия неизреченная на тебе открыся,

и́бо жити́я твоего, мучениче, дѣвное повѣствованіе явно нам сказу́ет, ка́ко ве́лии грѣшницы милостиво Отцем нашим Богом приѣмлются, егда́ Ему покая́ние принесу́т. Та́ко и ты Богу угодил еси и вместо горькия смерти вечную жизнь при́ял еси, научи и нас Богу пе́ти вы́ну: Аллилуиа.

Икос 3

Имея ныне радость вечную в небесных селѣніях, и нас грѣшных на землі не забыва́еши, мучениче Христов Вонифа́тие.

Мы же, тружда́ющиеся и обременѣнные, к тебе прибегаем: не оста́ви си́рых и недужных, по́мощи у тебе прося́щих, но мольбы́ наша на Алтарь небесный принеси́, да радостно тебе зовем:

Радуйся, ближняго, яко себе сама́го, возлюбивый; радуйся, во гресѣхъ се́рдце свое не ожесточивый.

Радуйся, странником и путником со всяким тща́нием служивый; радуйся, сего́ ра́ди но́щию сто́гны гра́да оста́вивый.

Радуйся, богатые милосе́рдію научивый; радуйся, си́рых и вдови́цы защища́яй.

Радуйся, бе́дствующимъ добрый предста́телю; радуйся, за обидимых и унижа́емыхъ прі́сный ходатаю.

Радуйся, нестерпимою жа́ждою пи́анства па́лімыя трезвлѣніем прохладя́яй; радуйся, вина́ ради обнища́вшія к трезвлѣнію призыва́яй.

Радуйся, жены рыдающая утешая; радуйся, слезы их ко Господу принося.

Радуйся, Вонифатие, мучениче многострадальный.

Кондак 4

Бури греховныя тебе не потопиша, ниже волны страстей покрывша, мучениче Христов, не погибл еси, но ко Христу пришел еси и жизнь свою, яко жертву благовонную, Ему, Сладчайшему Спасителю нашему, принесл еси. Молися убо, да и мы в житейском море сущии, к тихому пристанищу, Господу Спасителю притецём, в умилении зовущи: Аллилуиа.

Икос 4

Слышим и мы евангельскую притчу, како блудный сын на стране далече имение свое иждивши, от глада душевнаго в себе пришед, во объятия отца притецё, в покаянии зовый: «Отче! Согреших на небо и пред тобою», тако и ты, мучениче Вонифатие, не погубив себе, но от рождца греха отвратився, ко Христу обратил еси, мы же, исправлению твоему радуящиеся, поем ти сие:

Радуйся, глад крепок в работе страстям испытавый; радуйся, Христа Бога, яко хлеба живаго, взалкавый.

Радуйся, пречистыя Крове Его, яко истиннаго питания,

приобщивыйся; радуйся, яко преславным мучеником приложивыйся.

Радуйся, на крылѣх трезвѣния к Богу возлетѣвый; радуйся, сердце свое горѣ имѣвый.

Радуйся, ко Господу силой Животворящаго Креста пришедый; радуйся, яко приял еси венѣц победы.

Радуйся, души на́шей сокровище нетленное; радуйся, Цѣркве на́шей украшение многоцѣнное.

Радуйся, красoty мира сего отвергый; радуйся, греховную одежду с себе совлекий.

Радуйся, Вонифатіе, мучениче многострадальный.

Кондак 5

Боготѣчную Кровь Христову, за всех нас недостойных, и кровь мученическую, за Христа проліянную, пámятующе, сѣе тебе вещáше Аглайда: «Сам вѣси, сколь многими грехами осквернѣнии есмь и о будущем житія нашего небрежѣм. Аз же от божественнаго мужа слышах, яко мучеников мѡщи спасение даруют, иже мученика яко хранителя и ходáтая пред Богом ѣмать», и мы тебе глаголем: ты еси наш хранитель и ходáтай пред Господом нашим, ибо со Ангелы предстоиши Пресвятѣй Троице, поя: Аллилуиа.

Икос 5

Видим ныне и разумеем, како сий глаголы Аглаиды душу твою пробудиша, и ты к воздержанию призвал еси себе, мучениче Вонифатие, и нам помози подражати тебе, да не погибнем в пучине беззакония потопляеми, но радостно тебе зовем:

Радуйся, от страстей, яко от погибельнаго сна, пробудивыйся; радуйся, от уз греховных свободивыйся.

Радуйся, сомневающихся в милосердии Божиим обличение; радуйся, безконечныя радости утверждение.

Радуйся, зовый нас к подвигу воздержания; радуйся, ты бо знаменiem креста посекал еси страстей выгнание.

Радуйся, стяжавый себе вечное имение; радуйся, и нас побуждаяй к труду спасения.

Радуйся, яко винное веселие презрел еси; радуйся, плотския раны, яко бесплотен, претерпел еси.

Радуйся, за исповедание Христа от врагов избивенный; радуйся, нестерпимым огнем за него опаленный.

Радуйся, Вонифатие, мучениче многострадальный.

Кондак 6

Проповедница поклонения святым мощам явися Аглаида,

госпожа твоя, страдальче Христов, егда послала тя на восток святыя мощи мучеников за веру Христову пострадавших принести, ими же благоденствия источаются обильно, и вечное спасение подается всем, к мученическому лику усердно притекающим, даждь и нам утешение от Господа пріяти, Ему же ангельскую песнь приносим: Аллилуиа.

Икос 6

Возсія еси нам, яко звезда незаходима, дивным житіем твоим, мучениче преблаженне, иго Христово легкое и вседрагое на себе приемый и спасение получивый, пути бо благочестия без Христа Господа обрести никакоже возможно есть, темже и нас молитвами твоими в горняя обители прivedи, тя восхваляющих сие:

Радуйся, закона Христова скрижаль, Богом начертанная; радуйся, молитв к Господу миро благоуханное.

Радуйся, правил веры Христовой столпе огненный; радуйся, честный венец заповедей Божиих, яко камен драгих устроенный.

Радуйся, трезвения лествице, в небо восходная; радуйся, болезни и раны врачуяй греховныя.

Радуйся, от Господа Иисуса благодать и силу приял еси; радуйся, воздержанием от грехов освящати праздники нас научаяй.

Радуйся, от смертнаго вина нас охраняяй; радуйся,

умерщвлѣнныя страстьми светом Христовым оживляяй.
Радуйся, к новому житию призываяй.
Радуйся, Вонифатіе, мучениче многострадальный.

Кондак 7

Хотя отыти от дому своего в путь на восток, кончину жития твоего предрекл еси, достохвально, Аглаиде глаголя: «Госпоже моя, приими мое тело, за Христа мучимое, его принесут ти». В душе твоей мысль за Христа пострадати тая, Ему откровенно молился еси; и нашу веру укрепи, да будем готовы и мы ея ради страдати, Господу поюще: Аллилуиа.

Икос 7

Дивному и преславному исправлению твоему не веруя, помысли лукавое в сердце своем Аглаида, грехом бо хуления оболгати тя хотяще, тако отвещати: «Ныне не глумления время, брате, но благоговения, ведый буди, яко мощи святых имаши носити. Господь же да пошлет Ангела Своего пред тобою и направит стопы твоя милосердием Своим». Мы же чистоту сердца твоего, дивный Вонифатіе, зряще, вопием ти:

Радуйся, святых мощей почитателю; радуйся, благоговения образа нам подавателю.

Радуйся, безчинств храни́тися нам повелеваяй; радуйся, вся, о них же сы́нове века сего радуются, презре́вый.

Радуйся, известный нам помощниче; радуйся, святых мыслей тайнниче.

Радуйся, всем борющимся с грехами покровителю; радуйся, покаяния нашего пред Богом поручителю.

Радуйся, яко твоими молитвами Господь оставляет прегрешения; радуйся, помогаяй нам терпéти скóрби и поноше́ния.

Радуйся, ликóм ангельским сотворивый удивлéние; радуйся, духо́в злобы приве́дый в посрамлéние.

Радуйся, Вонифа́тие, мучениче многострада́льный.

Кондак 8

Странно тебе бысть язы́ческое и́долом служение, и ты, святы́й мучениче, в Тарс пришед, не преклонил еси́ ко́лén пред богами чужды́ми, но апостолом показался еси́ ревни́тель. Темже молися за ны, да возгоримся и мы огнем любви́, ко Влады́це Христу поюще всегда: Аллилу́иа.

Икос 5

Весь распали́лся еси́ ревностию святою, хуле́ния на Господа не терпя, и исполнился еси́ Духа Божия, ослепление и

безумие поклоняющихся ложным богам обличая. Сего ради царь нечестивый казнь наведё на тя, мучениче, горькую, бичмй нестерпимо бия и раны нанося неисцельныя, мы же похвалу поем:

Радуйся, зловерия обличителю дерзновенный; радуйся, в правду Божию, яко броню, облеченный.

Радуйся, яко кости твоя за Христа обнажахуся; радуйся, чистота души твоя тогда открывашася.

Радуйся, яко наследовал еси небесная селения; радуйся, яко и ныне обличаеши злых человек на Христа хуления.

Радуйся, за Христа острыми тростями прободаемый; радуйся, сада райскаго цвете неувядаемый.

Радуйся, яко злато, горнилом язв очищенный; радуйся, за Христа ударенный.

Радуйся, кончиною своею Богу угодивый; радуйся, даже до смерти мученической Его возлюбивый.

Радуйся, Вонифатие, мучениче многострадальный.

Кондак 9

Всего себе Господу Богу предав, страстотерпче Христов, егда нечестивый царь повелё раскрыти уста твоя и олово кипящее влити. Руце своя воздвигл еси к небу, тако моляся: «Господи, Боже мой, Иисусе Христе, укрепивый мене в муках, пребуди и ныне со мною, мои страдания облегчи и не остави мене одолёну быти лукавым князем». Тем и нас люб-

ви ко Христу научаеши, поющих Богу: Аллилуиа.

Икос 9

Ветии суемудреннии да рекут нам: олово разжжёное гор-
тани твоея не опали, ниже иного вреда тебе сотвори, муче-
ниче Вонифатие; от Господа во знамение победы над мучи-
телем просил еси, и сие знамение тебе дано бысть. Сего ра-
ди вси чудящиеся восклицаху: «Велий есть Иисус Христос,
веруем в Тя, Господи». Мы же славим тя, мучениче, сие:

Радуйся, яко тобою вернии просвещаются; радуйся, яко
тобою от постыдныя смерти избавляются.

Радуйся, во едином Христе утешение полагая; радуйся,
во страданиях призывать Бога научая.

Радуйся, яко мучители тебе не превозмогша; радуйся,
яко страсти тебе не побороша.

Радуйся, ты бо терния грехов в себе попалил еси; радуйся,
ты бо огнем неопалён пребыл еси.

Радуйся, присно живой страстотерпче радостный; радуй-
ся, яко помощью твоею печали на радость прелагаются.

Радуйся, Вонифатие, мучениче многострадальный.

Кондак 10

Спасён быти восхотев, пламенно возжелал еси до конца

за Господа пострадати, мучениче Вонифатие, Емуже и возопил еси: «Господи, Господи, Боже мой, сподоби мя милостей Твоих и буди ми помощник, да за беззакония моя, безумно содёянные, враг не преградит ми пути к небесі, приими с миром душу мою, приими мя с мучениками, кровь за Тя пролившими и веру до конца соблюдшими», и с ны вопиющими: Аллилуиа.

Икос 10

Стена крепкая, ко́зными врага неодо́ленная, пребыл еси до конца, мучениче Христов. Егда же глава твоя от телесé отсечена бысть, о чудесе! Абие кровь и млекó из раны твоея истекоша, яко и неверным, чудо сие зрящим, Христа прославити и с ними звати тебе:

Радуйся, яко мучения твоя зряще, множество людей ко Христу обрати́шася; радуйся, яко тебе ради на князя злобы они устремішася.

Радуйся, твоя бо кончина просвети умы помрачѣнные; радуйся, твоя бо славная смерть воскреси совести во гресѣх погребенныя.

Радуйся, нераскаянных грешников обличение; радуйся, воли расслабленных от винá исцеление.

Радуйся, в нóщи неведения блуждающим вразумление; радуйся, золотая ўдище, из глубины грехов влекущая ко спасению.

Радуйся, яко от Бога в молитвах услышан был еси; радуйся, яко в Небесном Царстве воцарился еси.

Радуйся, в порфіру от кровей твоих облеченный; радуйся, яко зриши ныне свет неизреченный.

Радуйся, Вонифатие, мучениче многотрадальный.

Кондак 11

Пение немолчное приносиши Господеву, мучениче Вонифатие, с мученическими лики Пресвятей Троице предстоя, за Нюже себе преда́л еси, да и мы души своя, аки невесты, украсивше, нетленному Жениху Христу представим со освященною песнию: Аллилуиа.

Икос 11

Свет любви и по смерти возсиял еси, Вонифатие дивный, егда бо друзи твою усеченную главу обретши, плакахуся горько, глаголюще: «Раб Христов, забуди нам грех неправедного осуждения и безрассудных руганий наших», тогда лик твой яко лучами живыми просветися, прощения им являя. Сего ради с любовью тебе зовем:

Радуйся, имейя уста кротости сладковещанныя; радуйся, любви вместилище пространное.

Радуйся, о тебе бо веселится Церковь со своими чады; ра-

дуйся, ты бо пришел еси к Вы́шнему небесному граду.

Радуйся, в смерти своей апостолам равный; радуйся, ревностию по Бóже преславный.

Радуйся, житейския молвы облича́яй и злые сплетёния; радуйся, всех нас от вра́жия избавля́яй явления.

Радуйся, ты бо защища́еши непра́ведно гони́мая; радуйся, пред Престолом Господним лампа́до неугасимая.

Радуйся, по заповеди Христовой и врагов любивый; радуйся, злосло́вие и клеветы позабывый.

Радуйся, Вонифа́тие, мучениче многострадальный.

Кондак 12

Благодать исцелений точа́щая мо́щи твои егда к Риму приближа́хуся, Ангел Господень явился Агла́йде, глаголя: «Бывшаго ти дрéвле раба́, ныне же нашего брата и сослуже́бника приими́ я́коже владыку и упокой до́бре, да греси́ твои оста́вятся, той бо с нами ныне в небесах поет Всевы́шнему: Аллилуиа.

Икос 12

Пою́ще чудеса́ твоя, храм дивный созда́ тебе, воине Христов, Агла́йда, в немже и мо́щи твоя положи́ и сама богатство нищим раздавши, и пятьдесят лет в по́двизех поста́ и пока-

я́ния поживши, ли́ка святых достиже, темже, величающе чудеса твоя, прославим тя си́це:

Радуйся, душу твою сотворивый храм Богу прекрасный; радуйся, чудных Божиих дел книга ясная.

Радуйся, внезапныя смерти избавляяй; радуйся, скорбныя жены злых пи́аниц огражда́яй.

Радуйся, падшия к возстанию от грехов призыва́яй; радуйся, свет чистоты им подава́яй.

Радуйся, ты бо укрощаеши страсте́й огневицу; радуйся, тобою бо оставляем греховную темницу.

Радуйся, малая чада от соблазнов мира соблюда́яй; радуйся, яко ты Христову учению наставля́яй.

Радуйся, вѣстнице трѣзвости, во веки просла́вленный; радуйся, уго́днике Христов, присно почита́емый.

Радуйся, Вонифа́тие, мучениче многострадальный.

Кондак 13

О преславный мучениче Христов Вонифа́тие, приими от нас сие малое похвальное приношение, еже пред иконою твоею колена прекло́ньше и ру́це свои к тебе простѣрши, тебе ныне приносим: даруй нам твое пред Господом заступле́ние, наипа́че же погибающим от пианства братиям нашим. Исцеление низпосли́, жития́ бла́гого начало положи́ти всех нас сподо́би, да спасение улучивши молитвами, во веки восхвалим Бога, поюще Ему: Аллилуиа.

Этот кондак читается трижды, затем 1-й икос «Ангелом светлым...» и 1-й кондак «Избранный воине...»

Молитва

О многострадальный и всехвальный мучениче Вонифатие! Ко твоему заступлению ныне прибегаем, молений нас, поющих тебе, не отвержи, но милостивно услыши нас. Виждь братию и сестры наша, тяжким недугом пианства одержимая, виждь того ради от матери своея, Церкви Христовой, и вечнаго спасения отпадающия. О святыи мучениче Вонифатие, коснися сердцу их данною ти от Бога благодатию, скоро возстави от падений греховных и ко спасительному воздержанию приведи их. Умоли Господа Бога, Его же ради страдал еси, да простив нам согрешения наша, не отвратит милости Своея от сынов Своих, но да укрепит в нас трезвение и целомудрие, да поможет Своею десницею трезвящимся спасительный обет свой до конца сохранить во дни и ночи, в нем бодрствующе и о нем добрый ответ на Страшнем Судилище дати. Приими, угодниче Божий, молитвы матерей, о чадах своих слезы проливающих; жен честных, о мужех своих рыдающих; чад сирых и убогих, от пианиц оставленных, всех нас, к иконе твоей припадающих, и да приидет сей вопль наш молитвами твоими к Престолу Всевышняго даровати всем по молитвам их здравие и спасение душ

и телес, наипаче же Царство Небесное. Соблуди нас от лукаваго уловления и всех кóзней вражиих, в страшный час исхода Акафист святому мученику Вонифатию нашего помози прейти непреткновенённо воздушные мытарства и молитвами твоими избави вечнаго осуждения. Умоли же Господа даровати нам к отечеству нашему любовь нелицемерную и непоколебимую, пред врагами Церкви Святыя, видимыми и невидимыми, да покроет нас милость Божия в нескончаемыя ве́ки веко́в. Аминь.

Святой мученик Вонифа́тий пострадал за Христа в 290 году. Будучи рабом знатной римлянки, он жил с ней в незаконном сожителстве, предаваясь пианству и разврату. Его покровительница желала иметь дома мо́щи святых мучеников и отправила Вонифатия выкупить их у мучителей. Вонифатий же, придя в город и увидя мужество и стойкость христианских мучеников, сам исповедал себя христианином, за что и был жестоко умучен. Его спутники привезли тело Вонифа́тия обратно, и от мощей святого мученика проистекало множество чудес. И поныне он является теплейшим хода́таем к Богу о всех, кто страдает блудной страстью и недугом пианства.



**Акафист преподобному и
богоносному отцу нашему
Иоáнну, пустынножителю
Ры́льскому, чудотворцу
Об исцелении немоты**



Конда́к 1

Избра́нный Богом и предивный жити́ем, преподо́бне Иоáнне, от юности Христа возлюбив, путе́м тесным к Нему шествовал еси; ве́лиих же ради подвигов твоих и слез изли́ний дарова́ньми Духа Свята́го обогати́лся еси. Те́мже яко ве́лие ко Святе́й Троице дерзновение иму́ща ублажаем тя, просяще: от всяких нас бед свободы, зовущих: радуйся, преподобне Иоáнне, Ры́льский чудотворче, сла́во и ра́досте наша.

Икос 1

Ангел земный и человек небесный был еси, преподобне Иоанне. Како убо славу твою воспоем достойно, многими немощми обдержимии? Но сам вложи песнь хвалебную во уста нас, зовущих:

Радуйся, от родителей благочестивых рожденный; радуйся, ими в страхе Божии добре воспитанный.

Радуйся, из младенства от Церкви николиже отступивый; радуйся, тоя священными учеными благодатный разум стяжавый.

Радуйся, заповедей Господних блюстителю верный; радуйся, пощений и бдений непрестанных делателю усердный.

Радуйся, по смерти родителей наследие свое убогим раздавый; радуйся, жития ради доброго гонение от человеков лукавых подъявый.

Радуйся, клеветы неправедныя претерпевый; радуйся, до саждения с кротоостию понесый.

Радуйся, любовию серафимскою вслед Христа последовавый; радуйся, ея ради путь узкий иночества избравый.

Радуйся, преподобне Иоанне, Рыльский чудотворче, славо и радости наша.

Кондак 2

Видя мира сего суету, преподобне Иоанне, невозвратно того отвратитися потщался еси; ничтоже бо тебе от Христа можаше разлучити: ни узы сродства, ни юность твоя, ниже слава мира сего и красота. Сия убо вся ни во чтоже вменив, якоже елень на источники водныя, к Богу востекл еси, вопия Ему: Аллилуиа.

Икос 2

Разуму божественному покорился еси, блаженне, егда Господа в видении соннем узрел еси, от земли твоея изыти повелевающая ти и место спасения твоего показующая, и вся, яже в мире презрев, во обитель Руенскую вселился еси, идеже образ иноческий восприял еси. Сего ради вопием ти таковая:

Радуйся, житие иноческое возлюбивый; радуйся, противу греха воинствовать даже до смерти восхотевый.

Радуйся, купно с власы своими мирская вожеления отложивый; радуйся, с ненасытною жаждою к подвигом иноческим себе устремивый.

Радуйся, в предняя простираяся, задняя забвению предавый; радуйся, сладость жительства уединеннаго в себе об-

ретьй.

Радуйся, любвѣ ради божественныя житиѣ пустынное возлюбивый; радуйся, вины ради сея место пострига своего оставивый.

Радуйся, к горѣ, в видѣнии тебе явлѣнной, пришѣдый; радуйся, ничтоже имѣяй, в колибе хвѣстней себе вселивый.

Радуйся, дивный пустынножителю; радуйся, Иоанна Крестителя подражателю.

Радуйся, преподобне Иоанне, Рыльскій чудотворче, славо и радости наша.

Кондак 3

Силою Духа Святаго осеняем в пустыни вселился еси, Иоанне, безмолвное житиѣ провождати, с Богом невозбранно бесѣдовати, Того ангельски непрестанно славословити, лучами света Божественнаго озарятися, за вся же люди и мир Спасителю Богу молитися, поя Ему присно: Аллилуиа.

Икос 3

Имея желание огнепальное боговидѣния Моисѣйскаго, преподобне, на гору возшел еси явлѣния божественныя славы воспріяти, ихже око не виде и ухо не слыша и яже на сердце человеку не взыдоша. И кто возможет изрещи вся по-

двиги твоя, в безмолвии сотворённый? Но мы, дивящиеся житию твоему, сие зываем ти:

Радуйся, бремя подвигов великих на рамена своя возложивый; радуйся, житием твоим Ангелов удививый.

Радуйся, яко не хлебом, но бытием травным себе питал еси; радуйся, и того бо зело мало по захождении солнца вкушал еси.

Радуйся, жажду водою в меру утолявый; радуйся, купно с пророком «скотен бых у Тебе» Богу вопиявый.

Радуйся, яко потоки слез от очей твоих источал еси; радуйся, молитвы бо твоя непрестанно Богу возсылал еси.

Радуйся, подвиги сими от страстей себе очистивый; радуйся, бесов в зверине образе тебе устрашити тщавшихся посрамивый.

Радуйся, адаманте, козными вражиими несокрушимый; радуйся, во всех искушениях и напастьх всегда с Богом бывый.

Радуйся, преподобне Иоанне, Рыльский чудотворче, славо и радости наша.

Кондак 4

Бурю напастей дёмонских укротити восхотев, в пещеру некую зело мрачную вселился еси, преподобне Иоанне, порабощая тело твое и лишаяся света солнечного, яко да не лишиши Божественного Света в Царствии Господа твоего

и да поёши Ему тамо со всеми святыми: Аллилуиа.

Икос 4

Слы́шав о тебе, преподобне, сын брата твоего, Лука́ отрок,
и родителей утайвса, к тебе в пустыню прииде и тобою на-
ставляем восприя́ подвиги тво́я. Мы же силою благодати тво-
ея ужаса́ми, вопием ти си́це:

Радуйся, Светом Божественным ю́жика своего озари́вый;
радуйся, дитя́ малое пусты́нна жи́теля соде́лавый.

Радуйся, от злобы древня́ сего ради напа́сть новую при-
е́мый; радуйся, клевету́ в похище́нии отрока претерпе́вый.

Радуйся, от брата своего поруга́ния понеси́ый; радуйся,
де́тище от тебе отто́рженное благослове́нием укрепи́вый.

Радуйся, моли́твою слезною диа́вола посрами́вый; радуй-
ся, отрока, от зми́я ужа́ленного смертию, с Господем соеди-
ни́вый.

Радуйся, цвёте райский на ка́мени гор Ры́льских прозя-
бы́й; радуйся, от Ка́мене Божественнаго водою живою обиль-
но напоённый.

Радуйся, тайнниче Божий, в пусты́ни не утайвйся; ра-
дуйся свети́льниче Христов во мра́це пеще́рном просве-
ти́выйся.

Радуйся, преподобне Иоанне, Ры́льский чудотворче, сла-
во и радости наша.

Кондак 5

Боготѣчней звезде подобни суть святїи челове́цы: не то́чию бо сами ко Христу шѣствуют, но и прѣчиим людем спасения путь указу́ют. Сего ради вселука́вый творит им напáсти, якоже и тебе, Иоанне: нападѣ бо на тя во образе разбойник, ѿже избѣвше тя, отгна́ша от пещѣры пѣрвыя. Тогда ты в пустыню Рыльскую глубочáе вшед, в дупло дуба великаго всели́лся еси, во ѣже бѣльшими труды́ Господа твоего прославляти и пети Ему: Аллилуиа.

Икос 5

Видя Господь толи́кое озлоблѣние твое, преподобне, повелѣ земли да израстѣт слану́ток тебе в питание; сла́вна же ты яви пастырем, близ пустыни тоя́ обрѣтшимся, да и мы купно с ви́девшими дѣвная дела́ твоя вопием тебе таковáя:

Радуйся, от демонов вѣлія страдания приѣмый; радуйся, во́ине Христов непобѣдѣмый.

Радуйся, не до конца от них озло́бленный; радуйся, Христа покрѣвом всемогущим покровѣнный.

Радуйся, пред лицѣм пастырей от Господа просла́вленный; радуйся, обрѣтшим тя житие твое невѣлею известѣвый.

Радуйся, зла́ком чудесным техъ напитáвый; радуйся, от-

шедших их чудом дивным настаивый.

Радуйся, прочиим людем от них проповеданный; радуйся, от приходивших к тебе дарований Божиих не скрывый.

Радуйся, зело страждуща бесна молитвою слезною исцеливый; радуйся, к совершению чудесе сего всю надежду на Бога возложивый.

Радуйся, преподобне Иоанне, Рыльский чудотворче, славо и радости наша.

Кондак 6

Проповедницы должи есмы быти смирения твоего, преподобне Иоанне, явленнаго пред исцелением беснаго в молитве твоей сицевой: «Боже милосердный, несмь достоин именовать Твое имя моими нечистыми усты!» Сего ради тщимся убо и мы во смирении молитися Господеву и пети Ему: Аллилуиа.

Икос 6

Возсиявшу ти чудесы велиими, множайшую к тебе веру и любовь возмеша людие православнии. Но славе твоей по всей Болгарстей стране прошедшей, востав изшел еси от дуба, славы человеческия бегая. Темже смирения ради твоего убожаем тя сие:

Радуйся, смирение божественное возлюбивый; радуйся, славу человеческую возненавидевый.

Радуйся, гласа Христова к смирению призывающа, послушавый; радуйся, словеса Писания еже не нам, но имени Божию славу даяти, присно соблюдавый.

Радуйся, высокая достигнувый и ни кийх дел благих в себе не видевый; радуйся, древу плодоносну, ветвymi низу клонящуся, подобен бывый.

Радуйся, смирением Давиду, рекшему «аз есмь червь, а не человек», поревновавый; радуйся, купно с пророком Исаиею «о, окаянный аз» вопиявый.

Радуйся, со апостолом грешника себе первого нарицавый; радуйся, во смирении своем Самому Господу подражавый.

Радуйся, тщеславию доблественне противоставый; радуйся, сие яко прах земный ногами поправый.

Радуйся, преподобне Иоанне, Рыльский чудотворче, славо и радости наша.

Кондак 7

Хотящу ти страдания большая подъяти пламенные ради ко Христу любви твоя, столпнику дивному Симеону уподобился еси, на камень возшед, преподобне Иоанне, во дни и ночи аки бесплотен молитву дея, слезами камень омакая и единому токмо Богу беседовати желая. Мы же на подвиг сей взирающе, прославляем Всемоущаго Бога в тебе дивнаго и

поём Ему: Аллилуиа.

Икос 7

Новаго подвига твоего, блаженне, не стерпѣв диавол, поѣмлет с собою легионъ бесовъ, иже с камене тя в пропасть глубокую свергоша. Но ты с трудом велиим воставъ, паки на камень возшелъ еси творити молитвы твоя и дивящихся воставляеши звати ти:

Радуйся, ко Христу любовь велию стяжавый; радуйся, сего ради тяжце от полковъ демонскихъ пострадавый.

Радуйся, страдания сия ни во чтоже вменивый; радуйся, Христа паче жизни твоея возлюбивый.

Радуйся, ни чимъ же от Христа разлученный; радуйся, Им сего ради возлюбленный.

Радуйся, служения ангельскаго сподобивыйся; радуйся, от руки Ангела хлебомъ питаемый.

Радуйся, любовию ко Христу вся диавольская искушения победивый; радуйся, тою вся Христа заповеди соблюдый.

Радуйся, любви ради сея токмо славы божественныя искавый; радуйся, сего ради от Господа прославленный.

Радуйся, преподобне Иоанне, Рыльский чудотворче, славо и радости наша.

Кондак 8

Странный образ жития твоего, велие смирение и любовь твоя ко Христу приумножиша в тебе благодать, яже ти в крещении Христовых ради страстей и смерти крестных даровася. Сего ради сотвори тя Господь солнце духовное Православных Церкви, да просвещаются тобою чада ея ко спасению и да вопиют Богу: Аллилуиа.

Икос 8

Весь был еси сосуд избран Божия благодати, великий Иоанне, на тебе исполнися Крестителя слово, яко не в мере Бог дает Духа. Кийми благодатными дарованными не увенча ты Бог? Кийми явленными благодати не исполнено бысть твое житие? Темже на тя взирающе, приносим ти похвалы сия наша:

Радуйся, дар смирения Христова стяжавый; радуйся, слез и умиления благодать снискавый.

Радуйся, чистотою и целомудрием от Бога украшенный; радуйся, верою чудодейственною озаренный.

Радуйся, не токмо Христу веровавый, но и страдания за Него понесый; радуйся, даром ревности по Бозе увенчанный.

Радуйся, любвѣ к ближним исполненный; радуйся, даром божественнаго веденія сподобленный.

Радуйся, даром прозорливства просіявый; радуйся, дарование молитвы непрестающія имый.

Радуйся, до конца надежду будущаго блаженства сохранивый; радуйся, блаженство сие ещё в жизни сей предвкусивый.

Радуйся, преподобне Иоанне, Рыльскій чудотворче, славо и радости наша.

Кондак 9

Всякое дарование Духа Святаго воспримшу ти, преподобне Иоанне, достиже вещание твое благочестиваго царя Петра, иже видети тя вожделев посла к тебе девять мужей. Ты же алчных их быти духом разумев, малым хлебом напитал еси, иже преславное чудо сие видевше, вопияху Богу: Аллилуиа.

Икос 9

Ветии мира сего не разумеют, како царь Петр, сый во славе своей, к тебе с дары устремися, блаженне, и зело опечалися, не возмогий стремнин ради горных ко святыни твоей приблизиться; но мы, словеса Господа поминающе, ко всем

людем речѣнная, «ищите прежде Царствія Божія и правды Его», вопием ти:

Радуйся, яко Царство Небесное на земли достигл еси; радуйся, Царство бо сие, пришедшее в силе, яви ти Господь.

Радуйся, яко Царство Божіе в стяжаніи благодати людем явил еси; радуйся, во плоти бо сый блаженство райское в себе тайл еси.

Радуйся, яко бисер многоценный стяжав, суету временных показал еси; радуйся, яко правду и мир и радость о Дусе Святе имел еси.

Радуйся, сияніем бо благодати славу царскую затмил еси; радуйся, яко сокровище небесное имый, даров царских не приял еси.

Радуйся, яко зрѣти друг друга в Небеснем Царствіи царю Петру обещал еси; радуйся, яко царя в Писании твоём милосерда и Церкви послушна быти увещал еси.

Радуйся, яко покаянію царя научил еси; радуйся, яко покаянія ради царство вечное ему предрекл еси.

Радуйся, преподобне Иоанне, Рыльскій чудотворче, славо и радости наша.

Кондак 10

Спасти хотя себе до конца от козней вражиих, преподобне Иоанне, пребыл еси в подвизе стоянія на камени семь лет и четыре месяцы. Мнози же поревновавше тебе, близ каме-

не твоего церковь создаша и обитель составиша, начальника
тя перваго и пастыря имуще, да возсылается оттуду присно
хвалебная Богу песнь: Аллилуиа.

Икос 10

Стенá непреоборима бысть ти смирение твое даже до
смерти, блаженне Иоанне; разумев бо время отшествия тво-
его, моление слезное Богу вознесл еси, глаголя: «Отче Все-
держителю, ничтоже на земли благо сотвори́х! Сего ради мо-
лю́ Тя повелѣти Ангелу благо приити́, да не возбранѣн ми бу-
дет восход от духовъ лукавствия! Господи, в руке Твои пре-
даю дух мой!» И сия рек, абие дух испусти́л еси́. Мы же, си-
цевому праведному преставлѣнию дивящеся, тако тя убла-
жаем:

Радуйся, жити́ем и исходом твоим нас поучая́й; радуйся,
го́рняя му́дрствовать, а не земная нас призывая́й.

Радуйся, никѣимже сласте́м мирскимъ себе приобщивый;
радуйся, блаженную кончину от Бога приѣмый.

Радуйся, о смерти присно в животѣ своем помышля́вый;
радуйся, словеса́ апостола «по вся дни умираю» исполни-
вый.

Радуйся, со апостолом Павлом сме́рти вожделе́вый; ра-
дуйся, разрешитися и со Христом бы́ти присно желание
имѣ́вый.

Радуйся, слезами и молитвами себе к смерти угото́ва́вый;

радуйся, сего ради от смерти не на суд, но в живѳт прише́дый.

Радуйся, вѣ́чной радости со Христом по смерти приобщи́вшийся; радуйся, дерзнове́ние вѣ́лие пред Богом стяжа́вый.

Радуйся, преподобне Иоанне, Ры́льский чудотворче, славо и радости наша.

Кондак 11

Пением молебным ублажа́ти тя наста́вшу вре́мени, благово́ние нача́ от гроба твоего источа́тися, преподобне Иоанне. Сего́ ра́ди гроб твой отверзо́ша и тело твое обрето́ша нетле́нно и благоуха́ния испо́лнено. Отто́ле многая чудеса́ соверша́хуся от моще́й твоих во исцеле́ние к тебе прибега́ющих и Богу вопи́ющих: Аллилуиа.

Икос 11

Светопрі́емную свещу́ яви́ тя Госпо́дь, преподобне, и храм Ду́ха Свята́го, тело же твое тлению неприча́стно соблюде́. Взира́ючи у́бо на благодать сию́, прославля́ем тя си́це:

Радуйся, нетлением твоим всемо́гущество Божие благовеству́й; радуйся, безсме́ртные телес последі́ общаго воскресе́ния предобразу́й.

Радуйся, нетле́нием твоим славу Божию в Церкви яви́вый;

радуйся, истину воскресения мёртвых утвердивый.

Радуйся, по смерти игумену обители Рыльския во сне явивыйся; радуйся, твоя мѡщи в Средѣц град пренести повелѣвый.

Радуйся, дивная чудеса и zde сотворивый; радуйся, в град Тѣрнов пренесѣн вѣлія знамения содѣлавый.

Радуйся, от мѡщѣй твоих во градѣх стѡльных благодать пролиивый; радуйся, и в пленѣнии быв сѣлами всех ужасивый.

Радуйся, Мануїлу царю греческому исцелѣние даровавый; радуйся, епископу Остригѡмскому язык связавый и разверзавый.

Радуйся, преподобне Иоанне, Рыльскій чудотворче, славо и радости наша.

Кондак 12

Благодать вѣлію дарова ти Господь за многую любовь, предивный угодниче Божій, преподобне отче наш Иоанне, неду́ги исцѣляти, заблуждшія просвѣщать и всем просящим быти во спасение. Тѣмже благодаряще Гѡспода, нам тебе даровавшаго, при́сно зовем Ему: Аллилуиа.

Икос 12

Поюще тебе песнь недоумеем, како вся дивная деяния твоя словесы немощными изобразити, преподобне! Зряще же ты велика в угодниках Божиих, дерзаем сие восхвалити ты, зовуще:

Радуйся, в подвизах и трудах предивный; радуйся, прославленным тобою Богом прославленный.

Радуйся, далече вне Церкви Болгарския просиявый; радуйся, и иными Православными Церквами чтимый.

Радуйся, нетленною десницею в Церкви Российстей обитай; радуйся, благодатию великих отцов Церкви блистай.

Радуйся, подвиги преподобных Антония и Макария явивый; радуйся, деяния светил российских Сергия и Серафима предизобразивый.

Радуйся, от крала унгарскаго прославленный; радуйся, и от турских султанов почтенный.

Радуйся, во обители Рильстей верными и неверными до селе почитаемый; радуйся, велиих ради чудес твоих от всех прославляемый.

Радуйся, преподобне Иоанне, Рильский чудотворче, славо и радости наша.

Кондак 13

О великий Иоанне, Рыльскій чудотворче! Приими сию малую похвалу нашу и молися за ны ко Господу, да ниспослет нам милость Свою и покаянію истинному научит нас, избавит же нас от власти миродержителей тьмы века сего и сохранит в правосла́вней вѣре же и благодѣ́тном житѣльствѣ под дѣ́вным покрѣвом Божія Матере, да спасѣ́ннии твоим ходѣ́тайством вопіем Богу: Аллилуиа.

Этот кондак читается трижды, затем 1-й икос «Ангел земный...» и 1-й кондак «Избранный Богом...»

Молитва

О великий и предѣ́вный чудотворче, преподобне Иоанне, приими мо́ление наше и не отврати́ся от нас, к твоему заступлѣ́нію прибега́ющих: никогда́же бо отвраща́лся еси́ от приходѣ́вших к тебе с печа́льми своими во дни земна́го твоего житія́; вѣмы же, коли́кая зна́менія милосѣ́рдія явля́л еси́ и по преставлѣ́нии твоѣм лю́дем правосла́вным! Услы́ши и нас ны́не, вѣлиими скорбѣ́ми обдержи́мых, наше́дшими на ны в лука́выя дни сія́, егда́ диаволъ чрезъ па́губныя ко́зни своя́ тщится попра́ти Церковь Святу́ю, лишѣ́ти же нас спасенія

вечнаго и благ врёменная жизни! Испроси нам у Господа Иисуса Христа прощения грехов, а наипаче грехá непослушáния Матери нашей Церкви! Даруй нам сокрушénие сёрдца, во ёже со умиленíем неуклónно приступáти ко святому Та́инству По́каяния, я́ко да не во осуждénие и погíбель будет нам причащénие Тéла и Крóве Христовых, но во здравíе и спасénие. Отжени́ от нас дух братоненавидénия, даруй нам дух любóвe и мíра к братскому единénию всех людей твоих! Соедини́ всех нас любовию ко Христу и Его Церкви Правослáвней, я́ко да соблюда́юще спаси́тельную волю Его, и́стинная ча́да Божия будем! Бúди нам путебóждь во вся дни наша, я́ко да прíсно в благодати Дúха Свята́го сýще в чистоте веру содержи́м и волю Господню до са́мья смерти сотвори́м! В час же кончи́ны на́шея яви́ся нам предста́вити дúши наша к Престолу Божéственнаго Судий и рещи́ Ему: «Се аз и дéти моя», я́ко да твоим заступлénием вечных мук избáвльшеся, неизречénное блажénство Небеснаго Царствíя Христова наслéдим кúпно с тобою и всеми святы́ми во веки веков. Аминь.

Преподобный Иоáнн Ры́льский, живи́вший в X веке, нес свои подвиги в Болгарии. В юных летах, после смерти родителей, он раздал все имение нищим, принял монашество и поселился на необитаемой горé. Разбойники, напав на него, выгнали его оттуда, и он удалился в пустыню на реке Рíло и поселился в дупле. Здесь святой прожил 60 лет, питаясь од-

ной растительной пищей и не видя лица человеческого. Но со временем к нему стали приходить ищущие подвижнической жизни, и таким образом была устроена обитель.

К преподобному Иоанну Рыльскому обращаются за помощью в исцелении немоты́. Акафист ему был составлен архиепископом Серафимом (Соболевым), строгим подвижником и любвеобильным пастырем XX столетия.



**Акафист преподобному отцу
нашему Никите столпнику,
Переславскому чудотворцу
От расслабления (паралича),
бессонницы, потери аппетита
и при лишении членов**



Конда́к 1

Взбра́нный чудотво́рче и великий Христов уго́днице! Восхваляем тя с любовью, чада твоя, те́пла предстателя к Богу тебе стяжа́вше. Ты же моли прославившаго тя Господа от всяких нам бед свободи́тися, зовущим: радуйся, Ники́то преподо́бне, сто́лпнице и чудотво́рче.

Икос 1

Ангелов подобника и бесов противоборца провидя ты
всёя твари Зиждитель словесы пророческими: измыйтеса и
чиисти будите, на покаяние огласив ты, яко втораго Павла,
человеколюбно к себе призва, нас же научи убожати тебе
сице:

Радуйся, сосуде избранный, свыше Богом предуведанный;
радуйся, в храм Духа Всесвятаго представленный.

Радуйся, сподобивыйся Божественнаго призвания; радуйся,
удостоивыйся от Господа оправдания.

Радуйся, благодать Божию, умягчающую сердце твое, получивый;
радуйся, очистительнаго покаяния токи слез источивый.

Радуйся, веру в призвавшаго ты Господа несумнённу восприявый;
радуйся, всего себе водительство Божию предавый.

Радуйся, супружницу и клеветов твоих Господа ради оставивый;
радуйся, невозвратное твое шествие к снисканию спасения направивый.

Радуйся, Царствия Небеснаго стяжателю; радуйся, о всех к тебе притекающих теплый ко Господу предстателю.

Радуйся, Никито преподобне, столпниче и чудотворче.

Кондак 2

Видя супружницу твою, дивящуюся пременению снѣдных
мяс якобы в человеческия члены и недоумевáющую о неис-
поведíмых судьбах Божиих, свыше озарен, исповѣдал еси,
яко Господь на покаяние тя призывает, и áбие познал еси
спасающему тя Богу пети: Аллилуиа.

Икос 2

Разум недоразумевáемый, в дивном призвании твоём про-
явленный, разумѣти ищá, преподобне отче Никито, помыш-
лял еси, кáко о Господе возмощí мир и диáвола посрамíти,
к лавре святаго великомученика Никиты áбие потекл еси,
иде́же и ангельский образ на ся восприím, добль воин Хри-
стов показался еси. Мы же, Господа, спасшаго тя, прослав-
ляюще, радостно вопием ти:

Радуйся, яко мы́тарь, ко Господу о помиловании вопи-
я́вый; радуйся, яко заблудший сын, Отца Небеснаго взыс-
ка́вый.

Радуйся, яко ханане́я, от Христа не отступáвый; радуйся,
яко блудни́ца, о гресѣх рыда́вый.

Радуйся, яко Езеки́я, умильно моли́выйся; радуйся, яко
Манасси́я, в покая́нии смири́выйся.

Радуйся, яко Иов, искушения крѣпко терпѣвый; радуйся, яко Даниїл, премудрость Божию разумѣти вожделѣвый.

Радуйся, Давїдово раскаяние явивый; радуйся, Петровы слѣзы источивый.

Радуйся, путь истинный к животу вечному обретый; радуйся, яко крин, любовью божественною процветый.

Радуйся, Никито преподобне, столпниче и чудотворче.

Кондак 3

Сила Вышняго осени тя, преподобне отче Никито, егда в начале не был еси удостоен прїятія в лавру великомученика Никиты, и трехдневным твоим пред враты оныя приседѣнием и всенародным грехов твоих исповеданием победителя на диавола ты яви, научая нас дающему крепость людем Своим Богу пети: Аллилуиа.

Икос 3

Имѣяй благоприятное стремление во святей лавре великомученика Никиты водворїтися, но от сея быв отрѣваєм, в тїнное блáто наг поверглся еси на терзание мшїцем и гадом. Мы же толико крепкому твоему терпению дивящеся, вопиѣм ти:

Радуйся, миру единожды навсегда умѣрый; радуйся,

нераска́янно вся красная мира сего презре́вый.

Радуйся, тщеславныя по́мыслы смири́вый; радуйся, мысль в Бозе утверди́вый.

Радуйся, сребролюбие изсуши́вый; радуйся, сластолюбие умертви́вый.

Радуйся, всякий гнев и избыток злобы отложи́вый; радуйся, смиренномудрие возлюб́ый.

Радуйся, душу твою по слову Христа возненави́девый; радуйся, де́лы благи́ми Вели́ара преоби́девый.

Радуйся, плоть со страстьми́ и похотьми́ распный́; радуйся, по обращении твоём не себе, но единому Богу живы́й.

Радуйся, Никито преподобне, столпниче и чудотворче.

Кондак 4

Бурю внутри имея помышлений сумнительных, святая лавры игу́мен смяте́ся, зря тебе, грехолюби́ва бывша, на подви́ги ино́чествующих то́лько бо́дренно дерза́ющая, в месте тесне́ ты затвори́ во испытание благаго твоего произволе́ния; ты же на диавола, яко Дави́д на Голиа́фа, единобо́рствовати радостно с камнем веры потекл еси, поя́ Господу сил: Аллилу́иа.

Икос 4

Слы́шав сказанія житі́й древних подвижников, преподобне, ка́ко от Господа наставляеми и укрепляеми, труды ко трудом прилагáху, тем подражати возревновал еси, и тяжкия вери́ги, по благословенію игу́мена, на ся возложив, день и ночь в молитвах пребывал еси. Мы же, дивное твое подви́жничество прославля́я, зовем ти такова́я:

Радуйся, житі́ем отцев пусты́нных пленённый; радуйся, любовью божественною распалённый.

Радуйся, произво́льное у́зничество возлюбивый; радуйся, во умерщвлёніи плóти железа на себе возложивый.

Радуйся, в по́двизех неутомимый; радуйся, во благочестии неохладимый.

Радуйся, во плóти безплотных Ангелов сожителю; радуйся, своего произволения воли Божией покорителю.

Радуйся, исправленіи твоими безплотных удививый; радуйся, равноангельнаго житія образ истинный нам явивый.

Радуйся, в собесéдование с Богом вы́ну углублённый; радуйся, благодатию Божіею преобогачённый.

Радуйся, Никито преподобне, столпниче и чудотворче.

Кондак 5

Богопёсненную псалтирь к достижению небеснаго отечества, яко светильник, во уме твоём вѣну содержа, тою прославлял еси Небеснаго Отца, воспевая: Аллилуиа.

Икос 5

Видевше ближнии и дальнии, еже по Бозе житие твое, преподобне, чудному твоих нравов изменению удивляхуся, добродетели же и подвиги твоя прославляху, с ними же и мы сѣце вопием ти:

Радуйся, яко в старости крепость мужескую показал еси; радуйся, яко обет иночества делами оправдал еси.

Радуйся, в многострастней плоти подвижавыйся, яко безплотный; радуйся, благими помысли и дѣлы многоплодный.

Радуйся, твоими подвиги от обленѣния нас возставляяй; радуйся, твоею жизнию путь ко спасенію всем изъясляяй.

Радуйся, любовь велию к Богу показавый; радуйся, многообразне помощь Божию испытавый.

Радуйся, Божией любви к кающимся зеркало; радуйся, подвижающимся на діавола крепкое забрало.

Радуйся, вѣну о нас с молитвою Богу предстоящий; радуйся, и поднѣсь обитель твою нерушиму хранящий.

Радуйся, Никито преподобне, столпниче и чудотворче.

Кондак 6

Проповедают тяжкия твоѣ верѣги, смиренномудре Никито, труды и болезни, Бога ради тобою подъятыя, ихже ради дивно прослави тя Господь, обильныя исцелений струй тобою источая нам, да выну поем Ему: Аллилуиа.

Икос 6

Возсиявшая в сокрушенном сердце твоём благодать Всевятаго Духа провидца будущих и скорого наветуемым от бесов свободителя показá ты, преподобне, научая всех вопити тебе сѣце:

Радуйся, прѣдняя, яко настоящая прорекáвый; радуйся, дальная, яко близ сущая прозиравый.

Радуйся, яко князю Михаилу винú разслаблѣния его телеснаго объяснил еси; радуйся, яко мученическую кончину ему и болярину его быти предвестил еси.

Радуйся, со пророки прослáвленный; радуйся, чудотворцем сопричѣсленный.

Радуйся, гордыни диáволей низложителю; радуйся, бесов прогонѣтелю.

Радуйся, силу вражию поправый; радуйся, в силе Божией

преспевавый.

Радуйся, яко Царствие Божие внутрь себе стяжал еси; радуйся, яко Христа навеки в тебе жити восприял еси.

Радуйся, Никито преподобне, столпниче и чудотворче.

Кондак 7

Хотящу диаволу явлением своим во образе дракона устрашити тя, стояща на молитве, оружием креста поражение всеконечное нанесл еси, победителю Богу воспевая: Аллилуиа.

Икос 7

Новую тварь показá тя Зиждитель, от миролюбия к толикому боголюбию сердце твое обратив, преподобне отче, яко ты на столп, аки Илия на огненную колесницу возшед, бдение, пост и молитву, аки кони быстротечныя от земли к небеси стяжал еси, и тако ко Христу представ, выну ходатайствуеши о нас, вопиющих тебе:

Радуйся, яко еже по Бозе истинное житие познал еси; радуйся, яко тое ищущим делами показал еси.

Радуйся, велемудров века сего обуивый; радуйся, истинную мудрость в смиренномудрии быти явивый.

Радуйся, иго Христа восприявый; радуйся, благость онаго житием оправдавый.

Радуйся, язвы Господа Иисуса любезне на теле твоём понесый; радуйся, всего себе в жертву Господеву принесый.

Радуйся, земный странниче; радуйся, Божий избранниче.

Радуйся, монахов наставниче; радуйся, богоприятный о нас молитвенниче.

Радуйся, Никито преподобне, столпниче и чудотворче.

Кондак 8

Странное и преславное чудо видится всем, притекающим к тебе, отче Никито, яко и вода от изрытых тобою кладенцев, черпемая с верою, телесныя и душевныя недуги исцеляет, научая чудодѣющему Богу пети: Аллилуиа.

Икос 8

Весь от Всесвятаго Бога облагодѣтствован еси, преподобне отче, яко духом

Престолу Божию предстоиши, телом же в недре земли почивая, от гроба твоего подаеши цельбы. Сего ради и взываем ти таковая:

Радуйся, верный рабе Владыки Всеблагаго; радуйся, храме преукрашенный Духа Всесвятаго.

Радуйся, Царя Небеснаго предстоятелю; радуйся, скорый прошений подателю.

Радуйся, источниче исцелений; радуйся, сокровищнице чудотворений.

Радуйся, видимыми чудесы невидимую благодать, в тебе сущую, являяй; радуйся, верных души знаменами в вере утверждаяй.

Радуйся, чадам Церкви лучезарный светильниче; радуйся, дивный Христов угодниче.

Радуйся, увенчанный подвижниче; радуйся, Богу присный любимиче.

Радуйся, Никито преподобне, столпниче и чудотворче.

Кондак 9

Всякое естество ангельское удивися великому свыше тебе дарованию, преподобне Никито, яко и деревяный посох твой, страждущему телесным расслаблением Черниговскому князю Михаилу посланный от тебе и в руку им приятый, абие исцеление тому дарова и научи его пети чудодѣющему тобою Богу: Аллилуиа.

Икос 9

Ветии многовещаннии недоумеют по достоянию восхвалити тя, достославне отче, яко паче естества силу вражию преславно низлагаеши. Еще бо в телеси пребывая, бѣса, ше-

ствовавшу к тебе князю Михаилу являшася во образе инока и благое княже предприятие воспящавша, видимо к столпу твоему именем Христа пригвоздил еси, и поднёсь туюжде власть на бёсы являеши, разрушая злоко́зненные действия их на человеков. Сего ради и зовем ти сйце:

Радуйся, лжи диаволей обличителю; радуйся, прелести бесовския посрамителю.

Радуйся, власть на духи нечистыя приявый; радуйся, туюжде и по смерти удержавый.

Радуйся, яко дёмони и гроба твоего трепещут; радуйся, яко на них и вериги твоя стрёлы палящия мещут.

Радуйся, яко бёсныя во обитель твою то́чию нуждею привлачаеми бывают; радуйся, яко они здравии и смыслящии тую оставляют.

Радуйся, яко демони zde и не хотяще себе открыва́ют; радуйся, яко тобою гоними, из одержимых ими скоро убега́ют.

Радуйся, реко исцелений быстроте́чная; радуйся, стражо обители вечная.

Радуйся, Никито преподобне, столпниче и чудотворче.

Кондак 10

Спасти́ хотя душу твою, богомудре отче, в кротости и смиренномудрии Христове вы́ну поучался и дивно преуспел еси. Темже и рабом твоим, хотящим ну́жно изы́ати ду́шу твою, ничто́же пререкл, ниже возопил еси; но, яко агнец незлоби-

вый, главу подклонив, смерть от тех приял еси, поя Богу: Аллилуиа.

Икос 10

Стена еси всем, воспевающим тя и притекающим с верою к заступлению твоему, Никито столпниче. Темже и нам, к тебе прибегающим, буди столп непоколебим, от всяких нас бед и напастей выну застеняя и ограждая, за еже и поем тебе таковая:

Радуйся, пристанище обуреваемых; радуйся, помощи озлобляемых.

Радуйся, скорбных утешителю; радуйся, немощных укрепителю.

Радуйся, грешным Бога умиловляяй; радуйся, благих в добре утверждаяй.

Радуйся, кающихся своим примером ободряяй; радуйся, о спасении подвижающимся споборяяй.

Радуйся, мятущихся помыслами умирителю; радуйся, вражиих наветов отразителю.

Радуйся, наших царей державо и похвало; радуйся, града Переславля утверждение и красото.

Радуйся, Никито преподобне, столпниче и чудотворче.

Кондак 11

Пение благодарственное Господу приносят вси, приёмлющии, видящии и слышащии многочисленная чудеса, от тяжких вериг и гроба твоего бывающая силою Божиею, юже ты выну на небесех прославляеши, поя Богу: Аллилуиа.

Икос 11

Светозарное светило, на тверди церковней возсиявшее, преподобне отче Никито, показаша ты три огневидныя столпы, явльшиися над поверженными от убийц твоих, и яко древо, в водах волжских плававшими твоими веригами, яже и положить зде на гробе твоем, яко почесть трудов твоих, в нощнем видении повелел еси. Чесó ради твое водворение во светлостех святых быти уразумевше, ты воспоем:

Радуйся, жителю Божественнаго селения; радуйся, достигший вечнаго упокоения.

Радуйся, благ неизреченных наслаждающийся; радуйся, лицезрения Божия насыщающийся.

Радуйся, со Ангелы присно ликующий; радуйся, Трисвятую песнь немолчно поющий.

Радуйся, с преподобными убожаемый; радуйся, с мучениками увенчаемый.

Радуйся, радостию вечною преисполняемый; радуйся, любовью Божественною преуслаждаемый.

Радуйся, яко тобою Вышний на небеси и на земли славится; радуйся, яко и ты сего ради Вышним на небеси и на земли прославился еси.

Радуйся, Никито преподобне, столпниче и чудотворче.

Кондак 12

Благодать чудес твоих, преподобне отче Никито, в сердце первосвятителя Фѳотия вѣлие ко отысканию многоцелѣбныхъ мощей твоихъ желание возже. Ты же, богомудре, аще и попустил еси откопати и видети нетленное и чудесы благоухающее тело твое; обаче якоже и прежде человеческия славы убѣгавший, всех из храма, аки бурею, изринув, паки себе в землю скрыл еси. Чѣсо ради дивному во святых Своих Богу Иаковлю воспеваем: Аллилуиа.

Икос 12

Поюще преславно действующаго тобою чудеса Царя Небеснаго, ты, отче достославне, восхваляем, аще и недостойными устами, обаче усердно ублажая тя сиче:

Радуйся, честное Пресвятая Троицы носило и похваление; радуйся, святыни Духа чистое и непорочное селение.

Радуйся, чудес пучино, Богом излиянная; радуйся, мироварнице, на вся недуги врачеваниями преизобильная.

Радуйся, образе агнцем и пастырем; радуйся, преукрашенный всяким Божественным дарованием.

Радуйся, правило веры и образе кротости духовная; радуйся, зрителю красоты Божественных неизреченных.

Радуйся, мира Христова благоухание; радуйся, многоцветный крине райского прозябения.

Радуйся, яко Ангели о твоих исправлениях радуются; радуйся, яко мнози человецы по твоему примеру и предстательству спасаются.

Радуйся, Никито преподобне, столпниче и чудотворче.

Кондак 13

О преславный чудотворче и великий Христов угодниче, Никито преподобномучениче! Нынешнее наше хвалебное приношение прием, не остави присно ходатайствовать о нас у Отца Небесного, да в житии сем сетей вражиих и прелести бесовския избывше, воздушных мытарств и геенны вси избежем, и всельшися в Горный Иерусалим, сподобимся с тобою пети Всеблагову Богу нашему вечно немолчное: Аллилуиа.

Этот кондак читается трижды, затем 1-й икос «Ангелов подобника...» и 1-й кондак «Взбранный чудотворче...»

Молитва

О всечестная главо, преподобне отче преблаженне, Никито преподобномучениче! Не забуди нищих твоих до конца, но поминай нас всегда во святых своих и благоприятных молитвах к Богу и не забуди присещати чад своих. Моли за ны, отче благий и избранниче Христов, яко имеяй дерзновение к Небесному Царю, и не премолчи за ны ко Господу, и не презри нас, верою и любовью чтущих тя. Поминай нас, недостойных, у Престола Вседержителя и не престай моляся за нас ко Христу Богу: тебе бо дана бысть благодать молиться за ны. Не мним бо тя мертва суща, аще бо и телом преставился еси от нас, но и по смерти убо жив пребываеши. Не отступай от нас духом, сохраняя и соблюдая нас от стрел вражиих и всякия прелести бесовския, заступниче и молитвенниче наш добрый. Аще бо и мощей твоих рака пред очима нашими видима есть всегда, но святая твоя душа со ангельскими воинствами, со безплотными лики, с Небесными силами у Престола Акафист преподобному Никите столпнику Акафисты, читаемые в болезни и скорби Вседержителя Бога достойно веселятся. Ведуще убо ты воистину и по смерти жива суща, тебе припадаем, и тебе молимся, и милися деим, еже молиться о нас Всесильному Богу о пользе душ наших, и испроси нам время на покаяние и невозбранно прейти от земли на небо, и горьких мытарств, и воздушных князей, и вечных

муки избáвиться нам, и Небесному Царствию наследником быти со всеми прáведными, от века угоди́вшими Ему, Господу нашему Иисусу Христу. Емуже подобает всякая слава, честь и поклонение со Безначальным Его Отцем и Святым Духом, ныне и присно и во веки веков. Аминь.

Преподобный Никита столпник, Пересла́вский был сборщиком налогов, жестоко грабившим простых людей.

Устраше́нный видéнием, посланным свыше для его врачевания, он удаляется в монастырь и возлагает на себя множество подвигов.

Акафист преподобному Никите столпнику Преподобный Никита обладал даром исцеления, в том числе и расслабленных (т. е. парализованных). Известно, что юный Михаил, сын князя Черниговского, ездил лечиться к преподобному

Никите, и чудотворец посохом своим исцелил князя.

Преподобному Никите молятся страдающие бессонницей, потерей аппетита и лишенные каких-либо членов тела.

